
This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>



This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>



UNIVERSITY OF CALIFORNIA, SANTA CRUZ



3 2106 01209 3909





BIBLIOTHÈQUE MÉRIDIONALE

PUBLIÉE SOUS LES AUSPICES DE LA FACULTÉ DES LETTRES DE TOULOUSE

1^{re} SÉRIE.

TOME XVIII.

LES
LEYS D'AMORS

MANUSCRIT DE L'ACADÉMIE DES JEUX FLORAUX

PUBLIÉ PAR

JOSEPH ANGLADE

PROFESSEUR DE LANGUE ET LITTÉRATURE MÉRIDIONALES À L'UNIVERSITÉ DE TOULOUSE

MAINTIENUEUR DE L'ACADÉMIE DES JEUX FLORAUX

TOME II



TOULOUSE

IMPRIMERIE ET LIBRAIRIE ÉDOUARD PRIVAT

14, RUE DES ARTS (SQUARE DU MUSÉE)

PARIS, AUGUSTE PICARD, RUE BONAPARTE. 82

1919

L A S

LEYS D'AMORS

BIBLIOTHÈQUE MÉRIDIONALE

PUBLIÉE SOUS LES AUSPICES DE LA FACULTÉ DES LETTRES DE TOULOUSE

1^{re} SÉRIE.

TOME XVIII.

LAS
LEYS D'AMORS

MANUSCRIT DE L'ACADÉMIE DES JEUX FLORAUX

PUBLIÉ PAR

JOSEPH ANGLADE

PROFESSEUR DE LANGUE ET LITTÉRATURE MÉRIDIONALES A L'UNIVERSITÉ DE TOULOUSE

MAINTENEUR DE L'ACADÉMIE DES JEUX FLORAUX

TOME II



TOULOUSE

IMPRIMERIE ET LIBRAIRIE ÉDOUARD PRIVAT

14, RUE DES ARTS (SQUARE DU MUSÉE)

PARIS, AUGUSTE PICARD, RUE BONAPARTE, 82

1919

LAS LEYS D'AMORS

[F^o 64 r^o] Las Rubricas del segon libre. R.¹.

De la segonda manera de rethorica laquala procezhish am rims
.LXV.

Per que foro faytas aquestas LEYS D'AMORS .LXV.

Mostra que es leys e don se deshen .LXVI.

Qui e cuy e quo deu joya jutjar¹ .LXVI.

De las manieras diversas de trobar .LXX.

La difinicions de trobar .LXXI.

Mostra e declara que es compas .LXXI.

Li mandamen de trobar .LXXI.

Per que foc trobada aquesta segonda sciensa de trobar .LXXI.

Per qual manera vol procezir .LXXI.

De las diversas manieras de volz .LXXI.

De letra .LXXI.

De las .v. vocals plenissonans, semissonans e utrissonans .LXXI.

De las consonans .LXXII.

I e u teno loc soen de consonans .LXXII.

De u aprop g o q .LXXII.

Dels diptonges .LXXII.

1. Chabaneau a publié ces rubriques, ainsi que le début du livre II, jusqu'au folio 70 inclus (*Hist. Gén. Lang.*, éd. Privat, X, 195-202); mais la plupart des notes du manuscrit n'ont pas été transcrites par l'auteur de la copie dont il s'est servi.

2. Au dessus de la ligne : « E del jutjamen de la joya ».

De l'ajustamen de las vocals que no fan vray diptongue .LXXII.
De vocal denant vocal e enayssi d'alcunas autras letras e diptonges .LXXII.

Exeptios de las ditas reglas .LXXII.

Après *a* prepozicio .LXXIII.

Aprop *e* conjunctio copulativa et aprop *o* disjunctiva .LXXIII.

De *s* o *z* aprop *que* .LXXIV.

Z soen te loc de *s* .LXXIV.

De l'acordansa e del so de *b* e *p*, e de *g* e *c*, de *c* e *s* e de *q*, *k*, *c*,
.LXXIV.

De la natura e del so de *h*, *l*, *r*, *s* .LXXIV.

Dels motz termenatz en *ns* e per consequen d'alcus autres .LXXV.

De l'acordanza de *t* e *d*, e de la natura de *x* et *y* grec .LXXV.

De sillaba e dels motz d'una e de motas sillabas.

D'oratio e de dictio .LXXVI.

Dels motz plenissonans, semissonans, utrissonans, enpostz,
dissonans, trencatz, sillabicz, sincopatz, sinalimphatz, equi-
vocz, synonymatz et accentuals .LXXVI.

Del tractat d'accen e de sillabas planas e retardivas e de collizio
.LXXVII.

De l'accen segon lati .LXXVII.

En qual loc de la dictio devon esser assetiat l'accen principal
.LXXVII.

Dels vi enpedimens d'accen segon lati .LXXVII.

De l'accen segon romans .LXXIX.

Dels bordos .LXXX.

Dels ¹ bordos de quatre sillabas .LXXX.

Dels bordos de .v. sillabas .LXXX.

Dels bordos de .vi. sillabas .LXXX.

Dels bordos de .vii. sillabas .LXXXI.

Dels bordos de .viii. sillabas .LXXXI.

Dels bordos de .ix. sillabas .LXXXI.

Dels bordos de .x. sillabas .LXXXI.

Dels bordos de .xi. sillabas .LXXXI.

Dels bordos de .xii. sillabas, on [F^o 60 v^o] declara las dictas
armas e'l caval .LXXXII.

Veus autre yssemples dels bordos de .xii. sillabas per lo prezen

1. Ms. *del*.

dictat appellat la *Contemplacio de la Crotz*, e quar la Passios de Nostre Maestre J. C. comensec a completa, per so le presens dictats comensa a completa .LXXXIII.

A matinas .LXXXIV.

A prima .LXXXV.

A tercia .LXXXVII.

A mieg jorn .LXXXVIII.

A hora nona .LXXXIX.

A vespras .xc.

Dels bordos principals enpeutatz e biocatz .xcii.

De las pauzas .xcii.

En quals locz dels bordos deu hom gardar accen .xciii.

Definicions de rim .xciii.

De las diversas manieras de rim .xciii.

De rims estramps comus .xciii.

Dels rims estramps cars .xciii.

Dels rims acordans .xciii.

De sonansa borda .xciii.

De rim simple sonan bord .xciii.

De rim doble sonan bord .xciii.

De sonansa leyal .xciii.

De rim sonan leyal .xciii.

De consonansa borda .xciii.

De rims bords consonans .xciii.

De consonansa leyal .xcv.

De rim consonan leyal .xcv.

De leonismitat simple .xcv.

Dels rims simples leonismes, amb accen greu .xcv.

Dels rims simples leonismes, amb accen agut .xcv.

De leonismitat perflecha.

Dels rims ordinals .xcv.

Dels rims dissolutz .xcv.

Dels rims singulars .xcv.

Dels rims capcoatx .xcvi.

La contemplacio dels .vii. gaugz principals de Nostra Dona e primieramen de la Encarnacio .xcvi.

De la nativitat .xcvii.

De la apparitio .xcvii.

- De la resurreccio .xcviii.
 De l'ascencio .xcviii.
 Del trametemen del Sant Esperit .xcix.
 De la assumpcio de Nostra Dona .xcix.
 Dels rims caudatz .c.
 Dels rims continuatz .c.
 Dels encadenatz .c.
 Dels rims crozatz .c.
 Dels rims multiplicatius, liqual son dig en altra manera tom-
 barel o enpeutat .c.
 Dels rims serpentis .c.
 Dels rims biocatz .c.
 Dels rims desguizatz.
 De rim espars, en altra manera dig brut .ci.
 De retrogradacio .ci.
 De rims retrogradatz per acordansas.
 Dels rims retrogradatz per bordos .ci.
 [Fº 65 rº] Dels rims retrogradatz per sillabas e per letras .cii.
 Dels rims reforsatz .ciii.
 Dels rims dictionals .ciii.
 Dels rims derivatius .ciii.
 Dels rims equivocz .civ.
 Dels rims accentuals .civ.
 Dels rims utrisonans .civ.
 Dels rims trencatz .cv.
 De novas rimadas .cv.
 De cobbla .cvi.
 De las diversas manieras de cobbla .cvi.
 De cobblas estrampas .cvi.
 Cobbla estrampa cara .cvi.
 Cobla estrampa comuna .cvii.
 De las coblas accordans .cvii.
 Cobbla sonans .cvii.
 Cobbla consonans .cvii.
 Cobbla simple leonisma .cvii.
 Cobbla perfiecha leonisma .cvii.
 De las cobblas ordinals .cvii.
 Cobblas dissolutas singulars capcoadas .cvii.

- Cobbla caudada .cvii.
- Cobbla continuada .cvii.
- Cobbla encadenada .cvii.
- Cobbla crozada .cvii.
- Cobbla crotz-encadenada .cviii.
- Cobbla crotz-caudada .cviii.
- Cobbla cadena-caudada .cviii.
- Cobbla multiplicativa .cviii.
- Cobbla biocada .cviii.
- Cobbla replicativa .cviii.
- Cobbla refrancha .cix.
- Cobbla serpentiva .cix.
- Cobbla desguizada .cix.
- De cobbla esparsa .cix.
- De cobbla retrogradada .cx.
- De cobbla dobbla .cx.
- Cobblas unissonans .cx.
- Cobbla reforsada .cx.
- De cobblàs dictionals .cx.
- Cobbla derivativa, en altra manera dicha entretracha o mari-
dada .cx.
- De cobbla equivocca .cx.
- De cobbla accentual .cx.
- De cobbla utrissonan .cx.
- Cobbla trencada .cxii.
- Cobbla sillabicada .cxii.
- De cobblas parsonieras .cxii.
- Cobbla capfinida .cxii.
- Cobbla capdenals .cxii.
- Cobbla recordativa .cxii.
- Cobbla retronçada .cxiii.
- De cobbla duplicativa .cxiii.
- De cobbla desfrenada .cxiv.
- De cobbla affectuoza .cxiv.
- De cobblas sententials .cxiv.
- Cobbla dubitativa .cxiv.
- Cobbla doptoza .cxiv.
- Cobbla contrarioza .cxiv.

Cobbla comutativa .cxiv.

Cobbla diversa .cxiv.

Cobbla reversa .cxiv.

Cobbla methaforada .cxiv.

Cobbla gradativa .cxv.

Cobbla ornativa .cxv.

Cobbla permutativa .cxv.

Cobbla exclamativa .cxv.

Cobbla divinatoria .cxv.

Cobbla rescosta .cxvi.

Cobbla proverbials .cxvi.

Cobbla derrizoria .cxvii.

[Fº 61 vº] Cobbla assemblativa .cxvii.

Cobbla exemplificativa .cxvii.

Cobbla responsiva .cxvii.

Cobbla tensonada o tensonans, en altra manera dicha enterrogativa, o enterrogans o razonans.

Cobbla concluziva .cxvii.

Cobbla compendioza .cxviii.

Cobbla contrafacha .cxviii.

Cobbla occupativa .cxviii.

Cobbla distributiva .cxviii.

Cobbla designativa .cxviii.

De cobbla partida .cxviii.

De cobbla meytadada .cxix.

De cobbla constructiva .cxix.

Ayssi tracta dels dictatz .cxix.

Monstra qu'es vers .cxix.

De tornada .cxix.

De chanso .cxx.

De descort .cxx.

Mostra quals lengatges es estranhs .cxx.

De dansa .cxx.

De sirventes .cxxi.

De pastorela .cxxi.

De tenso .cxxi.

De partimen .cxxi.

De planch .cxxi.

De escondig .cxxi.

De retroncha .cxxi.

[Dels mantenidos he chancelier ¹.]

Tractat es estat dels dictatz principals, e veus dels no principals.

N. B. — Ce second livre correspond en partie au second livre des *Flors del Gay Saber* du manuscrit de Barcelone encore inédit; v. 312 et suivants.

1. Même écriture que les vers *al chancelier* par lesquels débute le second livre. Cette rubrique et les vers sont d'une autre main et d'une écriture plus récentes. C'est une interpolation. En haut, mais du xvii^e s. : *Election de chancelier et qualité de mainteneurs*.

LIVRE II

**Comensa lo segons libres de la seconda man-
niera de rethorica, laquals procezish am rims.
R^a.**

Al chancelier devetz atendre
Doctor en dreyt, per miels entendre
De Toloza filh antic prest,
Que ce trove le plus honest
A l'avis dels mantenidos,
Qu'en l'art volem estre doctos,
Eligitz sus tot dels mestres
Per qu'en jugar sian plus adestres,
Considerada la pratiqua
De la persona mays antiqua¹.

La sciensa de rethorica se fa en doas manieras de
parlar, la una en proza, e l'autra en rima; pero li
essenhamen de rethorica son comu a cascuna d'aques-
tas manieras, exceptat que aquela que es en proza,
coma es la comuna parladura de las gens, es mays am-
pla e larga; et aquela que es en rima es plus estreya,
quar procezish per cert compas, per cert nombre, e
per certa mezura. E quar de la primiera maniera ha-
vem tractat, cove que ayssi tractem de la segonda.

1. Cf. la note de la page 9. En interligne on lit (xiv^e s. ?) : I.
probus ?

On lit en marge, d'une écriture cursive qui paraît contempo-
raine du ms., les mots suivants difficiles à déchiffrer :

Non (?) pertinet..... manutentoribus can[c]ellari (?) quan
(? quando ?)..... loca vacant.

Au bas de la marge : .oletur (noletur ? ou voletur ?)

**Per que foro faytas aquestas Lays d'Amors.
Rubrica.**

[Fº 66 rº] Aquestas LEYS fan per so qu'era dispers, rescost, escur, compilar, manifestar e declarar e may per jutjar, punir e remunerar, so es gazardonar, el per refrenar los dezonests movemens e vas deziriers dels fols enamoratz.

Mostra que es leys e don se deshen. Rubrica.

Yzidoris ditz que aquest vocabbles *dreytz* es noms generals, e *leys* es noms especials contengutz dejos *dreg*; e *dreytz* non es als sinon cauza justa.

Leys, segon luy meteysh, es constitucios escriuta. Ditz may que « leys es constitucios de poble fayta et ordenada per los majors essemms am l'autre poble. » Costuma vens *dreg*, laquals per ley es reputada. Costuma es uzalges acostumatx longamen, so es per gran antiquitat de temps, a laqual, en falta de ley, hom pot haver recors.

Leys es dita de *legir*, o pot esser dicha de *liar*, quar li sieu mandamen nos lio a far o a no far, a punir o a remunerar, so es gazardonar. Leys yshamens pot esser dita de *leyaltat*, quar en leyaltat, so es en vertat e drechura, es fondada. Encaras leys pot esser dicha de *elegir*, car elegish lo be, so es vertat e drechura, per esquivar e fugir a mal. Totas aquestas cauzas hom pot trobar en las nostras prezens LEYS.

Qui e cuy e quo deu joya jutjar.

Qui, so es questios que demanda qui deu jutjar joya. Nos respondem que cil que longamen e de antiqua costuma han uzat de jutjar joya, qual que sia, tant per lor quant per lors ancestres¹, en public, ses contradictio e ses prejudici d'autrui, e cil que per lor degudamen son recebut e deputat, o la major partida d'aquels que adonx seran prezen en aytal jutjamen, gardar² loc e temps, coma en lo comensamen de may, o en autre temps o loc enpres et assignat, hagut bo e cert cosselh de certas personas expertas et aproadas en la sciensa, per laqual donar se deu aytals joya, devo e podo jutjar, tenen e gardan los mandamens de nostras prezens LEYS.

E disem : *degudamen recebut*, quar estiers no serian digne de dir ni far aquest jutjamen, sino que fosso degudamen e segon dever recebut; e per esta maniera que cascus, en lo comensamen de sa receptio, jure que per amor, favor, odi³, [F^o 66 v^o] rancor, temor, pretz, pregarias, no estara que el am los autres sos companhos no jutje be e lialmen; e que tendra secret lo jutjamen, tro que sia publicatz lo jorn que la joya se dara; e que non impugnara, ans tendra per fayt so que la major partida de sos companhos voldra, tendra e jutjara⁴; e que, en aquest jutjamen, no gardara estat,

1. En marge : *Ges de m^o iud (icio?) nola* (xiv^e s. ?).

2. *Sic ms.*; 1. *gardat*.

3. Au bas de la page : *Serment de Reception* (xvii^e s.).

4. En marge, rogné : [N]ota que ... *er favor* ... *es ordenada* ... *o jutjes* ... [jo]ya. (xiv^e s.).

condicio, paubriera, rictat, indignitat de persona, sino en los cazes jos escriutz, mas solamen maniera de trobar e de ben dictar, tenen e gardan las nostras prezens LEYS a bona fe et al miels que poyra.

Encaras jurara que el no corrigira a lunha persona degun dictat que deja venir en jutjamen, e que, si ho fazia, que el, de ce que hom lo recitaria en Consistori per jutjar, o enans, ho revelera als autres senhors sos companhos.

E per que hom no sia vistz trop durs e rigoros en essenhar, dizem que si hom demanda d'un vici als ditz senhors, o a la .I. de lor o ad .I. autre, e ditz enayssi : « Aytals motz, o aytals sentensa, semblansa o comparacios pot se dire? » ; o : « En aquesta pauza o locucio ha fals accens? » ; oz : « en aquesta oracio o bordo ha fals cas? » ; dizem que en aquestz cazes singlars et en autres gran re hom pot respondre *oc* o *no* ses plus, per essenhar la sciensa e per avizar cel que fa'l dictat, mas que'l dictat, si'l vol presentar per jutjar, en tot ni en partida, otra .I. verset o dos [entro'l verb]¹, no recite. Quar, algunas vetz, la locutios sera suspensiva, e cove qu'om atenda lo verb, qui vol jutjar ni conoysher bon cas o fals ; e ges per aytal correctio aytal dictat no reputam per fargat, mas que el meteys corregisca son dictat, mostrat lo vici, quar estiers seria fargar, coma qui dizia : « Metetz hy aytal mot », o : « Digatz enayssi », e l'altres pren e sec aquela maniera qu'om li essenha.

Pero si la demanda, so es la enterrogacios, es generals, coma qui lieg dos versetz, o mays o mens, de

1. Parait récrit d'une encre plus récente.

son dictat e ditz : « Vejatz me si en aquest verset ha degun vici », ses especificar cas ni accen, ni autre vici en especial, e hom li mostra lo vici o'ls vicis que y seran, adonx es fargar, quar per aquesta manera [F° 67 r°]¹ poyria corregir amb autru e fargar tot son dictat.

Cuy, so es a qui deu hom jutjar e donar joya? Respondem que, segon nostras LEYS, a cel que dictat fara e prezentara am las manieras e condicions jos escriptas.

A persona absen no deu esser jutjada lunha joya per lunh dictat, si donx non era rey, o filhs de rey, o dux, o coms, o d'engal o de major dignitat, mas que cel que prezentara lo dictat haja poder de far lo sagramen acostumat, e que aysso apparezca per letra o per estrumen public autrejat per cel que'l tramet, e que fassa lo sagramen qu'es acostumat de far².

Lunhs hom que sia receubutz dedins lodit gay Consistori per alcun offici no deu haver joya, quar aytals pot estre del cosselh del dit Consistori.

Dignes³ non es d'aver joya ni d'haver dignitat de doctor o de bachelier, ni de lunh autre offici del dit Consistori, contra la voluntat dels ditz .VII. senhors mantenedors o de la major partida de lor⁴.

Aquo meteyz dizem d'aquels qui reproaran o diran

1. En haut de la page ; *Nota contra magistros qui bis appetunt indistincte lucrari* (xiv^e s.?).

2. En marge : « Not[a] que no deu ganhar joya qui no fa proamen que el ha fayt le dictat » (xiv^e s.?).

3. Il faut suppléer ici, comme l'a indiqué Chabaneau (*Hist. Gén. Lang.*, X, 198^b), *Lunhs home*.

4. Au bas de la page, note presque illisible (xiv^e s.) : « *Nota quod contra voluntatem VII. dominorum nullus debet (?) habere ali-quod officium.* » D'autres lignes sont effacées au-dessous.

mal de la festa de la viuleta o del jutjamen dels .VII. senhors mantenedors, o els o la .I. d'els en lor jutjamen et en public de fag o de dig enjuriaran. Ans aytal injurios e otracujat devon esser privat del dit Consistori, comma escumenjat del benefici de santa mayre Gleyza, per tant de temps quo als ditz .VII. senhors sera vist e per lor seran reconciliat.

A femna prezen¹ ni absen no jutja hom ni dona deguna de las ditas joyas, si donx no era de gran honestat e dignitat e de tan gran sciensa e subtilitat que per fargar amb autru no pogues esser sospichoza. Mas qui la poyra trobar aytal? Ni aytan pauc no jutja hom ni dona degunas de las ditas joyas ad home que fa dictat per decebre femna o per autre peccat, per que cel que fa dictat d'amors que no's pot applicar a l'amor de Dieu o de la sua mayre, sobre aysso deu esser enterrogatz et am sagramen, segon que sera la persona et als senhors mantenedors sera vist. E mens deu hom donar joya [F^o 67 v^o]² a persona infizel, coma Juzieu, Sarrazi, ni ad home escumenjat, ni a degu d'aquels am losquals non es legut de conversar ni participar, ni ad home diffamat ni de mala vida, ni ad home fals, traydor, blasphemador, ni a renegador de Dieu, ni a perjur manifest, o d'erelgia condampnat o tocat.

Cel qu'aura joya haguda una veltz per son bel dictar no deu esser recebutz per haver aquela que haura haguda, tro que l'espazis de tres ans sia passatz, aprop

1. En marge (xviii^e s.) : « Notat D. Catel postulatum fuisse a feminis ut reciperentur ad recitanda carmina, exclusas tamen fuisse, *quamvis* hic titulus non omnino id prohibeat. Medon(us) » Il s'agit probablement de Médon, neveu de Cazeneuve, dont il a édité les *Origines des Jeux Fleureaux*.

2. « Nota quod excommunicatus non debet lucrari » (xiv^e s.).

l'an complet que l'aura haguda per so que las honors se partiscan ; e pueys lo quart an pot estre receubutz per haver la meteysa joya que haura haguda, mas que haja hondrada la festa¹, per los ditz tres ans, am la prezensia de sa persona et am alcun dictat, si donx per cauza justa no era estatz empachatz, de laqual cauza poyran conoysher li dit .VII. senhor mantenedor, o la majors partida de lor.

Ad outra joya pero en aquel mieg poyra esser receubutz.

Qui dictat vielh en tot o en partida¹ en ladita festa presentara per noel scienmen per ganzanhar joya sia privatz per los ditz senhors de la dita festa, coma cel que non es dignes de lunha joya per tant de temps cum ad els sera vist o a la major partida de lor. Et entendem dictat vielh fayt per luy meteys, o per autre majormen, si per aquel en tot o en partida ha reportada alcuna joya principal o accessoria en la ordinaria e principal festa del mes de may, o en outra manera fora la dita festa, si cum son algunas joyas extraordinarias qu'om dona algunas vetz en alcun temps, per essenhar la prezen Gaya Sciensa².

Qui gauzir voldra de joya per son dictat jure que lo dit dictat ha fayt noelamen ses fargar d'autru. E si jurar no vol, non es dignes de joya. Et entendem noela-

1. En marge, rogné par le relieur : ... *et* (l. *vel*?) *honoratus dz (debet?) ... orare* (l. *honorare*).

2. Ce passage, depuis *en ladita festa* jusqu'à *per lui meteys*, a été oublié par Chabaneau dans l'*Hist. gén. Lang.*, X, 199.

3. « *Nota quod dictantes debent jurare si sua composuerunt carmina.* » Au bas de la page : « *Jurare debent dictantes.* » Main ancienne, xiv^e s. ou xv^e? Main plus récente (xvi^e s.?) : « *Recessit ab usu.* »

men, so es d'un an en sa que's presentara¹; e pauzat que hagues may's de temps, per so no seria refudatz, si donx no era trop estatz publicatz.

E dizem : ses fargar d'autru; so es que amb autre no'l corregisca e no'l maleve scienmen d'alcun autre vielh dictat.

E quar a penas hom no pot re dire que [F° 68 r°] no sia dig, permetem que de la Santa Escripura o dels bos motz e notables dels anticz philosophes hom se puesca plejar per far son dictat.

Encaras dizem que si hom pauza en son dictat alcu nas razos que us autres antiquamen haura prepauzadas, mas que aysso non fassa scienmen, ni per aquelas me- teysshas paraulas o rimas, que aysso no reputam per fargar.

E dizem antiquamen, quar si noelamen so es de .X. ans en sa que'l dictatz se presentara, eran estadas pau- zadas en alcun dictat que fos estatz publicatz, qui aquelas pazara en son dictat, sospitos a nos seria d'es- ser fargatz d'autru.

Pero en alcus dictatz, coma sirventes et alcus autres, se pot hom plejar e servir del compas e dels rims e del so d'autru dictat ses vici.

Quo, so es en qual manera deu hom jutjar e donar joya?

E per que hom sapia las cauzas principals e que regularmen hom deu gardar, en jutjar las ditas joyas, dizem enayssi :

Li antic philozophe, en lor temps, per lor bon voler e'l gran dezirier ques havian, trebalhero tant tro que

1. Ms. *presentada*.

trobero aquela poderosa, maravilhoza e vertuoza dona nomnada Philozophia¹, de laqual havem parlat lassus; e tant l'enqueriro, l'enterroguero e la continuero, tro que una sosmezà sua lor amarvit, so's assaber una bela, nobbla, rica dona, subtil, liberal e franca, sos nom's Siensa, per so que ls essenhes e lor mostres so que volian e deziravan am bon voler et am gran dezi-rier.

E per que l'essers ni la vertutz d'aquesta dona no's perdes, fero tant que pres marit Sen natural, e agro .I. filh nomnat Saber, lequals fe matrimoni am Razo, et haguero una filha per nom Drechura. E pres marit .I. senhor franc, liberal e conoyshen nomnat Gazardo; et hagro .I. filh appellat Bon Voler. Bos Volers pres per molher Fermetat et haguero .I. filh ques hac nom Durable. Durable fe matrimoni am Suffrensa, et hagro una filha nomentada Equitat. Equitat hac per marit Ardimen et hagro .I. filh appellat Dever. E aquest pres per molher Leyaltat, et hagro .I. filh, ques hac nom Compas, et una filha; sos noms es Neta.

[F^o 68 v^o] Per que, en jutjamen de joya et en tot autre, deu hom recorre als denan ditz frayres e sor Compas e Neta, liqua! foro comensamen de la nostra prezen- sciensa, e majormen a la nobla dona de naut poder, maravilhoza e vertuoza lor mayre, que los governa², e porta'l nom entitulat e la corona de Leyaltat, liqua! son enayssi acordan que so que vol la us li duy autrejo; e dizo e nos essenho que en lo nostre jutjamen

1. En marge, rogné par le relieur, écriture du xiv^e s. : « Aiso ditz lo ph[iloso]fe al libre de [me]tafizica, dize[n] propter admi- ra[tionem] incepterunt ant... philosophar[i] Egipto libro(?).. »

2. Chabaneau governara.

de joya devem guardar principalmen e regularmen las
cauzas jos escriutas, so es assaber :

Sentensa;
Compas de sillabas,
Compas de bordos,
Compas de cobblas,
Compas d'accen lonc et agut,
Replicacio,
Cas,
Sonansa,
Consonansa,
Leonismitat,
Mot tornat,
Bordo tornat,
Rim tornat,
Pauza tornada,
Mot pezan,
Rim faysshuc,
Accen,
Hyat,
Fre,
Methacisme,
Collizio,
Gendre,
Nombre,
Persona,
Temps,
Liamen empost.

E dizem regularmen, quar motas outras cauzas cove
guardar, lasquals hom pot haver per nostras prezens
LEYS.

En sentensa trobam regularmen .XVII. vicis, los-

quals pauzam ayssi per orde. E jaciayssó que tug aquest vici sian gran, pero major reputam lo primier que'l seguen apres, et enayssi dels autres, si donx no son d'un engal o quays, segon qu'om pot ayssi vezer.

Errors es lo majors vici de totz, quar es contra la fe catholica; per que hom no deu recebre ni dar joya per dictat que parle de la santa theologia, en cas dop-tos, si donx la sentensa no era clara e manifesta, o aproada per l'Enqueridor.

Contradictios e fora-vertatz son duy vici d'un' en-galtat, cant fora-vertatz no pren escuzacio, quar alcu-nas vetz fa hom dictat de messonja messongiera per trufa, solas, deport, coma reversaris.

Dezonestatz e mal digz especials son vici d'un engal.

Iteratios e vana disgressios son em paritat.

Ambiguitat, emphibolia e liamen empost quays re-putam per .I. meteys vi [Fº 69 rº] ci, lequals ha engal-tat am transposicio.

Vulgars e verbozitatatz son vici d'un engal.

Generalitats e breveza son vici d'un' engaltat.

Jactansa e sobrelaus son quays engal, can sobrelaus [per] us² no pren escuzacio.

Mostratz en general los vici regulars de sentensa, veus las causas necessarias a parlar bon romans et a bel ornat de paraulas. E qui no las garda en son dic-tat, vici es.

A parlar bon romans deu hom gardar gendre, nom-

1. Chabaneau : am.

2. Je crois qu'il faut lire *sobrelaus* tout court; *laus* paraît avoir été ajouté et *us* est resté au début de la ligne suivante. Si on veut conserver *us*, il faut ajouter *per* ou une autre proposition de ce genre.

bre, persona e temps; e tug aquest son d'un engal.

A bel ornat de parlar deu hom gardar compas de sillabas, compas de bordos, compas de cobblas, compas d'accent long et agut.

Vicios compas de sillabas, grans [viciis] es; de bordos, majors es; de cobblas, trop majors; d'accent long et agut, menors dels autres, quar en aquest no y a falta, si no que no pot haver so ben adreyt ni be compassat per cantar.

Quatre manieras havem de replicacio¹, so's assaber : quays replicacio, replicacio plana, replicacio multiplicada, replicacio rigorosa. Quays replicacio am sas tres filhas, enterpositiva, mittigativa e percussiva, viciis es.

Replicacios rigoroza majors es que las autras, si donx no preudo escuzacio, o no's fazia scienmen e per dreg compas, segon que may a ple declaram en jos.

Cas es majors viciis en la fi de verset que non es en lo mieg ni en lo comensamen, cant als laycz; e cant als clerchez, no y a differensa.

Dos falses cazes del mieg o del comensamen compassam amb .I. fals cas de la fi, en los dictatz d'aquels que son parios, coma clerc am clerc, o layc am layc.

Dezacortz de sonansa, consonansa et de leonismittat son d'un engal, e no preudo escuzacio.

Mot tornat, bordo tornat, e rim tornat reputam viciis quays engals, e no preudo escuzatio sino en los grans romans de las antiquas gestas, o cant se fa scienmen e per dreg compas.

Hyatz es majors viciis amb unas meteyshas vocals [Fº 69 vº] ques am diversas, e regularmen no pren es-

1. Plutôt *lio* : peu lisible.

• cuzatio, sino am *si*, *qui*, *ni*, o propri nom o sobrenon:

Fres, methacismes e collizios son quays d'un engal; pero methacisme reputam per menor vici.

Liamens empostz es majors vici, can muda la sentensa o la red doptoza, o cant engendra lag parlar que en outra manera.

D'aquestz vici havem ayssi tractat en general, quar enjos ne devem tractar en especial.

¹ En jutjamen de joya deu hom yshamens gardar quals dictatz es mays netz.

Aquest vocable *nels* se reporta a bona sentensa, a bon romans, et a bel ornat de paraulas.

E si hom troba dos o mays dictatz ayssi netz la .I. coma l'autre, deu hom atendre e gardar quals es de melhor e de plus nauta sentensa, et am mays bos motz e notables, quar per aquels es mays graciosa la presens sciensa de dictar amb accort de rims; et adonx per aquel se jutje que melhor e plus notabbla sentensa haura. E si ayssi bona e nauta sentensa ha la us cum l'altres, garde hom quals es de major difficultat per far, coma si us dictatz es unisonans, e l'altres es de cobblas dobblas, o ternas, o singulars simplas, o singulars capcaudadas. Adonx le unisonans deu haver advantage, et ades² mays le unisonans am cobblas retrogradadas o derivativas, mas que la sentensa ho valha; laqual sobretot deu hom gardar, quar bona sentensa es le fruytz de tot dictat, per que, ses aquela, petit ans no re val le remanen.

Encaras deu hom gardar en aquest cas las acordan-

1. Doigt indicateur en marge : il y en a d'ailleurs beaucoup dans le manuscrit.

2. O exponctué. .

sas, quar si la us dictatz es amb acordansa de rimas caras, e l'altres de comunas, las caras devon haver avantatge.

Si la us dictatz es ayssi bos coma l'altres, e la us ha lo so que haver deu e l'autres no, cel ques ha so ne deu portar la joya, o si la us dictatz se pot aplicar a lauzor de Dieu o de la sua mayre, e l'altres no, aquel que's pot aplicar a Dieu o [a] la sua mayre deu haver avantatge.

E si tug aytal dictat eran d'un compas en rimas, coblas, et en sentensa et en so, adonx garde hom la sciensa del dictador, si que haja avantatge cel que miels s'entendra en la prezen sciensa.

[Fº 70 rº]. E si son engal de sciensa, garde hom quals ha mays e plus longamen atendida la joya o las joyas, e mays trebalhat et hondrada la festa; et aquel la'n porte, si'l dictat son d'un engal.

E si aytant ha trebalhat la us cum l'autres, adonx hom deu gardar si la us es gauzitz d'autras vetz de la joya sobre laqual sera le jutjaments, e l'altres no, et adonx sia receubutz cel que encaras no s'en gauzie. E si tug son engal en las cauzas dessus ditas, so que a tart s'endeve, adonx garde hom l'estat, la melhor conditio e la dignitat de la persona.

Per quals dictaz hom dona las dictas joyas, so es assaber : flor de violeta de fin aur, flor d'ayglentina, e flor de gaug de fin argen, dig es estat en las letras escriutas lassus vas lo comensamen.

Dictat am bon compas, am bo romans, am bel ornat de paraulas et am sentensa cominal que no porta frug. cant que haja bel so, es yssorba vila e coma poma defors bela, e dedins poyrida.

Li senhor acostumat a jutjar e donar las¹ ditas joyas e cil que son recebut e creat per lor son nomnat *Mantenedor del Gay Saber* o *Mantenedor d'Amors* o *del joy d'Amors*. E prendetz *Amors* en bon significat, so es per amors qu'es fina, honesta e leguda, quar aquela tostem manteno, et en outra no s'atendo.

Cil que han gazagnada una vetz o motas la joya principal, coma la joya de la violeta, laquál principal reputam, son nomnat *Fin Ayman*; quar prezumen que per fin' amor fan e an faytz lors dictatz, per losquals gazanho o an gazagnada la dita joya principal, majorment quar no trobam ni² sabem lo contrari. E dizem principal, en respieg de las autras joyas, las quals apelam accessorias. Et aquestas hom dona per honrrar la joya principal e per sollempnizar la festa, e que us solamen no haja tota la honor de la festa.

Motas joyas en una vetz essem no devon esser donadas ad una meteysa persona, cant que motz dictatz, ordenatz per haver joya, haja faytz mays netz que degus dels autres, a fi que las honors [F^o 70 v^o]³ sian distribuïdas e partidas.

Si cas s'endevenia que algunas joyas, una o motas⁴, no haguesson loc per esser donadas, et ayssó per falta

1. Ms. *la*.

2. Ms. *ní*, Chab. [ni] *no*.

3. Au bas du f^o 70 (1^{re} colonne), on lit, d'une main du xiv^e siècle (peu lisible) : « *Adjudicatio et distributio jocalium pertinet ad manutentores.* » Au bas de la deuxième colonne : « *Honores distribui convenit.* » En marge, à droite : « *Unus non pⁱ (potest?) lucrari simul et semel omnia jocalia.* (Écriture peu lisible et mots enlevés par le couteau du relieur). Lu ainsi par le copiste du xvii^e siècle.

4. On lit à gauche (peu lisible et rogné) : « ... edm (?) in defectu ... asim (?) ». »

de dictat qu'om no y aportes, o per guerra, o per autre acciden, aytals joyas hom poyra reservar entro l'autre an ses mermar las autras seguens del seguen an, o que sian donadas e prezentadas al major autar de Nostra Dona de la Daurada, o del Carme[1], dels Prezicadors, dels Frayres¹ Menors o dels Augustis, a conoyshensa dels ditz .VII. senhors mantenedors, o de la major partida de lor que adonx seran prezen.

Degus no deu esser faytz bacheliers en la Gaya Sciensa per los ditz senhors mantenedors ni en autre major graze receubutz, si primieramen non es examinatx et aproats per *Fin Ayman*, gazanhan una vetz e motas la dita joya principal per son bon dictat. Et aytals *Fis Aymans* deu jurar, en sa creacio d'esser bacheliers², que el tostemps de sa vida a son poder et a bona fe mantendra lo gay, honrat e nobile Consistori dels ditz senhors mantenedors, e lors bonas et honestas et aproadas opinios, e que a son poder en sos dictatz et en altra manera tendra e gardara las LEYS d'AMORS. Et adonx, fayt lo sacrament, le sera dats poder d'esenhar e publicar nostras LEYS, e de disputar ses determenar questio doptloza.

Li altre que fan e s'entendo a far dictatz amb acort de rimas, coma verses, chansos, descortz, dansas, sirventes, o autres, son nomnat *trobadors*, quar los dictatz que fan trobo amb engenh et amb la subtilitat de lor cor, ses malevar e fargar d'autru. Estiers non son veray *trobador*, mas *antitrobadors*.

Trobadors pren nom de *trobar*. E vist e entendut aquest trobar de que parlam, podetz saber la sciensa

1. Ms. *fayres*; corrigé en marge (xvii^e s.).

2. En marge : « ... amente bacala[r]ius huius sciencie. »

que deu haver verays trobadors, e li altre que en trobar s'atendo; per que ayssi mostram que es trobars. Pero quar aquesta dictios *trobar* es equívoca, per so cove mostrar las manieras de trobar, per elegir e definir lo trobar del qual entendem tractar en aquest libre.

De las manieras diversas de trobar.

Trobars ve d'aventura [F^o 71 r^o] o de bona cura: d'aventura, cant es trobat senes sercar¹ so qu'era pergut o no pergut, per bona cura, can sercan es trobat. Encaras far obra noela cum fero li philozophe, cant trobero las sciensas per subtilitat de lor cor, o cum cel que primieramen trobet moli; o coma li clerc can fan o trobo motz dictatz en lati, versifian o estiers compassan, apellam trobar, e degu d'aquestz ayssi no prendem, mas romans per dever compassat, loqual enayssi diffinem.

La diffinitios de trobar¹. Rubrica.

Trobars es far noel dictat
En romans fi, ben compassat¹.

Donx li romans prozaygamen pauzat coma del *Sant Graal*, e gran re d'autres, quar no teno compas, ni mesura de sillabas ni d'acordansas, no son d'aquesta seconda sciensa de Rhetorica.

1. Ms. *sertar*; en haut de la colohne *sercar* (xvii^e s.).
2. A partir d'ici, nous indiquons la concordance avec le texte de Gatién-Arnoult.
3. G. A., I, p. 8.

Mostra e declara que es compas'. R.

Compas es mezura d'ostar
 Pauc e trop per assatz formar;
 Compas es mezura que pauza
 Dever e pauc ni trop no lauza,

E per so' le rims qu'es be compassatz deu haver dreyturiera mezura, so es ses pauc e trop per far assatz.

Li mandamen de trobar'. R.

Li mandamen de trobar son far noel dictat per sillabas, compassat am rims, so es amb acordansas; alunas vetz amb una, oz am motas cobblas seguen ornat ayssi pauzat, am bels motz plazens, clars, acordans, am certa e bona sentensa, oz am belas e plazens methaphoras, don trayre se puesca bos sens, tractan de sen, o de lauzors, d'amors, d'escondig o de mal dig general, d'esquern o de planch. Per aquesta diversitat foron trobat divers dictat, coma *vers*, *chansos*, *descorts*, *dansa*, *sirventes*, *pastorela*, *vergiera*, *vaquiera* et autras lors samblans, e mays *lensos*, *partimens*, *planchs* et *escondigs*; alcun trobador, can son acuzat de mal dire, fan al compas de vers o de chanso *escondig*, per so

1. G. A., I, 12.

2. Les quatre vers et ces trois mots sont écrits en renvoi au bas de la page; à la place, on avait écrit : *trop no lauza* *|||||*; le tout est exponctué.

3. G. A., I, 8.

quar escondir e desencuzar se volo de so que son lauzenguejat e mal mesolat. E per so l'apelo *escondig*, quar han esgardamen a la sentensa. Algun autre apelo dictatz principals *retronchas*, quar son amb¹ acordansas retronchadas; alcun altre apelo *retroncha*, *viandela*, e *redondel*, per so quar retroncho², so es retorno soen un mot, o dos, o fot un verset. Autres dictatz pot hom [F^o 71 v^o] far, losquals pot nomnar ayssi co's voldra cel que'ls dictara, mas que lor do nom apropiat e consonan, coma *somis*, *cossirs*, *contemplacios*, *reversaris*, *enuegz*, *desplazers*, *plazers*, *conortz*, *desconortz*, *recortz*, *descugz*, *rebecz* et *estribolz*, et ayssi de lors semblans.

Per que foc atrobada aquesta segunda sciencia de Rhetorica³. Rubrica.

Esta sciensa trobada fo per so que'l dictat sian mays agradan e plazen, per la bela cazensa dels rims, e per miels aquels reportar, per alegrar e fugir a tristitia, enemiga del gay saber, per bos motz retenir, per fugir ad ociozelat, per miels dir sa voluntat, per mays breu parlar, e per conoysher si l'obra es defectiva o entiera, e per miels los vocabbles mesclar e trasportar.

Per qual manera vol procezir⁴. Rubrica.

Fayta es mencios en los mandamens de cobblas; e quar aquelas se formo de rims, e'l rim dels bordos, li

1. Ms. *anh*.

2. Ms. *retroncha*.

3. G. A., I, 10.

4. G. A., I, 12.

bordo d'una o motas dictios, dictios d'una o motas sillabas, sillaba d'una o motas letras, per so cove que tractem de letra; e quar no pot esser conoguda ses volz, primeramen mostran qu'es volz.

De las diversas maneras de volz'. Rubrica.

Volz escura am sen cofus laquals escriure no's pot, cum fay l'efans cant plora, no prendem; ni ayta pauc pauzat que's puesa escriure, coma *croac*, mens ades cant no's pot escriure, ni lunhs bos significatz non pot esser pres: coma del rugimen del leo, del mugimen del buou, del gran brug e murmur de gran ajust de poble; donx volz prendem significativa, e que's puesa escriure; vista volz, veus qu'es letra.

De letra'. Rubrica.

Letra volz es non devizabbla
 E per escriure convenabbla;
 Letra per miels esser exposa
 Es majors partz de volz composta.

Composta volz es dictios, quant se compo de sillabas, o de letras o de significat, coma *propheta*, *sans*, *e*, *o*, *u*.

1. G. A., I, 12.

2. G. A., I, 14.

**De las sinq vocals plenissonans, semissonans,
et utrissonans¹. R^o.**

Sinq vocals son : *a, e, i, o, u*, lasquals son appella-
das plenissonans, cant reteno lor propri so, so es ple-
nier so, come *las, bels, fis, joy, lutz*; semissonans,
cant reteno mejancier [F^o 72 r^o] so, coma *grana, bes,*
honors; utrissonans, cant son aptas a retener so ple-
nissonan o semissonan.

Et adonx varian de la .I. a l'autre, se varia le signi-
ficatz, coma *pas, vas, pes, pres, tort, col*; si'l motz pot
estre unissonans, et hom lo pauza per semissonan, la
vocal semissonan deu hom senhar amb .I. ponch dejos
enayssi :

Si depres savis homes *vas*,
Leumen no seras fols ni *vas*.

Mas que't regardes a lor *pas*.
Ja no't falhira vis ni *pas*.

Nom e plom e lors semblans escriu hom amb *o* per
uzatge² en romans, et en lati amb *u*, coma *sum* e *cum*.

Li compost de *cum* et de *nun* pot hom escriure segon
art de lati amb *u*, coma *cumpas, cumpromes, nuntiar,*
denunciar, oz amb *o*, coma *compas, compromes*, et
enayssi dels autres. Vocals son dichas de votz, quar ses
la una d'aquelas no pot hom formar lunh cert mot, ni
certa sillaba.

1. G. A., I, 16.

2. *Uzage*.

De las consonans¹. Rubrica.

Totas las autras letras son consonans, quar essem
sono ab las autras.

De semivocals mudas ni liquidas no havem mes-
tiers, sino en aytant cum so consonans per que ayssi
no las declaram.

I et U tenon loc soen de consonans².

Aquestas letras I et U teno loc de consonans ajusta-
das en lo comensamen de mot amb autras vocals, oz
am lors meteyshas. Aquo meteysh en lo mieg de mot
per esta manera :

Valors veraya vida vol
E via justa quier e col,
Engan, barat, frau et enveja
Encaussa tostemps on que'ls veja,
Als quals fugir del tot vulhatz
Si valor queretz et amatz,
Quar per lor es ades perguda.

De U aprop G o Q³. R⁴.

Cant *u* est ajustada aprop *g* o *q*, seguen vocal, no
sona coma vocals ni consonans, coma :

1. G. A., I, 18.
2. G. A., I, 18.
3. G. A., I, 20.

Qui lagui vol tostemps e quier
 Sos cors languish a l'enderrier,
 Quar loncz trebalhs home dechay.

Dels diptonges¹. Rubrica.

Diptonges es ajustamens
 De doas vocals essems fazens
 En una sillaba lor forsa
 Quar am sa par l'autra s'amorsa.

O per esta guiza :

Diphtonges conjonh e acaba
 Doas vocals en una sillaba
 [F° 72 v°] En laqual segon lor dever
 Cascuna rete son poder.

Segon romans, .VIII. diptonges havem en fi de dictio, am bon accen e leial, so's assaber : *ay, ey, oy, uy, au, eu, iu, ou*, coma *gay, vey, joy, cuy, vau, leu, viu, nou*. Alcus diptonges semblans ad aquels de la fi troba hom soen en lo comensamen de dictio et en lo mieg, coma : *ayga, veyre, joya, Salvayre, penheyre, Savoya*. En aquel diptonges, *yeu*, son tres vocals; enpero en aquel, *ie*, son doas sillabas en una. Et enayssi la diffinicions rema veraya, et enayssi del[s] sieus semblans.

1. G. A., I, 20.

**De l'ajustamen de las vocals que no fan veray
dyptonge¹. Rubrica.**

E devetz saber que *ia*, *ie*, *ue* coma *gabia*, *lieg*, *nueg* no son diptonge, mas doas sillabas en una, o pot hom dir que no son veray diptonges, mas diptonge contra-fag, et enayssi de lors semblans.

**De vocal denan vocal. Et enayssi d'alcunas au-
tras letras et de diptonge denan² diptonge³.**

Vocal ni *m* no deu hom pauzar denan vocal en diversas dictios coma : *dona a cor*, *vostre nom hay*, *quar a totz agradiva etz*; ni *r* denan *r*; ni *s* am diptonge oz amb outra consonan denan ses tot meja denan *r*, coma qui ditz : *Le buous ranqueja⁴*, *per far raso*; *Phelips reys es*; ni diptonge denan⁵ autre diptonge que comense per vocal no deu hom pauzar, quar trop engendro gran hyat :

Si cum *yeu huey auzi la messa*
Don *joy hay gran dins en ma pessa*.

Et enayssi de lors semblans. Et aysso es vers, can le seguens diptonges commensa per vocal, coma⁶ en l'iss-

1. G. A., I, 22.

2. Ms. *deuan*.

3. G. A., I, 22.

4. Écrit d'abord *ranqus* exponctué.

5. Ms. *denam*.

6. Ms. *coma*, avec le signe d'abréviation d'une autre *m* au-dessus de *o*.

hemple ara pauzat; estiers no es vicis, coma *yeu soy gays*; pero si mays de tres hom n'i pauzava, adonx engendraria collizio e seria vicis, coma *yeu soy vius, gays e fortz*. D'aquesta collizio devem tractar en jos.

Excepcios de las ditas reglas¹. R^{ra}.

Le vicis de vocal denan vocal e de las autras letras dessus ditas es escuzatz can pauza de bordo es en lo mieg de lor, coma :

Ges . be no se . ordes am desmezura
 Quar perd so nom, ayssi co's desmezura;
 Be deu voler regla donx e tenir
 Qui ls ordes sans recep per Dieu servir².

Pero del tot le vicis non es escuzatz can la vocals es una meteysha, jaciaysso [F^o 73 r^o] que per mendre sia reputatz coma :

Gaucerans ha ardiment fol e fat
 Quar ses razo obra de voluntat.

Yshamens de vocal denan vocal son exceptat estas dictios, *qui*, *si*, *ni*, can la seguens vocals es diversa. E

1. G. A., I, 24.

2. Ces quatre vers se retrouvent, plus un cinquième décasyllabe, dans le texte inédit des *Flors del Gay Saber*, v. 538 sq. Ils commencent ainsi :

*Luny temps no fo ordes ab desmesura
 Qar pres son nom ayxi qe's desmesura...*

Le premier vers de notre rédaction des *Lays*, tel que nous le donnons avec la ponctuation qu'il a dans le manuscrit, ne se comprend guère. Faut-il lire : *Ges be no fo* ? c'est probable.

li dig .VIII. diptonge, *ay, ey, oy, uy, au, eu, iu, ou*, e'l sobrenoms ajustatz al propri nom coma : *Jaufre, Aynart, e Ramfre, Audiguier*; pero en est cas es miels dig : *Jaufres, e Ramfres*, pusque'l sobrenoms comensa per vocal.

L'abitut am son casual reputam per un mot, per que no y ha vici. Pero algunas veltz se pot agensar aytals hyatz d'abitut am son casual.

Yeu et huey e lor semblan podon estar apres vocal o apres *m* ses vici, coma :

Yeu say be mon ofici
Per que'l dic certamens ses vici.
Cum yest de fam huey tan atenhs,
Quar falbes.n'iest e totz destenhs.

Yeu hay pot hom dire ses vici; et enayssi dels sieus semblans coma : *yeu auzi*.

Li mot sinalimfat¹ que termeno en *m*² podon estar aprop vocal ses vici, coma :

Be m'es³ la mortz greus et amara
Si que ronsar me fay la cara,
Quar vas totz latz vey que m'albira
E m'assalhish, don hay gran ira
E gran paor, can me sove.

Aquo meteysh de vocal, coma *la mi'arma*.

De *r* denan *r* es exceptada esta dictios *per*, quar de son casual no's pot de leu departir, coma *per re*, e *per razo*.

Encaras³ son excuzat li dig vici, can se pauzo per

1. G. A., I, 26.

2. Au bas de la page : *Excusatio de metacisme*.

3. G. A., I, 28, bas de la page.

que hom non layshe bo mot, o cant per altra manera adrechamen o miels, o plus bel no's pot dire, coma :
so es vertat, tu has bona cara.

Rauli Izarn he salodat
 E Gasto obrier encontrat.

A, e, i, o, u son vocal; c, m, n consonans² : *Mestre Huc e mestre Arnaut, sa enreyre, sa entras, d'ayssi avan*, quar alcu dizo que *d'ayssi avan*, et enayssi dels autres son doas dictios.

Aquo meteysh de la prepozitio am son casual

Coma : de Huc auzem parlar,
 Que de hyat no's sab gardar.

Pero per sinalimfa gran re d'aytals locucios se podon agensar, coma *d'Esteve, d'Arnaut, d'Izarn*. E no reputam a vici, si una dictios finish en *l*, o en *n* o en *s*, e l'autra comensa per aital meteysha letra³. Ayta pauc es vicis si hom pauza las autras consonans [F^o 73 v^o] de lasquals no havem fayta mentio, la una denan l'autra o denan vocal, si be algunas vetz fan aspre so, cum fay *t* denan vocal, coma : *vertat ama e malvestat encaussa*. Et aysso dizem per que aquesta sciensa no sia trop estrecha; quar mays val bona sentensa amb aspra volz que pel contrari, jaciaysso que plus neta sia l'obra, qui tot ho pod[r]ia gardar.

Cant Izidoris ha parlat en son libre de *coma, colum* e de *peryodus*, so es de pauza suspensiva, plana e final, el tracta de bel parlar, pur et honest de rhetorica; e

2. Ms. *consonam*.

3. G. A., I, p. 30, LICENCIA.

ditz que aquest parlar deu esser netz de tot vici en letras, en paraulas et en sentensa; e ditz que hom que parla segon art de rethorica deu gardar que si la precedens dictios fenish en vocal, la seguens no comense per aquela meteysha vocal, e dona per yshemple en lati *Marie Egiptiace*. Ditz may's que tres consonans son que sonan mal, so's assaber *r*, *s*, *x*; e dona per yshemples : *error Romuli, ars studiorum, rex Xerses*.

Aquo meteysh ditz de *m* denan vocal, coma *verum erum*. Donx la sua regla may's larga degram segre d'una meteysha vocal, e no de diversas. Ad aysso dizem que Yzidoris parla de rethorica en proza, e nos ayssi en rima, laqual es et esser deu may's estrecha.

De *s* denan *s* no curam, quar, segon nostre' lengatge, no fan trop aspre so; de *x* denan *x* aylan pauc, quar no havem dictios que propriamen termeno en *x*, mas en *cs*, coma *pacs, grecs, focs, ducs*. E dizem propriamen, car algunas vetz los escriu hom, per abreujar, amb *x* impropriamen, quar *x* val doas consonans, so es assaber *cs*, o en loc de *c* pot estar *g*, segon romans.

Apres A prepositio¹. Rubrica.

Per agensar la manera de parlar, so es per esquivar hyat, deu hom pauzar *z* o *d* aprop *a* prepositio seguen vocal, coma :

Anar me play ad Alamanda
 Quar az uelh vey la valor granda
 Del sieu gentil cors plazentier.

1. Ms. *nostre*.

2. G. A., I, 30.

Aprop E conjunctio copulativa et aprop O disjunctiva¹. Rubrica.

Après *e* copulativa, per ostar hyat, deu hom pauzar
lo *z* seguen vocal; et après *o* disjuncti [F^o 74 r^o] va,
per la meteysa razo, *z*, coma :

Can veyray mal, fer et enic
Al pas de la mort l'enemic,
Aylas adonx que saubray dir
Oz en qual loc poyray gander?

De S o Z aprop QUE². Rubrica.

Que requier après se *s* o *z* vocal seguen, per fugir ad
hyat coma :

Las! ques hay fayt que tal ponchura
Aspra, traucan, mot greu e dura
Quez anc no crey ne fos tan grans
Me fassa l'enemix truans
D'ifern ques am si tant es fals
Que degun jorn no pessa d'als
Sino quez am peccat me prenda.

Z soen te loc de S. Rubrica.

De *z* devetz saber quo soen per uzatge apro[p]³ *c* o *t*
es pazada en loc de *s*, coma : *patz*, *precz*, *ricz*, *jocz*,

1. G. A., I, 30.

2. G. A., I, 40.

3. Ms. *apro*; *p* ajouté au xvii^e s.

luc; e soen cant s deu cazer entre doas vocals per may's certamen legir hom pauza z coma *cauza*, *roza*, *peza*, *guiza*, *uza*.

De l'acordansa e del so de B e P, de G e C, de C et S, et de Q, K, C'. Rubrica.

Soen pauzam *p* per *b* e pel contrari, quar han un meteysh so en fi de dictio, coma :

Johan quar la fe sab
Havem per major e per cap.

Temps et *essems* fan bon acort, jaciaysso que en *temps*, segon art de lati, sia *p* et *essems* non haja *p*, quar en *temps p* mot petit ans no resona, perque l'acordansa rema bona

Coma : Nos tug essems
Adorem Dieu tostemps.

Aquesta letra *g* pot sonar en doas manieras, forment a manera de *j*, cant s'ajusta ab *e* oz amb *i*, o suaumen cant s'ajusta amb *a*, *o*, *u*.

Coma : Si'l mieu coratge vuegi
De mos peccatz, a Dieu m'en puegi.
Dieus plaga'l drago que degu
Dels tieus no rape, car sol tu
A tot quant es yest sobiras.

Ayssi meteysh fay *c* cum *g* e d'aysso

Contra cascuna cascu dia
Cel e ciutat fan guerentia.

Soen *g* e *c* fan un meteysh so en fi de dictio coma :

Lunhs hom no fay avol destrig
 Qui de bon cor au lo prezic;
Destrig requier *g* segon art
 E *prezic c* en esta part;
Destrigua, prezica tot cert
 Mostron aysso clar et appert.

Empero mays vezem escriure aytals motz am *c*, segon uzatge, quez am *g*.

[Fº 74, vº]. Segon jutjamen drechurier, mays sona *c* que *s*; e quar aysso gardar seria greu, per so dizem que per alcuna semblansa del so ques an entre lor hom no deu sofanan la rima que fan entre lor,

Coma : si per nose m'abissi
 Pauc me valdra portar cilici.

Q e *k* sonan soen coma *c*, si be en fi de dictio no son trobadas.

Karles e quar e car e caras
 D'aysso fan guerentia clara.

De la natura e del so de H, S, R'. R'.

Aquesta figura *h*, segon los Actors, non es letra, mas senhals d'aspiratio coma : *homs* et *honor*, *honest*, *havet*; pero per synalimpha es ostada la dicha haspiracios e per consequen la dicha figura.

Coma : be say qu'avetz paria
 D'ome, d'onor e companhia.

Empero nos la reputam per consonan, exceptat en aquest primier cas.

Il rete lo so de *l*, coma *Mathias*; quar ses *h* le *l* sonera coma *c*, per razo de la vocal seguen, coma *díctio*; et enáyssi deu hom dir *Mathias*, e no *Macias*. Et aysso ha loc en lati, quar segon romans no se sec del tot coma *guerenciá*; et enayssi de motz autrès.

Encaras *h* autres sos pren diverses, segon que s'ajusta aprop estas letras següens : *c, l, n, p, s*; aysso podetz vezer

Per aquestz motz *enpach, enpacha,*
Estrech, estrecha, gach e gacha;
 De *l* : *batalh, vuelh, filh e palha,*
Talh e metalh, perilh e falha;
 De *n* havetz *guazanh, guazanha,*
Endenh, endenha, banh e banha;
 De *f* pren so per *Philip, par*
 E per *phylozophe* tot clar;
 E pueysh de *s* *abaysh, abaysha,*
Meleysh, meteysha, quaysh, e caysha.

Et adoncs *h* pot esser dicha consonans segon romans.

Aquesta letra *l* sona forment algunas velz, coma : *cautela, sala, Abel, cel, Gabriel, mal, mala*; et algunas velz suaumen, coma *piuzela, renoela, caval, cala*; e per razo d'aquesta diversitat le motz que sona suaumen amb aquel que sona fortmen no fa leyal acordansa, coma *cautela* e *piuzela, mal* e *caval*.

Petit so¹ e suau fay *r* entre doas vocals, et en fi de diccio², coma *cara, onor*; e cant en aquels locz sona

1. G. A., I, 38.

2. On lirait plutôt *dittio*.

fort et aspramen, deu esser doblada, coma *terra*, *guerra*, *ferr*, *verr*, jaciayssó que [Fº 75 rº] pauzar¹ doas consonans unas meteyshas en fi de dictio sia contrari al lati. Pero nos cove segre noste² romans, que mantas velz sona estiers que'l latis no fay. En lo comensamen sona aspramen, coma : *ramels*, *resplan* e *riu*.

Cant *s* es pazuada³ entre doas vocals, regularmen sona coma *z*, coma *causa*, *rosa*. E quar hom soen se pecca al legir, es miels que en aquel cas hom metá *z* en loc de *s*. E cant en aquel loc sona aspramen, deu esser doblada coma : *plassa*, *fressa*, *grossa*; e dizem regularmen per algunas diccios en lasquals no se sec, coma *prosequir*, *desus*, *lasus*, *desay*, *desobre*.

Dels motz termenatz en ANS, ENS, ONS, e per consequen d'alqus autres⁴.

Jaciayssó qu'om pueca escriure e pronunciar am *ts* alqus motz termenatz en *ans*, *ens*, *ons*, coma *santz*, *sirventz*, *montz*, pero en totz no se sec coma *grans*, *rizens*, *redons*; per que es miels que aytal nom, cant hom los pren per far acordansa, sian escrig e pronunciat ses *t*, per que l'acordansa sia leyals e veraya.

Aquo meteysh dels motz termenatz en *an*, *en*, *on*, coma *tan*, *gen*, *fon*. Enpero fora rima los pot hom pronunciar am *t*, can lor natura lor o dona, coma *tant*, *gent*, *font*.

1. Ms. *pauzal*.

2. Sic ms.

3. G. A., I, 40.

4. G. A., I, 40.

Denan *ges*¹ o *ge* pot metre qui's vol *t* o *g*, coma *paralges*, *paragge*, *megges*, *metge*, *relotges*, *relogge*, *jugges*, *julge*; pero en rima no'ls deu hom variar. E cant denan *ges* o *ge* es dyptonges, o *n* o *r* ses tot meja, adonx no ha loc *t* ni *g* coma *abreuge*, *diptonge*, *marge*, *verges*, *canonge* e *parge*; et enayssi de lors semblans.

Alcunas dictios² son que podon termenar en *t* o en *c*, coma *parlet*, *parlec*; pero li nom volon solamen *c*, como *pec*, *grec*.

De l'acordansa de T e D e de la natura de X e de Y grec³.

Aquesta letra *t* a bon' acordansa am *d*.

Si cum l'avars en aver ard
Le francz a joy cant lo sieu part.
Qui per sa colpa lo sien perd
No'l tengatz per savi ni cert.
Tres peyras fortz lancet Davids
Am que fo Golias feritz.

E trops d'aytals qu'om ditz tot jorn.

Esta letra *x* emporta *cs* o *gs*, segon romans; per que algunas vetz se muda en *g* e molas vetz en *c*,

Coma *vags* e *longs* e *destrigs*
E lor semblan cum *pegs*, *mendigs*.

1. G. A., I, 42.

2. G. A., I, 42.

3. G. A., I, 42-44.

[F° 75 v°] Per *vaga* par *longa destriga*
 E per aquestz *pega mendiga*.
 Pueys avelz *c* per *Grecs e blancs*,
Adoncs e tox e rix e franx;
 Et appar be per *Greca, blanca*,
Adoncas, toca, rica, franca.

Et aytal mot s'escriu qui's vol amb *x* per plus leu escriure¹ e segon art de lati, jaciaysso qu'om los deja escriure am *gs* o am *cs*, segon romans. Et enayssi *x* es dobla consonans en romans coma en lati.

Si dictios termenans en *x* en loc de *c* o *gs* per abreujar se compo am dictio comensan per *s*, adonx *s* no deu esser esricha, coma *exequias, exequio*; si per *c*, adonx *c* rema, coma *exceptio, excilar*; quar *x* enporta *cs* e no pel contrari.

La major part de nostres dyptonges escrivem amb y grec, apelada per altra manera *fyutz*², coma *gay, vey, joy, cuy*, et enayssi appar que vocals es.

Letra pren nom de *legir*, quar letra es via e sendiers de legir. Vist de letra, veus de sillaba.

De sillaba e dels motz d'una e de motas sillabas³. Rubrica.

Sillaba vots es literals,
 Segon los digz gramaticals,
 En .i. accen pronunciada
 Et en .i. trag d'un'alenada.

1. Ms. *escriue*.

2. Sic ms.

3. G. A., I, 46-48.

D'una sillaba son tug li mot seguen :

Dieus ve cels que be fan e mal
E ses luy res no pot ni val.

Aquest mot son de doas sillabas :

Verges humils, dedins los cels,
Dona, recep los tieus fizels.

E quar entre alqus son diversas oppinios sobre alqus motz de quantas sillabas so, afin qu'om no y duple, d'ayssi avan aquels declaram, et enayssi entendatz de lors semblans¹ : *doas*, *coas*, *moa*, son de doas sillabas en fi de verset, et en los autres locs del verset son d'una sillaba. Yshamens *vanoa* en fi de verset es de tres et en los autres locs de doas. *Saviza* de tres, per far acort am *camiza*, e *savieza* de quatre per far acordansa am *maleza*²; *paurux* de doas, o *paorux* de tres. *Sia*, *sias*, *siam* e *siaz* de doas sillabas; et alqu las pronuncio de fag en una sillaba. Et ayssó se pot sostener per figura; pero miels es quan degus dels digs vocables re no perd : *via* de doas sillabas per carriera, *pietat* de tres, *Maria* aquo meteys. E directz *sapiatz* de tres, o *sapchat* de doas; aquo meteys *cambiar* [F^o 76 r^o] o *camjar*; e directz *Helyas* e *Papyas* en tres, et enayssi de lors semblans, *via* d'una sillaba per *anat*; e *sia* per amda³ d'autra; *dyables*, *dyantres* de tres sillabas, e *liam* de doas en tot loc. *Dias* o *dia* son tostemps de doas, e *Crestias*, *gardias*, *Pricias* e *surgias* de tres, et enayssi de lors

1. Ms. *samblans*.

2. Ces deux mots en marge, avec renvoi.

3. Sic ms. Le copiste du xvii^e s. avait écrit d'abord *aiuda*, puis il l'a rayé.

semblans; e *gracia* per dos ses plus, et en tot loc. Aquo meteys *bestia*, *savia*, et enayssi de lors semblans, o quaysh. *Fazia*, *tenia*, *venia*, *vezia* son de tres sillabas, et enayssi de lors semblans : aquo meteys en las autres personas et en los autres temps en singlar et en plural.

Item escrivetz *Abraam* am dobla *a*, e pronunciatz *Abram*, amb un *a*; aquo meteys *Izaac*, *Aaron* e lors semblans, si donx per ostamen de *a* la dictios no's transportava en autre significat, coma *Balaam*, *Balam*, *mayestre* o *maestre*, ses y grec en tres, o *mestres* en doas; et alqu dizo *mestre* amb *e* plenissonan. Per aquestz pot hom haver conoyshensa dels autres de quantas sillabas seran.

De sillabas planas e retardivas devem tractar en lo tractat d'accent e mays de collizio.

Sillaba se deshen de grec que vol dire comprendemen, quar sillaba compren motas letras, lasquals pronuncia totas jos un accent, coma *floc*, *bel*, *clar*, *blanc*, *fort*, *pen*. Una vocals pot far una sillaba et una dictio, coma *e*, *o*, *u*.

Vist de sillaba, devem mostrar de dictio, laquals es declarada per oracio, per que mostram primieramen oratio.

D'oratio' e de dictio. Rubrica.

Oratios, segon qu'es ayssi preza, vol dir aytant coma razos de parlar.

Dizon l'actor qu'oracios
Es de motz ordinacios

Que certa sentensa nos dona
 Perflecha, competen e bona,
 Cum *Peyres lieg* e *Guilhems canta*
 E *Johans cuelh* e *Frances planta*,

E veus apres de dictio.

Dictios es segon las artz
 D'oratio la menors partz,
 Significativa cum *blanca*,
Bels e *Johans*, *mayzos* e *franca*.

Una dictios es us vocables, so es us motz don l'entendemens d'ome pren clar e cert significat dece quez es pronunciatz.

Dels motz plenissonans, utrissonans, enpostz, dissonans, trencatz, sillabicz¹, sincopatz, sinalimfatz, equivocz, sinonimatz, et accentuals².

Plenissonan son can la vocals [F^o 76 v^o] d'aquels plenieramen sona, coma *pax* e *dex*; et enayssi dels autres lors semblans, o sian d'una silla[ba] o de motas.

Semissonan son can la vocals sona mejancieramen, coma *perdos*, *senhors* e *fes*.

Utrissonan son can la vocals pot sonar plenieramen o mejancieramen, coma *tort*, *pres*, et al mudamen del so se muda le significatz.

Enpost son can la vocals on cay l'accens principals

1. Ms. *sillabitzatz*, confusion du *t* et du *c*.

2. G. A. I, 50-56.

pot esser *plenissonans*, o *sèmissonans* e per lo variamen del so le significatz no se varia, coma *remas*, *fems*, *esperì*, *dezesperi*, *forma*, *crema*; e son trop greu per legir aytal mot, per que lunhs subtils dictayres voluntiers no'ls pauza en acordansa final, si donx no'l dona pario no enpost que'l ane denan. Aquestas dictios, *cost*, *coste*, *costa*, *costas*, *costan* e *costo* son plenissonan, et en los autres temps son leumen semissonan.

Dissonan sòn can la una vocals d'u mot es plenissona[n]s e l'autra semissonans, coma *Peyres*, *Thomas*, *arma*, *cofort*, et enayssi de lors semblans. *Soes*, quar tot jorn nos fa mestiers en far declaracios, prendem per un mot dissonan, jaciayssò que vertadieramen sian duy mot.

Trencal apelam aquel mot, can la una partz d'aquel rema en fi de verset e per l'autra part commensa le seguens bordonetz coma :

Filha de Dieu, verges e may
Re Gardatz me del Sathan lay
Ro Desleal si que dece
Bre M'arma no puesca de re.

Sillabicatx es can las partz d'una dictio trencada son entremescladas am rima o ses rima en qualque loc hom se vuelha del bordo, segon que appar enjos en cobbla sillabcada; et enayssi motz trencatz ha cert loc, et aquest non ha mays un loc que autre.

Syncopatx es aquel motz, can del mieg d'aquel hom osta, coma *cabrol* per *cabirol*, *vertat* per *veritat*, *plental* per *plenetal*, *aul* per *avol*.

Synalimphatz es le motz, can de la fi'es ostada la vocals, e'l seguens motz commensa per vocal, en tan

qu'om no pronuncia la primera vocal per esquivar hyat coma :

Don' en cuy Dieus volc habitar
 Per que pogues home salvar,
 L'arme'l corps d'aquest peccador
 [F° 77 r°] Gard' uey e tostemps de langor,
 Quar Dieus t'a dat plenier poder.

Equivocz es le mots que conte diverses significatz coma :

Verges Maria, de cor fi
 Vos prec que'm gardetz en la fi
 Que'l Sathans que peccar me fe
 Virar no'm puesca de ma fe,
 E prega to filh qu'el me do
 Del regne del cel lo ric do
 On joy entier han tug li sal.

Synonimatx es le motz, cant aquel e gran re d'altres significo una meleysha cauza, so es cascus per se coma : *preslres, preveyres, capelas; casses, corals, garriez, royyres*. E jaciaysso que li antic phylozophe¹ fassan differensa entre *amistat, bevolensa* et *amor*, nos pero premdem aquestz vocabbles coma synonimatx, per que tot jorn pauzam la un per l'autre, ses differensa que no y fam. Et ayssso dizem per esquivar gran re de doples que trobam.

Accentuals es le motz, cant al mudar l'accen muda lo significat, remanens aquelas meleyshas letras coma *vezi, cozi, mento, auzi, cridan, canto*. D'aquestz motz sincopatx, synalimphatz, equivocz e dels autres sobre-digz uzam tot jorn per que'ls havem ayssi pauzats,

1. Ms. *phylophe*.

jaciayssó que d'alquís d'aquestz dejam encaras tractar en jos can tractem de las figuras.

Del tractat d'accent' e de sillabas planas retardivas' e de collizio'.

Tractat havem de dictio; per que cove ayssi tractar d'accent. Quar enayssi cum la manera del significar, aquo miels que ayssó es forma essencials de dictio, enayssi la manera del pronunciar amb elevatio oz am depressio es forma accidentals d'aquela et essencials en can que dictios es votz. Et enayssi l'accens principals es forma de dictio, soes forma essencials en can que dictios es votz. Quar officis de forma es far differensa e distinctio entre doas causas semblans materialmen. Et enayssi o fa l'accens principals, quar mantenen que's varia en las dictios semblans materialmen, tantost aytals dictios mudo e vario lor forma, lor temps e lor significat, coma *espero*, *vila*, *canto*, et enayssi de lors semblans; e veus la sua diffinitios.

Accens es regulars melodia o tempramens de votz, lequals estay principalmen en una sillaba; melodia, so es, chans melodios o plazens sonoritat per loqual [Fº 77 vº] melodios can o plazen sonoritat tota dictios, en can que es votz, es segon dever pronunciada am elevacio oz am depressio. Et entendatz can melodios qu'om fay legen o pronuncian e non ges de musica; e quar aquest tempramens de votz se fay per

1. G. A. I, 56-60.

2. G. A., I, 60-62.

3. G. A., I, 64.

alcuna demora de temps qu'om fay en las sillabas, per so mostram ayssi qu'es temps.

Temps es demora de pronunciatio a l'accent ajustada et atribuda. Cascuna dictio ha un accent principal so lamen per loqual es regida, formada e jutjada. Tug li altre son apelat greu. L'accens principals ha un temps lonc qui val dos breus e l'ac[c]ens greus a un temps breu. Temps breus es aquel en loqual es engendrada una votz o una sillaba en tant que plus breumen no's pot engendrar, aïl que aquela sillaba o votz se puesa salvar o en aytan cum tu poyrias leu pronunciar *a*, *o*, *u*. Doas manieras havem d'ac[c]en principal segon romans, sos assaber lonc et agut. E jaciaysso que regularmen la sillaba on cay l'accens principals, o sia loncz o agutz, haja un temps lonc, e la sillaba on cay le no principals un temps breu, pero major demora de necessitat cove far en una sillaba que en altra, coma en las sillabas dyptongadas, coma *vay*, *vey*, *joy*, *Ameytic*, *Peyroneta*, *veyrials*; et enayssi dels autres.

Et ades son plus longas aytals sillabas can termeno en una o en motas consonans am dyptonge, coma *quaysh*, *faysh*, *vayrs*, *cars*, *mars*, *carcz*, *marcz*, *francz*, *ferms*, *sanclamen*, *fortmen*. E reputam *h* per consonan en fi de dictio, coma *quaysh*, *fayh*. juciaysso que ses *h* aytals motz hom puesa pronunciar. Et aytals diccios o sillabas apelam retardivas. Et engendron collizio, can otra tres ne son pazadas en un bordo, ses meja d'una o de motas sillabas planas, coma :

Philips es bels reys, castz, francz, pros,
Am cor humil e platos,

Et apelam planas sillabas coma *e*, *o*, *ara*, *belu*; et otra

ayssó que red lo compas dessemblan, si donx aytantas sillabas retardivas no havia en la .j. bordo coma en l'autre, coma :

Philips es bels reys, blancz, frescz, nautz,
Larcz, francz, justz, fortz, castz è azautz.

Et am tot ayssó non han bela cazensa. E per miels donar entendre l'accent dels romans, veus ayssi de l'accent segon lati.

De l'accent segon lati. R^a.

[F^o 78 r^o] Segon lati tres manieras havem d'accent, agut, circumflec, e greu. Accens agutz e circumflec son principal e greus no principals. Agutz a son loc en la primera sillaba, coma *dominus*; en aquel .do. es accens agutz. Le circumflec a son loc entre doas depressios, o mays, coma *amare*, en lo .ma. es l'accent circumflex, o mays, coma *lectionibus*, en aquel .o. es l'accent circumflex.

Accens greus es le no principals que no ha mas .j. temps breu, quar totas las autras sillabas que son en *dominus*, *amare*, *lectionibus* han accent greu, exceptat lay on cay le principals.

L'aguts e'l circumflex son huey accentuat quaysh d'una maniera; e ges per so non es que no sian duy divizit e separat. Aquest duy accent son dig principal, quar il duy preno e reteno mays dē temps que'l greus, et aquel temps ques han mays lor dona major sonori-

1. G. A., I, 64-70.

tat, laquals se fay per elevacio, jaciaysso que ayta lonc semble la us cum l'altres, segon la pronunciacio qu'om fay huey.

L'accens circumflex, jaciaysso que haja respieg ad elevatio et a depressio, el pren nom del plus digne, so es de elevar, quar mays ha de temps, major¹ demora de votz e major sonoritat en elevar que en abayshar, per laqual elevatio es digz principals. Aytals elevatios o abayshamens d'accent no sec del tot longueza ni breveza natural de sillabas, so es segon versifiar, jaciaysso que segon la dicha longueza o breveza se haja ordenar en qual loc de la diccio deja estar segon que podetz ayssi vezer.

En qual loc de la dictio devon esser assetjat l'accent principal². Rubrica.

Li mot d'una sillaba coma *rus, jus, thus*, sian lonc o breu segon versifiadura, han regularmen accent principal agut; e li mot de doas sillabas en la primera regularmen, o sia longa o breus, segon versifiar, coma : *Deus, amat, dixit, fortis*.

Tug li altre mot regularmen, de quantas que sillabas sian, han lor accent principal en la penultima, si longa es naturalmens, coma *natura*; si breus es en la denan penultima, sia longa o breus en versifiadura, coma *scribere, dominus, fortius*; et enayssi qui no sab la natura de las sillabas [F^o 78 v^o] segon versifiar no pot saber accentuar. D'aquestas reglas son alcun impedi-

1. Ms. *maiors*, avec s exponctuée.

2. G. A., I, 70.

men : concizios, differensa, consorcia, uzatges, enclezis e distinctios.

Dels VI empedimens d'accent¹. Rubrica.

Concizios es rompemens de dictio, coma *amat* per *amaul*, e quar *amaul* en aquel *.ma.* ha l'accent principal, per so *amat* qu'es dictio rompuda, aqui meteysh rete l'ac[c]en principal, sos assaber en aquel *.mat.*; quar l'accens principals vol remaner en aquest loc de la dictio trencada e rompuda, en loqual era quant era entiera. Et aysso es vers cant l'accens principals es en la sillaba de la dictio entiera en laqual deu esser naturalmens, estiers falh la regla, coma *exin*, *subin*, *proin*.

Yshamens deu hom entendre la dicha regla can le temps loncz de la syllaba on era l'accens principals de la dictio entiera no es mudatz en breu en la dictio rompuda; quar adonx no ha loc la dicha regla, coma *petiul*, *petiit*.

Encaras devetz entendre la dicha regla cant aquela meleysha vocals on era l'accens principals de la dictio entiera rema en la dictio rompuda; d'autramen no val la regla, coma *deum pro deorum*.

Differensa es lo segons enpedimens, quar *pone* pot esser adverbis o verbs; e per far differensa, cant es adverbis, es l'accens principals en la derriera; aquo meleys *alius*² ha l'accent principal en la derriera a differensa de *alias* nom. Et enayssi de lors semblans.

Consortia es le ters empedimens que vol dire *com-*

1. G. A., I, 72-88.

2. Ms. *al'*.

panhia. Et aquest veda que no sia l'accens principals lay on naturalmens deu esser. Quar vos havetz *cuius*, *cuia*, *cuium*. Et aquel *cuius* ha l'accen principal en la derriera, a differensa de *cuius*, de *quis* vel *qui*. E per companhia e que sian d'un compas e d'una sort aquo meteys fa *cuia* e *cuium*.

Uzatges es le quartz impedimens, coma *Lombardia*, *Papia*; quar aquestas diccios son latinas et an segon uzatge l'accen principal en la penultima. Aquo meteys fan li compost de *duo* et de *tria*, que han l'accen en la penultima per utzage, jaciayssó que segon art degues esser en la denan penultima, coma *viginti duo*, *viginti tria*, et en ayssó ressemblo los Grecz coma [Fº 79 rº] *tragedia*; aquo meteys fan aquestas doas diccios *vicecomes*, *archicocus*.

Enclezi es le quintz empedimens; et es enclezi enclinatios que fay enclinar e mudar l'accen de son loc on naturalmens deu esser. Aquest impedimens se fay algunas vetz en lo comensamen et algunas vetz en la fi. En lo comensamen se fay per aquestas encléticas *si*, *nun*, *ne*, coma *siquis*, *nunquis*, *nequis*. E per esta enclezi segon alqus dizem: *nequando*, *siquando*¹, fazen l'accen en la primera, lequals devia esser en la penultima segon art.

Alqu dizo que *nequando*², *siquando* no han solamen l'accen principal en la primera per enclezi, ans o han be per cauza de consorcia; per so que la primera de *quando* haja accen greu can se compo am *.si.* et

1. Le copiste du xviii^e s. avait d'abord écrit. *nequum*, *siquum*, il a ensuite corrigé *nequando*, *siquando*.

2. Ms. *nequ*, *siqu*, plus haut également. Au bas de la page on lit: « *nequando*, *siquando* de l'autre volume ». (Main du xviii^e s.).

am *.ne.*, ayssi cum ha can se compo amb autras dictios, coma *aliquando*.

Catholicons ditz que *siquando*, *nequando* han l'accent principal en la primera, no pero per cauza de differensa, ni per cauza de distinctio, mas solamen per enclezi o per consorcia.

Priscias ditz que *nequando*, *siquando* han l'accent principal en la primera, per que hom no's cuge que sian doas partz, et enayssi per distinccio o per differensa. Aquo meleys pot hom entendre de *aliquando*.

En la fi se fay enclisis e son aquestas *.que.ve.ne*; aquelas del commensamen tiro et enclino l'accent principal a se e sobre se, et aquestas a se e vas se, coma *dixitque*, *putasne*, *dominusve*, quar en la primera sillaba de *dixit*, *putas* et de *dominus* deu esser segon art l'accent principal et aquesta enclisis tira lo a se, so es vas se, que'l fa mudar en la derriera sillaba. Aquesta regla falh per rompemen de vocal, coma *undique*, *denique*. Item per causa de differensa, coma *ilaque*, *utique*. Item can s'ajusta am dictio d'una sillaba coma *mulier virque*.

Distinctios es le derriers impedimens, quar fay mudar l'accent principal del loc on naturalmen deu esser; e per aquesta distinctio tug li compost de *inde* han l'accent principal en la primera, coma *deinde*, *proinde* et tug li altre. E degran lo haver en la penultima, quar longa es naturalmen. Et aysso fa se per que aquel de primiers d'aquesta dictio *deinde* no semble ajustatz am lo *inde* per appositio, mas per composicio. Et per so ditz Priscias que li compost [Fº 79 vº] de *inde* han l'accent principal en la primera per doas razos, la una quar per adjectio, so es per ajustamen han *de*, quar

hom atroba *exin*, *dein*, et enayssi que l'accens remanga aqui on era naturalmen, en la primera sillaba, o per altra razo, laquals es melhors : quar las prepozitios, can son separadas, han accen greu ; e per so que hom conoga que en aquestas dictios son ajustadas, han l'accen principal en las primieras, ayssi meteysh cum fan aquestas conjunctios *si* e *ne* can son prepauzadas ad aquesta dictio *quando*, coma *siquando*, *nequando*, coma es estat dig.

Item devetz saber que li nom grec et hebrieu han l'accen principal en la derriera sillaba, coma *Abraam*, *Yzac*, *Jacob*, *Esau*, *Jesum*, *Osanna*, *amen*, si donx no's declino per la manera de las dictios latinas coma *Thobias*, *Jheremius*.

De l'accen segon romans'. Rubrica.

Mostrat havem l'accen segon lati per miels nos en-formar et entendre l'accen ques havem en romans. Et acordam nos am lo lati en aysso que en una dictio havem .j. accen principal ses plus. Tres accens havem en romans en altra manera que en lo lati. sos assaber lonc, greu et agut. E lunh temps no trobaretz segon romans accen principal en lo comensamen de dictio, si donx non es de doas sillabas ; d'una sillaba no qual far mensio, quar aqui no ha primera ni derriera. E per aysso, enayssi cum l'accens principals appellat agutz es pauzatz en lo commensamen de dictio segon lati, ayssi, segon romans, es pauzatz en la fi, so es en la derriera sillaba, coma *senhor*, *salvador*.

1. G. A., I, 88-92.

L'accens loncz es aquel segon romanz qu'es assetjatz en la penultima o en la primera, can la dictios es de doas sillabas coma *regina*, *fin*. Et aquest accen lonc nos prenem en loc d'aquel qu'es apelatz circumflecç en lati.

Aquest duy accen lonx et agut son enayssi apelat principal en romans, coma le circumflex e l'agutz en lati.

En aquesta diccio *governayre* son quatre sillabas : en la penultima, sos assaber en aquel *ay*, es l'accens principals apelatz lonx ; en cascuna de las autras sillabas es l'accens apelatz greus. Et en esta diccio *governador* son autras quatre sillabas, et en la derriera es l'accens apelatz agutz, en cascuna de las autras sillabas es accens apelatz greus.

Li sobredig accen son apelat principal, quar per lor son las [F° 80 r°] dictios regidas e principalmen governadas e formadas, segon qu'es estat dig.

Item devetz saber que nos havem algunas dictios grecas [o quays grecas]¹ termenans en *a* per aquesta forma : *acyrologia*, *macrologia*, lasquals, segon romans, han l'accen principal en la derriera. Et algunas autras diccios havem termenans en *e*, lasquals han yshamens l'accen principal en la derriera, coma *paragoge*, *systole*. Item havem algunas autras diccios latinas o quays latinas termenans en *a*, lasquals, can las pauzam en romans, las devem atrayre al mays que podem a l'accen del romans, per que hajan conformitat entre lor, coma *gramatica*, *logica*, *rethorica* : e quar las diccios

1. Au-dessus de la ligne, encre plus récente, ou du moins plus pâle.

del romans termenans en *ica*, coma *multiplica*, han l'accent principal en la penultima, per so en la penultima de *gramatica* deu hom pauzar l'accent principal segon romans; et enayssi de lors semblans.

Las diccios termenans en *us*, quanque¹ hajan la penultima longa segon lati segon romans la fan termenar en accent agut, coma *Deus*, *methaplasmus*, et enayssi de lors semblans. Finalmens l'accens del romans tira a si aquel del lati, segon que direm en exthasi.

Accens greus pot estar en cascu loc, exceptat lay on es le principals. Quals diccios han accent lonc e quals agut ayssó pot haver cascus per uzatge. En quals locs devetz gardar accent, ayssó podetz vezer ayssi on tracta dels bordos.

Bordos¹.

Bordos es una partz de rima que al may conte .xii. sillabas, et a tot lo mens quatre, si donx no son enpeutat, o biocat, quar adonx podon esser no tan solamen de quatre, mas de tres o de mens. E deu hom dire bordo o basto, o bordonet bastonet, o verset e no vers. Alcu dels bordos principals son appellat menor, coma de vii, vi, v o de quatre sillabas. Et alqu major, coma de viii, ix, x, xi o xii sillabas. E veus prumier dels menors et apres dels autres.

1. La copie du xvn^e siècle donne *quantque*, mais le ms. a : *queq.* avec le même signe d'abréviation - au-dessus de chaque *q.*

2. Livre II de la rédaction publiée par Gatién Arnoult. Nous continuons d'indiquer ci-après la tomaisón et la page : G. A., l. p. 100. Dans l'édition inédite des *Flors*, v. 1255 et suivants.

Dels bordos de quatre sillabas'. R.

Totz homs se dol
 Et ha gran dol
 Can ve que mor
 Cel que de cor
 Ama fortmen.

E si tant es que amb aytals bordos de quatre sillabas termenans en accen agut vols ajustar bordos termenans en accen greu, adoncz cascus [Fº 80 vº] d'aytals termenans en accen greu deu haver mays una sillaba. Et aysso meteysh de quantas que sillabas sian li verset, per so que l'accens longs et agutz cajon en paritat de sillabas; estiers seria desemblans le compas e que no hauria bela cazensa. E que aytal bastonet termenan en accen greu dejan haver mays una syllaba que cil que termeno en accen agut, pauzam vos aquest yshemple.

Le cor me part,
 Quar me soy tart
 Reconogutz
 Dels bes pergutz
 Per ma folia,
 Quar yeu solia
 Per mas rictatz
 Esser prezat
 E tempsutz fort;
 E quar al port
 Freol soy ara,
 Cascus la cara

Tantost me vira ;
 Pueys una vira
 O tal matras
 Que'm sier detras
 Casqus me lansa ;
 Que ferrs de lansa
 Mays no m'acora,
 Que mi transfora
 Lo cor e'l cors
 L'envejós mors
 E verenos
 Coma poyzos
 Dels vilas motz
 Que'm fan jos volz
 Per maestria.

Dels bordos de .V. sillabas¹. Rubrica.

Las en mon joveu
 Era per la gen
 Temsutz e prezat
 E pueys apelatz
 Per los grans senhors
 En mantas honors,
 En gran reverensa,
 E ma bevolensa
 Volia cascus.
 Mas ara negus
 De mi non ha cura
 Ni vezer non cura,
 Quar endevengutz
 Soy viells e canutz

Et en frevoleza,
 Anz ma vida peza
 Als mieus et a trop
 Que preno lor ops
 Tot jorn de mos bes.

Dels bordos de .VI. sillabas¹. Rubrica.

Senher Dieus Jezu Crist,
 Qui cel e terra fist
 Et el mon deshendiest
 [F^o 81 r^o] Per amor e nasquiest
 Per nos de peccat trayre
 De la Vergena Mayre,
 Trauca mon cor e fen
 Ab tal regardamen
 Quo regardiest San Peyre,
 Can se tirec arreyre
 Lo tieu nom renegan
 Per paor ques hac gran,
 Per so quez am dolor,
 Am lagremas e plor
 De gran contricio
 Et am cofessio
 Me puesca denejar
 Dels peccatz e lavar ;
 Pueys fier me de l'estoc
 D'aquel benezeit foc
 Del ver Sant Esperit
 Del qual foron ferit
 L'apostol e tocat
 E forment abrazat,

¹. G. A., I, 106.

Per so que yeu m'acaze
 En t'amor e m'abraze :
 Et en la vera fe
 Que Sancta Gleyza cre
 Tostemps en bonas obras,
 Vers Dieus que totz bes obras,
 Entro la fi de say
 Perseverar me fay ;
 E pueys aprop ma vida
 Dona'm joya complida
 En lo regne dels cels
 Am los autres fizels. *Amen.*

Dels bordos de .VII. sillabas¹. Rubrica.

Aylas non puesc dar conort
 Quar tot jorn vau a la mort ;
 Avenhat m'es del murir
 E per re noy puesc fugir,
 Pueys no say vas on me tenga ;
 Enpero, quanque m'avenga,
 Cert es qu'ieu adonx prendray
 Segon qu'ayssi fag hauray ;
 Per que'us prec, Verges Maria,
 Que'm siatz capdels e via ;
 Et adonc per mi pregar
 Vulhatz lo vostre filh car
 Qu'el per sa gran passio
 Dels mals quez ay faitz me do
 Perdo.

¹. G. A., I, 108.

Dels bordos de .VIII. sillabas¹. Rubrica.

Tant veg lo mon pres e liat
 Per erguelh e per vanetat²,
 Per frau e per gran cobezeza,
 Que lunhs hom coven ni promessa
 No vol tener huey a son par;
 E per so cove playdejar³;
 E trops de bes en va despendre
 Et en las cortz tot jorn contendre
 E dir et auzir mans'otratges.
 Per que le mons es tant salvatges
 Que'l payres del filh ha regart
 E'l filhs del payre d'autra part.
 [F° 81 v°] E soen may que d'un estranh.
 Si lunha cauza vos sofranh.
 A penas comte no fassatz
 D'amic ni paren ques hajatz,
 Per tant que sia poderos;
 Quar mantenen plus sofrachos
 Se fenhera que vos non eltz⁴.
 Mas a prestar per .xi. detz
 Ad autre no dira de no,
 Solamen que bon gatge do
 O d'eretatx lo veja ric.
 Appar donx-a so ques yeu dic
 Que tot lo mon erguelhs abraça;
 Humilitatz no sab que's fassa;

1. G. A., I, 110.

2. Ms. *venetal*.3. En marge : *Nota bona ub (verba?)*; le reste a été coupé par le couteau du relieur. Cette note est postérieure au ms.4. En marge : [A] *dhuc pratica* [indum ?].

Huey regna per tot cobezezza :
 Merces dejos terra s'es messa,
 Fraus et engans per tot se pauzo
 E leyalatz e fes s'enclauzo,
 Eveja corr per totas partz
 E say e lay fier de sos dartz
 Que res no·l pot haver deffensa;
 Caritatz, amors, conoyo ssensa
 Al bas estan coma sirventas
 Dolentas.

Dels bordos de .IX. sillabas¹. Rubrica.

Bordo de .ix. sillabas no podem trobar am bela ca-
 zensa, per que non es en us, jaciayssso que am rimas
 multiplicativas puesca estar per esta manera.

Lo mon veg maladreg e destreg
 Quar apleg fran hom dreg per naleg

Dels bordos de .X. sillabas¹. R^{re}.

Senher vers Dieus, qu'en la crotz perdonetz
 Al bon layro e moren l'autregetz
 La joy del cel, la mi' arma salvatz
 E·ls mieus forfaytz, Senher, me perdonatz;
 E non layshetz a l'enemic decebre
 E vulhatz me lassus el cel recebre.

La pauza que aytal bordo han en la quarta sillaba no

1. G. A., 112-114 ; beaucoup plus développé dans la rédaction
 publiée par Gatién Arnoult.

2. G. A., l. 114.

deu hom trasmudar, so es que la pauza fos en la seyzena sillaba, quar no haurian bela cazensa, jaciayssó que am rimas multiplicativas oz am bordos enpeutatz poguessan estar en aquel loc o en autre. Aquo meteysh en bordos de .xi. sillabas e de .xii.

Dels bordos de .xi. sillabas¹. Rubrica.

Sia diligens, savis e coratjos
 E pros et arditz e fortz e vigoros
 E de bon auberc garnitz de fina malha
 Qui vol ganhar d'aquest mon la batalla;
 L'elme ni l'escut, l'espaza ni la lansa,
 Las sagetas, l'arc que de luenh fier e lansa
 No vuelha layshar e mene bon² dest[r]ier
 Gran re de pezos e mant pros cavalier,
 E mays trompadors per mesclar las companhas.
 Tant que retendir fassan vals e montanhas.
 E per satisfacer de las dispensas grandas
 Haja bon thezaurer e sobras de viandas,
 Per que'n sia larcz e per mar e per terra,
 Quar hom qu'es escas no fa son pro de guerra;
 Naus, linhs e gales e nautors avizatz
 Tenga, si locz es, nued e jorn ayzinatz;
 E sia curos on poyra miels paubar
 Las tendas e'ls traps e sas gens cologar.
 Gaytas deu haver mot sabens e guiscozas
 E de ben gardar aprezas e curozas,
 Si que nued e jor hajan avizamen
 De gardar la ost e'ls passes majormen

1. G. A., I, p. 116.

2. *Bon répété, exponctué.*

Perillos e greus; e mays las encontradas
 De las regios e las forsas gardadas
 Sian dels castels e de la terra tota
 D'arnès, de sirvens e de vilhalha mota
 E de tot lor ops sian las establidas
 Ses defalhumen' per .j. gran temps garnidas.

En aytals bordos de .xi. sillabas pot hom inudar lo compas ques aras havem mostrat¹, quar vezer podetz que la pauza es en la quinta sillaba. E pueysh segon se .vi. sillabas, et enayssi son .xi. Virem donx lo compas de la pauza so denan detras enayssi que la pauza fassam en la seyzena sillaba. E pueys segon se .v. sillabas, e digam enayssi.

Totz homs destru son cors ans dura soen
 Can trop vol treballar e repaus no pren
 O sueffre dins mayzo tot jorn iras grandas
 O vi beu entorbat pren malas viandas.

Et enayssi dels autres. Et aytals pauza no ha bela cazensa, segon qu'es estat dig.

**Dels bordos de .XII. sillabas' on declara las ditas
 armas e'l caval. Rubrica.**

L'aubercz es fermetatz e fervors de la fe
 De Dieu, Nostre Senhor, que Santa [F° 82 v°] Gleyza cre
 E l'elmes es temors de Dieu qu'om deu haver
 Nueg e jorn en son cor per miels far son plazer.

1. Sic, ms.

2. Ms. *Monstrat*, n exponctué.

3. G. A., I, 118.

La lansa te cascus am la ma per traucar,
 Per qu'om deu per bos faytz bos yshemples mostrar;
 Mas l'espaza brandens qu'es fortz e ben talhans
 Essenha que trenquem los vicis paucz e grans,
 E l'escutz es la mortz e la passios cara
 Del veray fil de Dieu am que totz nos ampara;
 E l'arcz ques ha dos caps mostra dos testamens,
 Sos assaber lo vielh e'l novel yshamens;
 E las sagetas son las paraulas de Dieu,
 Lasquals trauco de luenh en lo sante nom sien;
 Per la corda prendem lo sen esperital
 Que las armas enpenh al gaug celestial;
 Mas le cavals es Dieus q'om deu menar am si
 Et en luy cofizar et fermar atressi;
 Pels valens cavaliers los angels entendem,
 Els Sans de Paradis per los pezos prendem;
 É cil que trompo fort sont li bon sermonayre
 Que sabon amb bels ditz home de peccat trayre
 Et enardir los flatz e gitar de noalha
 Per vencer prozaments d'aquest mon la batalha.
 Per las trompas hom pot los ysshemples entendre
 Dels sans Payros, del[s]quals podem tot jorn aprendre
 Don yeysh vius bufamens amb acort glorios
 De sos esperitals plazens e gracios;
 Las despessas assatz, si cum auzir podetz,
 Mostro renegamen, oblit e menespretz
 Qu'om deu haver del mon e de solz e de marcz
 Per so ques als mesquis ne sia francz e larcz;
 E las viandas son pascenc d'oracio
 E de bos pessamens e de devocio.
 Nos em la naus qu'estam dins en la mar preonda
 [Fol. 83 r°] D'aquest mon perilhos que de grans mals sobronda:
 Li nautor son aycil que son de ferm coragge,
 Que governo ~~la~~ nau tro la fi del ribatge,
 Am remes de bonas mas e de veraya lenga

Per far e dir bos faytz tro ques a bon port venga ;
 E l'asetiamens dels traps e de las tendas
 Es locz paubres e francz de mondanals fazendas
 E mayzox excellens tota celestials
 Per mot nautas vertutz dels bes esperitals,
 Am continuamen d'oratio devota,
 Quar en aytal mayzo no's tanh persona lota ;
 Las gaytas de la ost certas et avizadas
 Mostro discretio, laqual totas vegadas
 Hom deu voler am si e mays li gran senhor
 Per que'l mon governar puecam miels ad honor ;
 Per las forsas podem bonas vertutz entendre
 Ques han mestiers a cel qui's vol a mal defendre.
 Dieus nos arme, si'l platz, d'aquestas armaduras
 Que las armas a luy¹ puecam redre seguras.

Veus autre yshemple dels bordos de .XII. sil-
labas per lo presen dictat appellat la *Contem-*
platio de la Crotz*. E quar la *Passio de Nostre
***Maestre Jhesu Crist* commensec a com-**
pleta, per so le prezens dictatz comensa a
completa.

I

[Completa]².

- Verays Dieus Jhesu Crist, lumniera de l'Altisme.
 Senhor de tot poder e de cel e d'asbisme,
- 3 Gaug, vertutz e honors de Paradis e gloria,
 Pas sagratz, saboros, vida, patz e victoria,
 Abrazamens d'amor, fons de totz bes veraya,
 - 6 Etz vos, Senhors humils, e doussors que'ns appaya.

1. Mot mal écrit ; en marge, main du xvii^e s. : *adieu*.

2. Nous ajoutons ce mot d'après l'indication qui précède.

- En aquest mon venguetz vezitar la Vergena,
 Ples del glorios ros que dossamen semena
 9 Le vers Sans Esperitz e plenieramen dona,
 [F^o 83 v^o] Per so que s'averes la prophesia bona
 Del Senhor dezirat; per que vos carn humana
 12 De la Verges prezetz, quar la trobetz certana.

- E forotz¹ verays homs e filhs de Dieu lo payre,
 De layt verge noyritz per la Vergena Mayre,
 15 De liey prendre volguetz e noyrimen e vida,
 Vos ques etz verays pas que noyrish et avida;
 En la grepia fos mes, can vos hac la piucela;
 18 Cel que no cap els cels en sa fauda capdela.

- Vos etz verays solelhs, l'estela nos ho mostra.
 Symeons ab gran joy ditz qu'etz lumniera nostra.
 21 Herodes per aucir vos quier per que us amaga
 La Verges e cove que del pahys vos traga;
 En Egipte s'enfug, de sa terra s'estrancha,
 24 Vos portan en son bras e Josep l'acompana.

- A liey vos sosmezetz, Jhezus, vera lumiera,
 E lums e resplandors e clartatz vertadiera;
 27 Pueysh intretz al dezert far penedensa granda,
 Quar de quaranta jorns no receubetz vianda;
 Pueys sanan orbs e mutz per la vertut divina
 30 Essenhetz tot lo mon am veraya doctrina.

Als vostres gran amor, Senher, havez mostrada,
 Cant del vostre pur sanc de vostra carn sagrada,

[*Six lignes en blanc*².]

1. Sic; cf. la vraie forme *foretz*, au v. 39.

2. Il est probable que ce poème devait être illustré d'enluminures, comme on le verra par le nombre de blancs indiqués.

- 33 Hostia viven e frug de la Verges corteza,
 Los volguetz sadolar per vostra gran franqueza.
 Los pes dels servidors lavetz, per dar entendre
 36 Que cel que majors er vuelha ressemblar mendre.

- Apres los sermonetz et prezetz vostra via
 Per montar sus lo pueg on hom penre'us devia;
 [F° 84 r°] Mot tristz et engoyshos foretz en aquel' hora:
 Vostre cors paor ha de la mort, per que plora
 E trassuza de sanc d'engoysha que sufferta :
 42 Dieu lo payre pregan amb oracio certa.

En l'escurtat fos pres, vos qu'etz lums de las armas.
 Per vostres enemiz am lansas e gazarmas.

[*Six lignes en blanc.*]

- 45 Al senhal del bayzar del traydor maligne
 Meto lors cruzels mas en vos, Senhor benigne;
 Manejar vos layshetz coma l'anhels al topdre
 48 Et a lor no'us volguetz amagar ni rescondre.

- Fons de gran pietat e de misericordia,
 E princeps glorios de patz e de concordia,
 51 Atras fezetz totnar lo vostre defendeyre :
 El no fis e'l sanetz qu'en re no'us denhec creyre;
 E reddetz be per mal, don cascus s'adoctrine
 54 Ques on plus nautz sera humilitatz l'encline.

- Li cruzel cruzelmen vos lian e'us estaquo
 Et am burces mot grans vilanamen vos maquo;
 57 Las vostras santas mas, que tot quant es creero,
 Ayssi coma layro fortmen vos estaquero;
 A totz pogratz haver, sius volguessetz, deffensa;
 60 Mas plac vos lo suffrir per nos en paciensa.

Pres, liat e ferit lo senhor e'l bon pastre,
 Las ovelhas s'en van, tristas, seguen lor astre,

- 63 Ploran e sangloten, ayssi cum yssharradas,
 E van a regiros totas espaventadas;
 Et han paor mot gran qu'ades sian atenchas.
 66 E planho lor pastor qu'emmeno ad enpenchas.

Senher, quar vos han pres li fals Juzieu s'en gabo
 E han ne tant de joy que il meteysh no sabo
 [F° 84 v°] Quo s'en puescan portar; et enterlant vos meno
 Ad Anna; pueysh aqui li gran capela veno
 Per que puescan legir contra vos lor sauteri
 72 D'ontas e de despieytz e far tot vituperi.

*Lums de gran resplandor, joy de sans e de santas,
 Gloria, laus et honor, hajatz, Senher, que tantas
 Engoyshas de dolor, escupimens ed antas
 Suffritz per nostr'amor, qu'ieu no say dire quantas;
 Joencel faytz lauzor, vielh, efan et efantas
 Al clavelhat senhor, e de mas e de plantas.*

I

A matinas. Rubrica.

- La votz e'l brugz se mou e la gran brega's dressa.
 Can l'aguero menat vilmen ab gran detressa
 75 Denan los majorals, per far de luy enquesta,
 Ganho s'en li Juzieu e'n fan aqui gran festa
 D'esquerns e de despieytz e pueysh cascus l'acuzo
 E'l bos Senhors s'estay qu'en re no's dezencuza.

- Duy testimoni fals creysho la mala salsa
 E contra l'ignoscen fan guerentia falsa.
 81 L'avesques fort l'enquier am paraula terribla
 E'l conjura fortmen; el ditz am votz pazibbla :
 « Sezer veyretz lo filh de la Verges encaras
 84 En la dextra de Dieu sobre las nivols claras. »

Can l'avesques auzic d'esta razo la thema,
 Cridet coma raujos e ditz que Dieu blasphema;
 87 Tant se fenh corrossat que sa rauba n'esquissa,
 Si que'ls autres maustis contra l'anhel atissa;
 Pueysh crido tug essemms am motz espaventabbles
 90 E dizo que de mort es dignes e colpabbles.

E quar la voluntatz sobra lo sen e'l gasta,
 Aysso que mal han dig als maustis non abasta,
 93 Ans veno contra luy e dessobre s'acato
 E de pes e de punhs mot cruzelmen lo bato;
 [F° 85 r°] E'l menan entre'ls pes, baten cossi fos garba,
 96 E li rompo los pels del cap e de la barba.

Tant li donσ grans colps li truan ple d'enveja
 Que retondish le cors e la cara blaveja,
 99 Dels sieus pels glorios portan las penas pautas;
 Pueysh auziratz los colps que'l dono per las gautas;
 Son cap viratz torbat e'l mieg d'aquela guerra
 102 E'ls pels aqui marcar a grans mas sotz en terra.

.
 Ay, Senher beutados, ad aytal gent cruzayga,
 105 Quar la vostra beutatz es del tot ara truma,
 Plena de blavayrols e de la vil' escuma
 Dels escupimens grans que'us fan la truandalha;
 108 Mas per nos restaurar vos play esta batalha'.

Can be foron tug las de ferir e de batre
 Amb antas e despieytz lo commenson combatre.
[Blanc de six ou sept lignes.]
 111 Meto'l sul cap .j. drap am que los huelhs li clauzo
 E de mayshelejar li bacalar no's pauzo;

1. Un vers manque au début de la strophe.

Cascus lo fier ta fort ques a pauc no'l derroca;

114 Et apres dizon li : « Divina tost qui't toca. »

Sans Peyres vay al luenh, ques home non espera,

Seguen lo sieu capdel per vezer hom que'n fera;

117 Mas enterrogatz fo per alcuna gent pega

Et el son car Senhor tres vetz ades renega;

Et cant le pols cantet del sieu dig se recorda;

120 Ploret amaramen et am Dieu el s'acorda.

Le dous vostre regartz, Senher, ayssi transfora,

Que sant Peyre trauquet, punh en dins e defora

123 E l'ostet de là gent mala, cruzel e fera

[F^o 85 v^o] E'l sieu cors escalfet, quar freytz e gelatz era

Del veray foc d'amor que las armas sadola

126 Et intra doussamens tro qu'es dins la mezola.

Am lo dart glorios dels vostres uelhs Sant Peyre

Redressetz que la fes no retornes areyre,

129 E de sos fahimens vous li sanetz las plagas,

Quar vitz que bon cor ha que'us fassa bonas pagas

De lagremas e plor am contricio ferma;

132 Per que vostra bontatz en la fe lo conferma.

Cant be'us han malmenat e fayt lo mal que podo,

Li malvat bacalar que'us van entorn e rodo

135 Tot las et enuiat, ple de colps e de bossas

E de grans blavayrols e d'autras nafras grossas

Dins una preyo greu on los murtriers estujo

138 Vos han mes, quar ades, Senher, perdre vos cujo.

Ay, flors de gran beutat, sus lo sol dur quo't macas,

Estan en la preyo cuberta de grans tacas!

141 Escalfamens d'amor, que tot quant es consolas,

Ses tot consolamen de gran freg quo tremolas!

Rays del veray solelh, que lum tostemps celebras,
 144 Aras estas enclaus e pres en grans tenebras.
 [*Lums de gran resplandor. etc.*]¹.

III

A prima.

Li major capela gran mayti se revelho
 Et am los plus anticz d'ajustar s'aparelho,
 147 En una sala gran on la gens falseguita
 En re mays en barat no pessa ni cogita;
 Quar als no van queren mas que Jhezu traziscan
 150 Et ayssi cum layro en crotz lo destruiscan.

Li major de la ley, coma lop devorable,
 Fan ades amenar lo senhor perdurable;
 153 L'anhels suaus estay am mot humil çoratge
 El mieg dels grans maustis que son fer e salvatge,
 [F° 86 r°] E perdecebre luy cascus son par affoga
 156 Et am fallacias grans l'enquier e l'enterroga.

Sa doctrina li fals e son affar demando,
 Et apres s'il es Crist tot dire lo comando.
 159 E'l bos Senhors, que ve lor voluntat maligna,
 Ditz que seyra le filhs de la Verges benigna
 En la dextra de Dieu celestial e nauta :
 162 Ayssó reputan fort li Juzieu a gran falta.

Contra luy s'enardish cadaüs e s'arufa
 E l'escrida fortmen e l'escarnish e'l trufa;
 165 Trastug son d'un voler e dizo : « Pauc nos preza,
 Quar vitupera Dieu en public e'l mespreza.

1. Cette indication manque ici; nous la rétablissons d'après les autres passages analogues.

Quar filh de Dieu se fa el meteysh o cofessa » ;

168 De luy vituperar la mala gent no's cessa.

Aysso fayt, entre lor engenho et enarto

Que'l menon a Pilat; per que d'aquí se parto

171 E fan l'anar tot las; el mieg de la gran brega

De burs lo fier cascus e l'enpenh e'l punhega.

L'anhel pres e liat per que luenh no demore

174 Al lop malicios han liurat que'l devore.

Li gran clerc de la ley totz los autres enduзо,

E pueysh denan Pilat l'umil senhor acuzo;

177 Contra luy falcetatz e tracios¹ allego

E Dieu, pura vertat e veray lum, renego;

Dizo que trops de mals e gran re de malezas

180 Contra Dieu e la ley ha faytas e comezas.

Pilatz ara l'enquier en una part secreta

E'l Juzieu crido li : « Rey se fa e propheta

183 E gira nostra gent et en apres deveda

Ques al rey hom no do traütage ni redra;

A pauc non ha del tot Galilea conquista :

Aytal secta d'error lunh temps may no fo vista. »

Can Pilatz au qu'el es de la terra [F° 86 v°] d'Erodes

Am si meteys el ditz : « Ges tu jutjar no'l podes. »

189 Tantost aquí meteysh lo remet a son jutje,

Ad Herodes ques el a son plazer lo jutge.

Am gran brug li Juzieu mantenen lo van segre

192 Per so que'l puescan miels acuzar e persegre.

Can li foro denan Jhezu Crist li prezeno

E no'us cal demandar li bacalar si mento;

1. Ms. *tracios*?

- 195 Grans son las falsetatz ques al Senhōr alevo,
 ' De mal que'l puescan far pauc ni pro no'l relevo
 E dizo : « Grans mals fa, Senher, tot jorn e tracha
 198 Per que sera be fag qui leu d'el se despacha. »

- Herodes can lo vic hac trop gran alegransà,
 Quar espera que'l fes alcuna demostransa
 201 De qualque[s] noels faytz e de grans maravilhas.
 Enpero d'ira gran ades ronsec las silhas,
 Quar mentre que l'enquier am gran re de paraulas
 204 Jhezus no li respon ni preza re sas faulas.

- Le reys lo mesprezet, quar enayssi l'escota,
 Don fe son gran esquern la malvaysa gens tota ;
 207 Apres tōt las e cles et am la color falba
 Per far major despieg lo vestiro d'un' alba.

[*Blanc de six lignes.*]

- E coma d'un rey fol cascus de lui se ganha
 210 Et am grans crebacors l'escarnish la compagna.

- Can sadol foron tug de far esquern e dire
 Et antas e despieytz de ganhar e de rire,
 213 Cascus de retornar vas Pilat s'aparelha :
 De mandamen del rey al lop menan l'ovelha :
 E va s'en trabucan per la rauba qu'es longa :
 216 Cascus per tost anar s'esforza quom lo ponga.
Lums de gran resplandor [en lettres rouges ut S^e].

IV

A tercià.

[F° 87 r°] En torn de tercià fo can retornat l'aguero:
 Et adonx li Juzieu trop gran bregua tenguerò.

1. Vers oublié, ajouté au bas de la page.

- 219 E Pilatz comandet, cant auzic la gent fola,
 Que's despuelhe Jhezus e'l vestir¹ hom li tola
 Et al pe d'un pilar hom fermamen l'estaque
 222 E'l bata duramen per tot lo cors e'l maque.

- Cant l'aguero tot nut liat am correns lasses
 Et estreg per las mas per cambas e per brasses²,
 225 Duy bacalar malvat las faudas se regusso
 E'l sieu cors precios bato, feron e truffo,
 [*Blanc de six lignes.*]
 Per flancz e per costatz, per cap e per mayshelas,
 228 Per ancas ysshemens qu'eran blancas e belas.

- Tota la sua carn del sieu cor viratz blava
 Tant descauzidamen cascus lo malmenava;
 231 Et pueys de batre mays cadaüs se perfora
 Tro que li blavayrol sagnero tug per forsa.
 El estay humilmen, sembla que re non senta
 234 Quar no fa mot ni's planh mentre qu'om lo turmenta.

- Cascus es ara las e de batre s'enueja
 Et el corr totz de sanc ayssi menut cum plueja.
 [*Blanc de six lignes.*]
 237 Pueysh d'un pali vermell per esquern lo cobriro;
 Soptamen, cant ayssó li fals Juzieu senti-ro,
 Venguero pres d'aquí per que'l vituperesso
 240 Et am grans crebacors so martire dobblesso.

Al mot humil Senhor las penas son cregudas,
 Quar d'espinas punhens e longas et agudas
 [Fº 87 vº] Lo coronan, lasquals tant calquo et enpenho
 Tro que lains preon pres del cervel atenho.
 [*Blanc de six lignes.*]

1. Ms. *vestirs*.
 2. Ms. *brassas*.

246 E'l sancz que yeysh del test pel cap enjos li ruelha.

Ayssi coma rey fol escridan l'escarnissho
 E ly sshiulan aqui e vilmen l'escupisso
 249 Trop dezondradamen sobre la cara nuda.
 Pueys cascus de genols per esquern lo saluda
 Dizen : « Dieus te sal, reys », per que'l sieu cor esclate
 252 E qu'enayssi cascus ab crebacors lo mate.

L'umil Senhor batut per cap e per esquinas
 Malmenat, escarnit e de punhens espinas
 255 Coronat e portan ceptre de canavera
 [Blanc de sept lignes].
 Han de fôra mostrat a la gen que l'espera,
 Laquals dece que'l vic am dobbla votz l'escrida
 258 Dizen : « Metetz l'en crotz, quar el l'a be merida ».

E'l jutges bon voler mostra de luy defendre
 E'l ditz : « No'l trobi crim per que deja mort prendre ».
 261 Adonx le pobbles fe murmur e brug e brega,
 Acuza'l bon Senhor e so mal cor desplega;
 Liechas¹ donadas son, relaxatz es le layres
 264 Et a morir en crotz es jutjatz le Salvayres.

Prest son li fol sirven, mal, fer, espaventable;
 Gafan l'anhel humil coma lop devorable
 267 E la crotz per portar li cargan ses demora;
 [F^o 88 r^o] *[Blanc de six lignes].*
 Essemis amb dos layros lo trayshero defora;
 Bursan feren son cors, las e cles e mot fible,
 270 Lo menan escarnen am crit e brug horrible.

1. Il manque un vers.

2. Ms. *liechas*; copie du xviii^e s. *hechas*; au bas du ms., main du xviii^e s., *li echas*.

Tant es-pezens la crotz que l'han dessobre meza
 E del veray Senhor tan grans la freoleza
 273 Del mal ques ha suffert la nued denan passada
 Que'l prem los membres totz si qu'en sen la corada,
 Tant qu'en va tranpolan el mieg de la gran torba
 276 E s'enclina le cors e vas terra s'encorba.

La pressura fo grans de la gent deffezayga
 E fero major brug que lunha rabens ayga;
 279 E cridan ayssi fort que sembla quays toneyre;
 La mort del Drechurier son cobeytos de veyre;
 La trompa brugis fort, la crida fortmen uca
 282 Per que venga la gen plena de mala ruca.

La votz de lauzar Dieu Ozanna se reversa,
 La votz dels sieus amix en lagremas s'esmersa;
 285 La votz del filh de Dieu de gran pietat plena
 Que deveda plorar e de l'umil Vergena
 Que sanglotish e's planh am rauca votz ploroza
 288 Aspro so fan e crit am dolor engoysshoza.
Lums de gran resplendor. ut S^a [en lettres rouges].

V

A mieg jorn.

Jhesus¹ cazen levan es al pueg vengutz ara
 On deu suffrir per nos mort cruzel et amara;
 291 La pressura fo grans si que'l macan e'l trussan;
 La rauba que's te fort als costatz li regussan
 Es ostan lay dessus, tiran am grans estrachas.
 294 Las plagas refrescan am grans batemens fachas.

1. La lettre ornée a été enlevée, antérieurement à la copie du ^{xviii}e s.

- Despulhat lo Senhor mot precios e noble,
 [F^o 88 v^o] Totz nutz coma nasquet remas denan lo poble:
 297 Ples fo — semblet lebrós — de blavayrols e bossas
 E de plagas cruzels e menudas e grossas;
 Pero no contrastan estas malas bezonhas
 300 La Mayres ab son velh li cubric las vergonhas.

- La brega de la gent ara creysh en la rota
 E s'enpenh tant quant pot sobre'l Senhor e's bota,
 303 Tot fatigat, elas! Cascus pero ses triga
 Bursan feren de pouhs ades mays lo fatiga;
 Et apres lo sieu cor[s.] ce prendo
 306 E le verso tantost e sus la crotz l'estendo.

- A maniera de pel que s'esten e s'alonga
 Tiran los menbres sieus sercan on hom lo ponga
 309 E fiquo los clavels. E mentre se clavela
 Le bras se ronsa'l cors, e pueys men la pagela.
 D'una part clavelat tiran l'autra per forza
 312 Tro qu'es endrey lo trauc on lo clavels s'amorsa.

- La crotz am lo Senhor clavelat bas en terra
 Dresson e planto la naut lassus en la serra;
 315 Tan gran sortida pren que las plagas s'en uebro,
 [Blanc de six lignes].
 E del sanc propri sieu la crotz e'l cors se cuebro,
 Laquals pren ornamen de luy e ta naut pueja
 318 Et en tal dignitat que'l mon de peccat veja.

- Ay! Crotz, de tan bel frug e noble yest ornada
 Et de mot glorios titol entitolada,
 321 Escriut segon vertat am diversas figuras,
 Quar cel que'l mon creet e totals creaturas

S'es mes aras en te, penden per los sieus brasses

324 Am los nervis romputz e fatigatz e lasses.

[F^o 89 r^o] Tant es le cors desfaytz qu'om pot nombrar los osses ;

Am fortz clavels agutz las mas el[s] pes i a fosses

327 E las juncturas son rotas e desliadas,

Las venas ysshamen rompudas et trencadas;

Per lo gran pes del cors que la mortz fier e tusta

33o Se plegan li genol moren ses cauza justa.

Dos layros han menat, ples de mot gran tristicia;

Jutjat eron a mort, far ne volon justicia.

333 Amduy son mes en crotz, la us pen en la destra,

L'altres ayssi meteysh en l'autra part senestra;

[Blanc de six lignes].

Jhezus es el mieg loc d'aquesta layronalha.

336 On languish e per nos am cor ferven batalha.

Aras la mala gens a gitar lotz's'es vouta

Per la rauba partir ques han al Senhor toda:

339 Cilh que passan d'aqui am paraulas e bufas

S'en ganho li málvat et de Dieu fan lors trufas,

E lor cap secoden desplegan lor sauteri

342 Blapheman lo Senhor e'l dizo vituperi.

Senher, mera bontats, pura misericordia,

Aras fas entre nos e Dieu patz et concordia;

345 Pregas lo que de mal tos enemix deliure

E ta Mayre que mort volria mays que viure

Comandas a Johan, que languish e sospira,

348 Perdonas al layro que vas te se regira.

La mortz es ara pres del Senhor que s'engoysha

Et ditz am nauta votz et am mot gran engoysha :

- 351 « Dieus mieus, Dieus mieus per que, Senher, me dezamparas
 Apres ditz : « Gran set hay » ; vinagre prendon aras,
 Am fel abeuran lo d'aquela mala saba.
 354 « So qu'es prophetizat, ditz Jhezu Crist, s'acaba. »

- [F^o 89 v^o] Dels sieus dobblet le plors e'l dols en crit s'abriva
 E la Mayres semblet mays trop morta que viva.
 357 E ges repazimar no's pot, tant es dolenta.
 Johans de l'autra part se planh e s'esgaymenta
 Et am coral dolor Jhezu Crist planh e plora ;
 360 E'l solelhs s'escurzis del tot en aquel'hora.
Lums de gram (sic) resplandor. Ut S^a.

VI

Ad hora nona. R^a.

- En l'ara de la crotz l'anhels ygnoscons penja
 Et am humilitat d'erguelh ara se venja.
 363 Cofon' sos enemix am sobregran victoria
 Et avansa lo[s] sieus per montar en sa gloria :
 Quar moren nostra mort met al bas e revoca
 366 Et yfern dissaysish am la crotz e'l derroca.

- On plus esta le cors, se ronsa mays e's maca :
 Cel que de tot peccat es mondes e ses taca
 369 Es tacatz e del sanc totz veytz, am color falba :
 La votz s'afrevolish, la lenga torna balba :
 Le cor li falh ades e lo sieu cap enclina
 372 Et adonx se cofish la nostra medicina.

- Solelhs de gran clartat, lunniera de drechura,
 La tua grans beutatz en la crotz es escura ;
 375 Abrazamens d'amor, que noyrish e coforta,

1. Ms. *Confon*, avec *n* exponctué.

Totz es freytz le tieus cors, quar am dolor s'amorta :
Gaugz d'angels e de sans, del mon bonaüransa

378

Qui'l vic et ara ve la sua carn dezerta
De colps, d'escupimens e de bossas cuberta,

381 A penas lo conoysh, quar es la cara tencha
Del sanc cazut del test e d'engoysha destencha ;
Li huelh ne son intrat, si que defalh la vista ;

384 La Mayres qu'ayssso ve pessar podetz si's trista.

Cars Senhers, la dolors que suefres non es pouca,
Quar la mortz lo tieu cors trassin e ponh e trauca,
[F° 90 r°] Si que l'arma del cors pauc et pauc se deslassa ;

La deitats pero cascus de lor abraça ;

Comandas l'esperit, ploran, a Dieu le payre ;

390 Grans es aras le critz dels tieus e de la mayre.

Sobre'l trespasamen la terra se crodola,
Las peyras fendo se e totz le mons tremola ;

393 La cortina tantost del temple s'es fenduda
Et yferns s'es ubertz e la porta rompuda :

Adam qu'estava pres dejos la viala trapa

396 Es per la present mort rezemutz et escapa.

D'ifern romp le romputz las cadenas a trosses ;

Cel ques a ferm lassatz e pes e mas et osses

399 En l'aybre de la crotz e penja per los brasses

Deslassa prozamens e franh d'abis los lasses :

[*Blanc de six lignes.*]

Lo primier fahimen del tot remet e quita ;

402 Mans homs per sa vertut qu'era mortz ressucita.

Can vezo l'escurtat e'l terratremol sento

Marridas son las gens e forment s'espavento ;

1. Strophe trop courte d'un vers.

- 405 E quar d'aquesta mort sabon que mal ne miero,
 Cridan coma raujos e sobre'l pieytz se fiero.
 Testimoni fazen dizon li Juzieu sopte :
 408 « Veramen filh de Dieu aquest era ses dopte. »

- Per los corces ostar de la crotz fan requesta
 Li Juzieu a Pilat per honor de la festa ;
 411 Et agut son autreg fan lor trenquar las cueyshas
 Tro que d'osses e carn foro molas e flueyshas :
 D'aquetz dos malfachors l'execucio facha
 414 Del Senhor drechurier parla cascus e tracha.

- Aras mena gran brug la fola gen testarda

 417 E quar lo sante cors e glorios mort viro
 De las cueyshas trencar li Juzieu se cauziro ;
 [F° 90 v] [*Blanc de six lignes.*]
 La lansa pres Longi jos lo costat lo plaga,
 420 La vista recobret qu'era freols e vaga.

- Per lo trauc del costat gran e fer e salvatge
 Decorr menut le sancz desobre, dous beuratge¹
 423 Et aygua de salut, d'aqui meteysh sobronda
 Que nos deneja totz e nostres peccatz monda ;
 Am lo sanc nos fa sals le Senhor de l'Altisme
 426 Lava'l primier peccat am l'ayga del baptisme.

- Li paren e l'amic engoyshozamen crido,
 Li planch e'l marrimen de noel se resshido,
 429 Com mort viro'l Senhor a tant cruzel martire ;
 La gran tristor cascus de la Mayre cossire,

1. Il manque un vers.

2. Ms. *berauge*, avec un *u* au-dessus de *e-r*.

Cant lo ve lansejat, la dolor li refresca
 432 E la terra, ploran, de lagremas refresca.
Lums de gran resplendor. Ut s^a.

VII

A Vespras. R^a.

Senhor e donas son gran re que Jhezu planho
 E la Mayre planhen e ploran acompanho;
 435 Tug son trist e dolen de la mort ques han vista
 De lor senhor humil tant es la Mayres trista'

 438 Que no's pòt sostener, ans cove que la tengan.

A Pilat es vengutz Josep Arimacia;
 La mort del Salvador tantost li denuncia
 441 De laqual en son cor havia dolor granda;
 Lo cors per sebelir de Jhezu li demanda;
 Pilatz creyre no pot que ta leu sia morta
 444 La persona de Crist segon qu'om li reporta.

Totas vetz el estet doptos d'aquela cauza
 Tro que Centurios aysso meteysh depauza;
 447 Josep per so no sta que lo cors no requiera
 Per onor de la gran festa e mot sobriera;
 Pilat, quar el sab be que mortz es per eveja,
 [F^o 91 r^o] So que Josep requier mot volentiers autreja.

Jozep, Nichodemus al vertuos sacrari
 Nomnat cominalmen Pueg de Monticalvari
 453 Son vengut e tantost de la crotz lo desshendo
[Blanc de six lignes.]
 E donas e senhor en los brasses lo prendo;

1. Il manque un vers.

La Mayres denan totz, clessa de mal e lassa,
 456 Bayzan huelhs, boca, mas, lo cors per mieg abraassa.

Can l'agro descendut d'enguens meravilhozes
 L'an onch et enbasmat, odorans, preciozes,
 459 Per que miels conservar se pueca de corrompre.
 Adonx viratz plorar, tirar cabels e rompre;
 La Mayre sanglontish mentre ques hom l'enbasma
 462 Et en lagremas fon e sobre'l cors s'emblasma.

Mayres de Dieu, le gaug del tieu filh se trasforma,
 Quar en planch et en plor et en dolor se torna,
 465 Cant lo sieu cors desfayt e fos de plagas vezes
 E'ls membres senes sanc et de la carn remezes
 Lo glazi que't promes Symeons de paraula
 468 Per execucio dins lo tieu cor s'entaula.

Can onch et enbasmat hagro lo cors e'ls membres
 Am lagremas e plors aquel prezero cempres
 471 En .j. drap blanc e prim dece l'envelopero,
 E segon lor estilh nobblamen l'adobero,
 Dedins lo monumen nou e fresc' lo mezero
 474 E d'una peyra gran mantenen lo clauzero.

Can la Mayres sarrat vic d'aytal sarradura
 Lo monumen e claus de peyra fort e dura
 477 Et enclaus lo sieu filh dedins una gran roca,
 Tan grans fo la dolors que dins lo cor la toca
 [F° 91 v°] Qu'en terra s'engroyshet e semblet del tot morta:
 480 Mas cascus dels parens l'adertz e la conorta.

Ara foc vespres bas si que le jorns s'enclina
 E no's pot sostener, tan freols e mesquina

- 483 Es la Verges per que las donas la' sosteno
 E debes la ciutat en son hostel la meno.
 E donas e senhor, e paren e parentas,
 486 S'en van am liey essems dolen, trist e dolentas.

- La Verges a l'intran de la ciutat s'erissa,
 Quar noy sab lo sieu gaug, dolor al cor la fissa ;
 489 Orfa pot dir quez es de filh mays bel e nubble
 Que fos ni ja sera restauramens de pobble.
 Et aysso cossiran la dolors es tan granda
 492 Que no's pot refrenar, an creysh mays e s'abranda.

- Cant foc en son hostel crida : « Falsa gen croya,
 Tout m'avetz mon solas, tot mon gaug e ma joya ;
 495 Ay, filhs, no puese trobar lunha re que m'alegre
 Sino que tost muris per so que't pogues segre ;
 Ses te lunh joy non hay, que m'eras amparansa,
 498 Repaus d'arm'e de cors e tota ma speransa. »

- Li paren que son pres, can auzo la Vergena
 Ques am gran marrimen ayssi's planh e's demena,
 501 Degus no'l pot far mot quar engalmen sobrondo
 De tan coral dolor qu'en lagremas se fondo :
 Essems ploran la mort de lor senhor e planho
 504 Fazen aqui lor dol la Verges acompaño.
Lums de gran resplandor. Ut S^a.

De cascu¹ d'aquestz bordos de .xii. sillabas hom
 pot far dos bordos, jaciayssó que duy reprezento .j.
 Et aysso can la una pauza de la .j. bordo s'acorda am
 la pauza del seguen bordo, oz am la fi del verset

1. Ms. las.

2. La correspondance entre les deux rédactions reprend ici :
 G. A., I, 122.

preceden promptda per acordansa. Et adonx le bordos on es la pauza pot esser ditz bordos enpeutatz. Et ayssó meteysh dels bordos de .XI. x. viii. vi. e quatre sillabas, segon que direm enjos plus plenieramen.

[F^o 92 r^o] **Dels bordos principals enpeutatz e biocatx'. Rubrica. R^a.**

Principal bordo, en altra manera dig veray principal, son aquel per losquals hom proseguysh lo compas principal de son dictat, si que no son enpeutat ni biocat. E veus yssemble.

Mon cor se mor,
 Quar per lunh for
 Nudar ni star
 No puesc de far
 Forfaytz e faytz
 Contra Dieu laytz
 Auzen, vezen
 E cossenten
 Trops mals corals
 Ayssi cum fals,
 Per que dece
 Prèc Dieu que'm fe
 Que'm do perdo
 Contra'l layro
 E'l do.

Can ditz *mon cor se mor*, ayssó es us bordos principals de quatre sillabas. Et ayssó appar per l'autre

bordonet seguen que li's donatz per companho, can ditz : *quar per lunh for* ; et enayssi entendatz dels autres seguens.

Enpeutatz bordos es, can la pauza d'alcun bordo es d'acordansa am l'autra pauza del bordo seguen oz am la fi d'aquel meteysh bordo o del preceden per esta manera :

Mant home veg ques als autres defen
 So quez apleg fay tot jorn e cossen,
 Quaysh prezumen quez acabatz homs sia
 Celan sos crims amb aytal maestria ;
 Lag pot estar donx a cel que blasmar
 Vol so don hom lo pot ocaizonar,
 Quar finhs appar qui repren am so vol
 E col.

Pauzar aytals bordos *enpeutatz* en novas rimadas non es vicis, mas en cobblas pot esser vicis de rim¹ *faysshuc* si donx no's fazia scienmen, e per dreyt compas.

Encaras, segon la opinio d'alcus, pot esser *enpeutatz*, pauzat que no vengua en pauza de bordo principal, segon que ayssi vezer podetz :

Et hondratz fort per sa riqueza
 E si'l falh es fatz apelatz,
 Per quant ques haja gran nobleza
 Preza de pretz o de linhatge,

[Fº 92 vº] laqual opinio reproam.

*Biocat*z es aquel bordos qu'om pauza en la fi d'alquon autre bordo, sos assaber aprop lo complinen del prin-

1. Ms. *rin*.

cipal bordo, segon qu'om pot vezer lassus can ditz *el do*, et en autre loc *e col*.

Bordos biocatz pren so nom de *bioc*. E pot esser d'una sillaba o de doas o de tres o de quatre, si donx le principals compas non era de quatre sillabas¹, quar adonx le biocz deu esser menors de quatre.

Biocz de quatre sillabas requier que'l compas principal de cascu bordo sia majors de .vi. sillabas.

Li bordo biocat no devon passar la meytat dels bordos principals.

Bordos biocatz en respieg de son par biocat o de l'acordansa que soen ha amb alcus bordos verays principals pot esser digz principals; et en so que no es entiers de sillabas es non principals.

De las pauzas¹. Rubrica.

Pauza es ponhs suspensius o plas o finals. Et aytals pauza, quals que sia quant à la sentensa, pot estar en cascun loc del bordo, sol que greu separacio en la fi del verset no haja coma *quar*, *per que*, *can*, et ayssi de lors semblans. Pero aytal separacio sufertam per cauza de necessitat, coma de mot trencat, silllabicat, equivoc, accentual, utrissonan, retrogradat, o altra manifesta necessitat.

Enpero la fis de cobla requier pauza plana o final.

Pauza pot esser cossiderada en tant que es preza per una alenada; e d'aquesta entendem ayssi tractar principalmen.

1. Ms. *silbas*.

2. G. A., I. 136 136.

Suspensiva pauza es aquela qu'om fay en lo mieg d'un bordo per far alcuna alenada.

Plana es aquela qu'om fay en la fi d'un bordo per far plus pleniera alenada.

Finals es cela que es en fi de cobla.

Li bordo de quatre, de .vi. e de .viii. sillabas son indiferen, quar en aytal pot hom far pauza qui's vol. Si tug aytal bordo no son continuat de pauzas, non es vici's, qui donc no fazia scienmen e per cert compas per haver plus bela cazensa.

Bordos de .v. sillabas ni de .vii. non ha mestiers de pauza suspensiva. Bordos de .ix. sillabas non ha bela cazensa, per que no li cal pauza. Enpero, en cas qu'om lo volria paular, covenria qu'om fes pauza amb acor — [Fº 93 rº] dansa en la quarta o en la quinta.

Bordos de .x. sillabas vol pauza en la quarta, de .xi. en la quinta, de .xii. en la scyzena.

Pero en totz los bordos principals, de quantas que sillabas sian, can procezisho per acordansas multiplicativas, pot hom far pauza aqui on cay aytals rims multiplicatius.

Pauza plana pot estar en la fi de cascun bordo o de cobla, en cant qu'es preza per plana alenada. E d'ayssó no cal dar yshemple, quar casqus sab qu'es fis de bordo o de cobla.

En outra maniera pot esser entenduda cant a la sentensa, so es cant hom ha pausada alcuna razo que assatz ha bon entendemen e complit, jaciayssó qu'om y pogues may's ajustar, segon qu'om pot ayssi vezer.

Hajas mal, bajas be,
Am los tieus te capte.

Aquesta sentensa es assatz complida, jaciaysso qu'om y puesca ajustar aquestas paraulas :

E ja noy falhiras.

Pauza finals preza per alenada se fay en la fi de cascuna cobla; mas, preza segon sentensa, pot esser plana o finals. Quar cobbla deu haver perfecha sentensa; e tenem la per complida e perfecha per pauza plana o final.

En novas rimadas es pauza finals on que la sentensa sia perfecha. Yshamens pauza suspensiva se pot far en sentensa. Pero d'aquestas pauzas segon sentensa devem tractar enjos pus pleniaramen, can tractem de *coma*, *colum*, e *periyodus*.

En quals locz dels bordos deu hom gardar accen'. Rubrica.

Accen deu hom gardar en la fi dels bordos, de quantas que sillabas sian, quar si la us bordos fenis en accen agut, l'altres qu'es sos parios deu yshamen fenir en agut, o si fenish en greu, aquo meteysh.

En bordos de quatre, de .v., de .vi. ni de .vii. sillabas hom no garda accen, sino en la fi. Enpero can bordos de .iiii. sillabas de .vi. o de .viii. han pauza, adonx aqui on es la pauza garda hom accen, so es agut. E can bordos de .viii. sillabas¹ no recep pauza. deu hom paular en la tersa sillaba accen agut, o greu

1. G. A., I, 136-138.

2. Ms. *sillas*: en note, main du xvii^e s., lisez *sillabas*.

solamen, quar en aquel loc accens lonx .j. petit mal sona, coma :

Si mezura vols en tot cas,
Ja de leu no vendras al bas.

Can ditz *si mezura*, aquel ha accen lonc en la tersa sillaba, so es a [Fº 93 vº] saber en aquel .zu., per que sona mal. E pot hom adobar aquestz bordos per esta manera :

Mezura vuelhas en tot cas
E de leu no venras al bas.

Enpero d'aquest accen gardar en bordo de .viii. sillabas, can no recep pauza suspensiva, son exceptadas novas rimadas, majormen can son longas, jassaiysso que plus neta sia l'obra qui gardar o pot.

Las pauzas suspensivas dels bordos de .ix. sillabas, de .x. et de .xii., devon termenar en accen agut. Estiers l'accent reputariam per fals e per no covenable.

Compas d'accent lonc et agut deu cascus gardar en las cobblas dels dictatz que de sa natura devon haver so, e majormen en coblas singulars, capcaudadas o capcoadas, retrogradadas o doblas, e enayssi de lors semblans.

Dictat que no garda en sas cobblas compas d'accent lonc et agut no pot haver perfieg so ni covenable. E si tant es qu'om de sag li enpauze so, en aquel loc on es la us accens per l'autre, no cay ni passa bel le sos, ans rena per alcuna dezacordansa.

Escuzatios d'accent es preza algunas vetz segon que devem tractar enjos en una figura apelada *erthazis*.

Diffinicions de Rim'. Rubrica.

Rims es certz nombres de sillabas,
 Si d'autre bordonet l'acabas,
 Am divers oz am plazen so
 Engals de sillabas o no,
 Am compas de certa sciensa
 Pauzat et am bela cazensa.

Pero totas las gens que may
 Rim no reputo per veray,
 Si donx am son par en la fi
 No s'ave, per que nos ayssi,
 Quar lor voler aytal vezem,
 Rim per acordansa prendem
 Motas vetz, per miels dar entendre;
 Per que d'ayssó no deu reprendre
 Degus aquesta prezen obra,
 Quar lors abuzios nos sobra.

Rim pot cascus o *rima* dir,
 Si qu'en ayssó non pot falhir.

De las diversas maneras de rim'.

Tug li rim o son *estramp* oz *acordan*, *ordinal* o *diccional*.

Rims *estramps* es digz quar no s'acorda am degu dels autres, ni degus dels autres ab luy en leyal acordansa.

Rims *estramps* ha dos membres, comu e car. Comus es digz, quar las finals sillabas o la majors partz...

1. G. A., I, 140. Cette définition rimée n'existe pas dans l'autre rédaction.

2. Au-dessous *ms*, effacé. G. A., I, 144.

[Lacune de six folios¹. Le texte reprend au f° 100 :]

De l'umil Verges e pura.
 Flors humils, tu nos razona
 Am lo sieu filh liberal
 Que Dieus que·ls peccatz perdona
 Nos done joy eternal
 E dessa vida segura.

A M E N

Las ditas cobblas son capcoadas singulars. Et enayssi las pot hom far capcoadas dobbblas, ternas, quazernas o de mays, o totas acordans. De dobbblas vos donam yssemble, e per aquestas poyretz haver las ternas e las autras.

Dobblas son aquestas :

De mon loc parti joyoza,
 Cavavalgan sus mon rossi,
 Et intrie m'en a Tholoza
 .I. jorn de may gran mati.
 Anc² no fuy descavalgada
 Que·m pres marrimens e plors,
 Quar la ciutat vi torbada
 Per alcus malfazedors
 Don fuy lassa cossiroza.
 Ay! he co fuy engoyshoza
 Del gran trebalh qu'adonx vi
 Per mala gent perilloza
 Negueys qu'eran mon vezi!

1. Cette lacune existait au moment où a été faite la copie moderne ; voici en effet ce que dit le copiste : « N° qu'il manque six [sept barré] feuillets au livre. sçavoir depuis le 94 jusques au 99 inclusivement. »

2. Au bas de la page, main du xviii^e s. : « au lieu de *anc* lisez *ans*. »

Ay lassa, co fuy torbada,
 Cant vi los nobbles senhors
 Ajustar am gran armada
 Per encaussar los trachors
 Et confondre lor malicia.

Dels rims caudatz'.

Caudatz es aquel rims cant duy verset almens o trei al may s'acordo en la fi ses tot meja d'autre bordo principal o biocat de diversa acordansa. E veus yssemplies :

Pecz es qui vol trebalh ses pauza
 E fols qui no garda sa cauza.

Mal pot los autres capdelar
 Qui si meteys no sab gardar.

Bels senhers Dieus, m'arma deffen
 En la mort de mal espaven,
 Quar per te Paradis aten.

Dels rims continuatz'. R'.

Continuatz es can quatre bordo o mays termeno enayssi per una meteysa maniera.

Mayres de Dieu, sus en la mort
 M'aseguratz e'm datz cofort
 E menatz me lasus al port
 Del cel on ha joy e deport.

1. G. A., I, 168.

2. *Ibid.*, 170.

Dels rims encadenatz'. R'.

Encadenatz es can le primiers bordos am lo tiers, e'l segons am lo quart s'acordo en la fi ses bioc per esta manera :

Mant home sabon dir : mandat
 Si de nos vos play lunha res ;
 E pueys diran, si'ls azempratz :
 [F° 100 v°] Volontiers, si far o pogues.

Dels rims crozatz'. Rubrica. R'.

Crozatz es can le primiers bordos am lo quart e'l segons ab lo ters s'acordo en la fi ses bioc enayssi ;

Qui vol ganhar dels autrus faytz e rire
 Sos falhimens enans pessar deuria,
 Quar tan grans es de cascu la folia
 Que si dizetz aytant o mays puesc dire.

Dels rims multiplicatius liqua son dig en altra manera tonbarel o enpeutat'.

Multiplicatius es cant en lo mieg d'u o de motz versetz principals es fayta acordansa.

Inpropriamen son dig aytal rim per alqus tombarel.

1. G. A., I, 170.

1. *Ibid.*, 170.

3. *Ibid.*, 172.

Pero enpeutat podon esser dig, quar procezisho per
versetz enpeutatz en esta manera :

A tort han mort a cruzel mort
Mon port conort e mon cofort.

Lo mon veg maladreg e destreg,
Quar apleg franh hom dreg per naleg.

Qui vezer e tener vol lo ver de saber
Per dever deu haver am plazer bon esper.

Deziros cossiros e ploros yeu seria
Si donx vos dona pros cors joyos no vezia.

Dels rims serpentis'. Rubrica.

Serpentis es cant es fayta acordansa de sillaba en sillaba d'un bordo ad autre, lequals ha mays de difficultat que de utilitat e fay se enayssi.

Vos, Dieus, clartatz clara
Los mieus gardatz ara.

Dels rims biocatz'. Rubrica.

Rims *biocatz* es digz de *bioc*, e per so on que sia biocz o bordos biocatz, aqui es rims biocatz, segon qu'om pot ayssi vezer.

Huey fin' amors no reuha pauc ni pro
Si be casqus ditz qu'amo leyalmen
E men :

1. G. A., I, 172.

2. *Ibid.*, 172.

Quar hom que vol per amar gazardo
 O plazer va fin' amors soptamen
 Fug s'en,
 Si que lunh temps amb aytal no's restanca;
 E quar non pot trobar voluntat franca
 Es ranca.

E men, fug s'en, es ranca son bioc.

Dels rims desguizatz'.

Desguizatz es cant per altra manera es pauzatz et ordenatz si no per las manieras dichas. E per so a nom desguizat, quar dels autres se desguiza e's varia per mostrar noela siza. E pauzam vo'n aleus yshemples, quar greus cauza seria e difficils pauzar tot lo desguizamen qu'om pot far.

[F° 101 r°] Can be'm soy cossiratz,
 Veg que la voluntatz
 Sobra'l sen et aterra,
 Quar tant es naut pujatz
 Fraus, engans e baratz,
 Que bontats n'es a terra;
 Be'm par ques aquel erra
 Qui'l mal conoysh e'l be
 E'l sordeg se rete.
 Quar cel ques al voler
 Sosmet dreg e dever
 Dezampara dece
 La drecha per l'esquerra.

O enayssi :

Mayres de Dieu glorioza,
Verges humils gracioza,
Digna de totas lauzors,
Regina bonazurada,
Vas lo tieu filh avocada
Siatz per nos peccadors.

O enayssi :

Clartatz del mon luminoza,
Fontayna delicioza,
E mana mot saboroza,
Digna de totas lauzors,
Mayres de Dieu et espoza
Verges humils, gracioza,
E de totz bes abondoza
Pregatz per nos peccadors.

O enayssi :

Mayres de Dieu et espoza,
Fontayna delicioza,
E de totz bes abondoza,
Digna de totas lauzors,
Regina del cel honrada,
De joy e gang coronada,
Vuelhatz esser avocada
De totz fizels peccadors.

De rim espars, en altra manera dig brut'.

Rims *espars* es cant per acordansa no se dobla en alcuna cobla. Et en ayssi cant alcuna cobla conte alqus

bordos acordans et .j. o dos o mays no acordans; aytal verset no acordan son dig espars o brut. E veus ysshemple :

Aycela mon cor dezira
 Que tant pot e sap valer
 Que'l dezirier e'l voler
 De totz naturalmen tira,
 Paubre ni ric no sofana.
 Tant es liberals e franca
 Et am degu no's restanca,
 Si de liey non a gran cura.

Li duy verset *paubre ni ric no sofana*, e l'autres *si de liey non a gran cura* non han acordansa entre lor ni am degu dels autres, per que son dig rim espars o brut.

Alqu dizo que li rim que son pauzat en alcuna cobla esparsa, jaciayso que hajan acordansas finals podon esser dig [Fº 101 vº] ishamens espars o brut, pusque la cobla es esparsa. La qual opinio nos no reputam per vertadiera; quar no se sec que si la cobla es esparsa que li rim sian espars, ni pel contrari : quar las razos son diversas. Quar rims espars o brutz ha respieg a las acordansas; quar cove que en alcuna cobla sian alcun verset acordan et .j. o .ij. o mays dezacordan. Et enayssi li no acordan son dig espars o brut, haven respieg als autres acordans; quar si tug eran ses acort, adonx no serian espars ni brut, ans serian estramp. E cobla esparsa ha respieg a l'unitat de si meteysha, quar tostemps vol esser sola, e per so ha nom esparsa, so es a dire que non ha par o pariona. Quar si havia par o pariona, no seria esparsa.

E ges per so no entendem dire que cobla esparsa e

novas rimadas no puescan haver rim espars o brut, si lor compas o requier.

De retrogradacio¹. Rubrica. R.

Retrogradacios es retornamens d'acordansas o de bordos o de dictios, e, qui trop laguiar se vol, de sillabas et de letras : d'acordansas ha respieg a doas cobblas e li altre ad una oz a mens.

De rims retrogradatz per acordansas¹. Rubrica.

Si corl solelhs si meteys abandona
Et am temps clar espan son benefici,
Tot atressi, dona, vostre pretz dona
Valor a cels qu'estan ses mortal vici.
Quar de totz bes etz escrihns et armaris,
Miralhs e lums, per qu'ieu, dona, m'acori.
En vous² servir, quar laus havetz notori
E de bos ayps etz verays yshemplaris.

Vergiers d'amors e vertuos sacraris,
(Als fis aymans donatz tal ajutori
Que no lor notz tempesta ni contraris;
Per qu'ieu de vos amar norm dezacori,
Quar de vertutz conquistetz la corona,
Don pueys bastitz .j. reyal artifici,

1. G. A., I, 176.

2. *Ibid.*, 176.

3. *Sic* ms.

Can venc en vos Cel que fe'l sacrifici
Si que'ls peccatz dels penedens perdona.

Per so non es que li dig rim no sian retrogradat¹
per acordansas, si be no son retornat de dreg en
dreg, quar aysso fa far l'encadenamens e'l crozamens.
E veus yshemple de rims retrogradatz per acordansas
de dreg en dreg e ses biaysh.

Mentre per una ribiera²
Sols anava deportan,
Vi de lonh una [F^o 102 r^o] porquiera
.I. tropel de porcz gardan.
Mantenen per una rega
Aniey vas liey d'un guarag ;
Et hac son cors fer e lag,
Esur e negre cum pegua ;
Grossa fo coma tonela
Et hac cascuna mancla
Tan gran que semblet Engleza ;
Yeu que la vi malsabeza
Cazec me tota la brassa.
Ela stec coma fadassa
Et yeu dishi'l : « Na Corteza,
Bela res e gent apreza,
Diguatz me si n'etz piuzela. »
En est mieg jos la gonela
Se grata formen e bregua
Lo sieu corceguas mal fag.
Si'l pans no fos del guannag
Paregra'l tota la plega ;
Et respondet entertan

1. Ms. *retroguadat*.

2. G. A., I. 179, texte plus complet, *ibid.*, p. 256.

Am boaral vòtz grociera :

« Hom, per quem vas ennuian ?

Sec, de par Dieu, ta carriera. »

Dels rims retrogradatz per bordos¹. Rubrica.

*Retrogradatz es per bordos can li bordo ses biaysh se
podo retornar amb aquelas meleyshas acordansas e sen-
tensa que havian² en lo primier ordre enayssi.*

Mayres de Dieu, flors e fons gracioza,
Lassus el cel datz nos joy gracios ;
Per vostr'amor Dieus, le reys glorios,
De vos far volc sa mayre glorioza.
Pres eram tug en greu mort ez amara
Dins los yfèrns per l'enemic amar ;
Restaurat³ em per lo vostre filh car
Am cruzel mort qu'en sufric, Verges cara

Retorna los per esta manera.

Am cruzel mort qu'en sufric, Verges cara.
Restaurat em per lo vostre filh car ;
Dins los ifèrns, per l'enemic amar
Pres eram tug en greu mort ez amara ;
Per nostr'amor Dieus, le reys glorios,
De vos far volc sa mayre glorioza ;
Lassus els cels datz nos joy gracios.
Mayres de Dieu, flors e fons gracioza.

1. G. A. I., p. 180.

2. Ms. *haviian*, avec le deuxième *i* exponctué.

3. On lit plutôt *restaurar*, mais plus bas on lit bien *restaurat*.

**Dels rims retrogradatz per dictios,
per sillabas e per letra¹. Rubrica.**

Retrogradatz es per dictios can cascus bordos singularmen (*sic*) se pot retornar per dictios, remanens aquela meteysha acordanssa e sentensa, oz amb outra acordansa o ses acordansa oz am contraria sentensa oz amb outra, sol que bona sia.

Qui vol far retrogradacio de dictios deu sercar motz aptes a retrogradar. E no [F^o 102 v^o] deu separar l'abitut de son casual, quar tot essems representa .I. mot, ni la prepozicion, ni'l sobrenom del propri nom.

Alqu pronom son et algunas conjunctios e prepozicions et interjectios que no's podon ni's devon retrogradar, quar lor natura hy contrasta et soven² la manera de parlar acostumat. Et aysso mostram vos per yshemples.

Vengutz es le Senhor d'amon
Salutz grans portar en lo mon ;
Los sieus de mal vol restaurar,
Dieus verays³ et homs es ses par :
Azorem luy nos tug essems,
Lauzem lo nom de Dieu tostemps.

Et veus la retrogradacio d'aquestz amb aquela meteysha sentensa.

1. G. A., I, 180.

2. Ms. *souuen*, avec le premier u exponctué.

3. Ms. *Veriays*, avec i exponctué.

D'amon le Senhor es vengutz
 En lo mon portar grans salutz ;
 Restaurar vol de mal los sieus ;
 Ses par es homs e verays Dieus ;
 Essenis tug nos luy azorem,
 Tostemps lo nom de Dieu lauzem.

Veus autres yshemples.

La pros vol lauzor no guazanh,
 De vos no de mi se complanh.

Veus la retrogradatios d'aquestz dos bordonetz am
 contraria sentensa.

Guazanh no lauzor vol la pros,
 Complanh se de mi no de vos.

Ayssi meteysh qu'os retrogrado tug li dit verset per
 orde singularmen del comensamen vas la fi, los po-
 detz retrogradar de la fi vas lo comensamen. Et adonx
 no tan solamen es retrogradacios de dictios, ans es de
 bordos.

Qui laguiar se vol e son temps despendre per sillabas
 e per letras pot retrogradar per sillabas, coma *savisa*,
lafala, *papa*, *regire*, *remire*, *retrayre*, *repayre*, *repare*,
regare, *ania*.

Per letras coma *vau*, *sas*, *tol*, *ama*, *ara*, *ala*, *aya*, et
 en ayssi de lors semblans. Et aquestas reteno en lor
 retrogradatio lor nom e lor significat.

Autras dictios pot hom trobar que en lor retrogra-
 datio o per letras o per sillabas mudo lor nom e han
 autre significat : per letras, coma *amar*, *amor*, *pec*, *loc*,
tol, *ira*, *lop*, *rim*, *ros*, *ram*, *nom*, *aur* ; per sillabas, coma
anguila, *cava*, *braca*.

Encaras en una dictio se pot far retrogradacios de letras e de sillabas, coma *guaya, ramier, trava, cava*.

[F^o 103, r^o] En retrogradacio de sillabas o de letras es algunas vetz us meteysh motz en lo retornamen. Et adonx li rim son dig retrogradat per sillabas o per letras, salvas las dictios. Et algunas vetz son divers; et adonx son dig rim retrogradat per sillabas o per letras mudadas las dictios.

Aytals retrogradatios de sillabas o de letras aporta mayes de dificultat que de utilitat; quar en aytals dictatz trop estreitz hom no pot trobar bona sentensa, ni agradabla, quar retrogradacios en romans es trop plus greu quez en lati.

Dels rims reforsatz'.

Reforsatz est can II o III bordos o mayes contenens en lo mieg alcu acortz de versetz enpeutatz hom multiplica en major nombre de bordos o merma, mudan lo primier compas per creyshemen o per mermamen per esta manera.

Lo mon veg cazut fort en greu port e destreg,
 Quar a pleg vol descort, e far tort contra dreg
 Per naleg.

Lo mon veg cazug fort en greu port
 E destreg, quar a pleg, vol descort
 E far tort contra dreg per naleg.

Lo mon veg cazut fort
 En greu port et destreg,
 Quar a pleg vol descort

E far tort contra dreg
Per naleg.

Ayssi meteysh quo son multiplicat procezen del comensamen vas la fi se podon inermar procezen d'ayssi vas le comensamen.

Dels rims dictionals¹.

Li rim *dictional* preno lo nom de dictio, quar han respieg ad una o motas dictios. Et aquest rims ha motas e diversas manieras de rims jos si, so's assaber rim *derivatiu*, en altra maniera dig *maridat*, o *entretzag*, e rim *equivoc*, *accentual*, *utrisonan*, *trenca*, e *silabical*.

Del rims derivatiu².

Derivatiu es can le motz finals del bordo se pren e's dishen d'un autre mot final per creyshemen. Et ayssó se pot far per diversas manieras; e veus yshenples de la primiera maniera.

Joves ni vielhs, si cossires [F^o 103 v^o] la mort,
(Mas la paors d'aquela sembla morta)
No volgra tant cobezejar lo port
De vanetat, que te clauza la porta
De Paradis, ans fugira barat
Que finalmen cel que l'acuelh barata;
E fera³ be de so que Dieus l'a dat,
Quar de sa fi degus no sap la data.

1. G. A., I. 184.

2. *Ibid.*

3. On pourrait lire aussi *sera*; mais il semble que la lecture *fera* soit plus sûre.

Veus autre ishemple.

En vos hai mes, pros dona, mon atur,
 Tan que mon cor en outra no s'atura :
 Per qu'ieu vos prec vas mi no siatz dura,
 Quar en amar no m'atrobaretz dur ;
 Quar seguit m'a formen et a gran pas
 Vostra beutatz que tolas autras passa
 Tro que del tot m'a fayt cazer al las
 De vostr' amor que m te pres e m'enlassa.

Ayssi havetz *atur*, *atura* et enayssi *atura* ven de *atur* per creyshemen de *a* ; apres havetz *dura* e *dur* et enayssi *dur* ve de *dura* per mermamen de *a* ; apres havetz *pas* e *passa* et enayssi *passa* ve de *pas* per creyshemen d'esta sillaba *sa*, et enayssi entendatz dels autres. Veus yshemple de la segonda maniera.

Mayres de Dieu, pregua to filh humil
 Que m vuelha dar, si'l platz, humilitat
 Per miels tener lo dreyt sentier util
 Que mena'ls bos al port d'utilitat.

Li rim sobredig *derivatiu* de la primera e d'esta segonda maniera significo quays una cauza ; quar autres rims havem *derivatiu*s significans divefsas causas, coma *quaysh*, *quaysha* ; *fron*, *fronda* ; *ros* plenissonan, *rossa* ; *mar*, *Maria* ; *ver*, *verdeja* ; *mur*, *murmura* ; e mesclar aquestz am los autres, si doux no's fazia per compas, vicis es. Adjectios aytals rims no red vicios, coma *port*, *aporta* ; *long*, *alonga* ; *bras*, *abrassa* ; *foc*, *afoga* ; *mers*, *esmersa* ; *jone*, *enjonca* ; *luenh*, *aluenha* : et enayssi de trops autres.

Compozitios red vicios aytals rims, coma *las*, *des-*

lassa ; *glas*, *desglassa* ; *plom*, *desplomba* ; *ram*, *desrama* ; *enrama* seria ben dig, quar aqui es adjectios, mas en *desrama* es compositiós que fa vici, si donx no's fasia scienmen e per dreg compas ; e veus la tersa manera.

Alcunas vets se fan rim [F° 104 r°] derivatiu per altra manera de vocables, coma *pregans*, *prega* ; *alegrans*, *alegra* ; *amans*, *ama* ; *cantans*, *canta* ; *rizens*, *ri* ; *vezens*, *ve* ; *legens*, *lieg* ; *regens*, *reg* ; *capdels*, *capdela*¹ ; *ramels*, *ramela* ; *martels*, *martela* ; *arest*, *aresta* ; et amb aytals yshamen se podon mesclar compost per adjectio, quar significo quays una cauza, coma *trobayres*, *atroba* ; *ordenayres*, *adordena* ; *profichans*, *aproficha* ; *vedans*, *deveda* ; *mostrans*, *demostra*.

Rims derivatiu de la primera manera² mesclatz am los autres de la segonda o d'esta tersa manera, ni rims derivatiu significans diversas causas ni compostz significans causas contrarias mesclatz amb aquels que significo quays una cauza no prendem, sidonx no's fasia scienmen e per dreg compas coma : *conoyshens*, *desconoyshensa* ; *ama*, *dezama* ; *fassa*, *desfassa* ; *acorda*, *dezacorda*.

La primera manera, segon la opinio d'alqus, pot esser dicha derivativa, la segonda maridada, la tersa entretracha. Enpero en qualque manera aytal rim sian nominat, tug podon esser dig derivatiu, quar enayssi cum le riu deshen de la font, enayssi la us d'aquels deshen de l'autre per creyshemen o per mermamen.

1. Ecrit d'abord *cadels*, *cadela*.

2. Maniera répété et exponible.

Dels rims equivocz¹. Rubrica.

Equivocz es un meteys motz
 Engals e d'accens et de votz
 Que divers significatz pauza,
 Segon que par en esta pauza.
 Trenta sols et plus me costa
 Le rompemens de ma costa
 Que l'autre jorn prezi costa
 La forest qu'es en la costa.

Rim *equivoc contrafag* son aycel que no son veray
 equivoc e quar en diversas manieras se podon contra-
 far, per so vos dam ayssi divers yshemples.

Hom que labor de re mena
 M'apar fols [e]² no remena
 Lo blat que leumen semena,
 Quar amb aquel gen se mena.
 Guardem nostras lotjas qu'oms
 Dins non intre si nos coms.

Tres planetas veg e l'una
 Quaysh resplan ayssi cum luna
 E l'autra fa senhal d'aura³;
 La tersa per semblan daura

1. G. A., I, 188.

2. E est dans la copie, mais non dans le ms. où il a disparu par suite du rognage. Une main récente (xvii^e s. environ) a ajouté *si*; elle a ajouté aussi un *a* à *remena*.

3. Le vers suivant ayant été oublié a été ajouté en marge, mais il a été rogné par le couteau du relieur. On lit *la tersa semblar daura*; devant *semblar* une main récente a ajouté *per*. Nous rétablissons le texte d'après l'édition Gatién-Arnoult, I, 192. Plus bas notre ms. donne *tolz l'ayre*.

Et ellumina tot l'ayre,
Per qu'es desplaens a layre.

Qui Rhethorica demostra
Ses bo mot pauc val la mostra,
[Fº 104 vº] Per que cel fa bona troba
Qui bos motz e bels atroba.

Tug li rim propdanamen pauzat son equivoc contra-
fag. E li seguen son tan divers que no son ni veray
equivoc ni contrafach. Quar alcu d'aquels son de motz
accentuals entiers o trencatz o utrisonans, liqua, en
la maniera que son pauzat, no fan bon'acordansa; et
alqu de motz tornatz, per que son vicios, segon que
par en aquestz yshemples.

Las donas qu'ieu say tres so
Que mentre lor cap tresso
Lassus naut pres d'un canto
Per q'om las auja canto.

Qui no m'agues gilat fora,
Mos afars deliures fora;
Pero cascus pauc me preza,
Quar yeu soy de pauca preza.

Ades hay paor de mal
Quar lonc temps hay suffert mal.
Sol qu'ieu en Paradis fos,
Quis volgues avesques fos.

A l'ombra, dejos tres aybres,
Mos cavals se levec d'aybres;
E'l garsos, entre dos aybres,
Denan, cum fols, estet d'aybres.

Adonx tal colp d'una costa
De caul li diey sus la costa
Que de l'arc rompec la costa.

La cara veg que flameja
 D'ira cum fox can flameja ;
 Quar ades can fuy al cap
 Del pon hom me dec sul cap ;
 Pueys a l'ostal de la cara
 Urtiey quez a bela cara.

Li mot apocopat coma *sal*, fan bona equivocacio.
 Aspiracios coma *hora ora*, *han* et *an* no tol equivocacio.
 Ayta pauc diversitatx de letras mas que hajan .i.
 meteys so, coma *cap* e *gab*, *quar* e *car*.

Dels rims accentuals¹.

Accentual son can, mudat l'accent, se muda le significatz de la dictio, remanens aquelas meteyshas letras qu'eran denan que l'accens se mudes per esta guiza.

La rictat no pretz .j. boto
 D'aycels qu'am frau lor aver boto,
 Don creysho may que li broto
 No fan en may can li fuelh broto.

Aquest rim accentual son dig unisonan a differensa d'alqus autres accentuals liqua son dig dissonan, coma *aura*, *aura*, *capela*, *capela*.

Dels rims utrissonans¹. R.

Utrissonans es can le sos de la vocal se muda de plenissonan en semissonan o pel con [Fº 105 rº] trari, e per consequen le significatz per esta manera :

1. G. A., I, 196.

2. *Ibid.*

Sias tempratz e gent apres,
 Si fas de compas et de pes,
 Tas obras remanran en pes.

Dels rims trencatz'.

Rims trencatz e sillabocats pot hom haver per los yshemples lassus pauzatz, cam' tractem del[s] molz trencatz e sillabocats, e per los yshemples que son en jos de cobla trencada e sillabcada.

Vist avetz de rims et veus de novas rimadas.

De novas rimadas. R'.

Tres manieras principals havem de novas rimadas : *annexas, parionas, comunas*. *Annexas* can las razos, materias o themas terminen en nombre non par de bordos, segon que appar per los yshemples pauzatz lassus de quatre, de .v. e de .viii. sillabas.

Parionas can las razos, materias o themas fenisho en paritat de bordos parios per acordanssas. Et aysso appar per los yshemples lassus pauzatz dels bordos de .vi. de .vii. e de .xi. sillabas.

Comunas cant en partida son annexas et en partida parionas e d'aquesta manera uzec Nat de Mons. *Comunas* devon esser nommadas jaciaysso que la major partz sia annexa,

Annexas preudo acabamen en nombre par o non par

1. G. A., I, 196.

2. Sic ms.

3. G. A., I, 138.

de bordos; e'l derriars versetz pot esser byocatz o no.

Parionas o comunas volon acabamen per nombre par de versetz; e'l derriars bordonetz pot esser byocatz o no.

Novas rimadas parionas, can procezisho en alcus locz am byocz, podon termenar en dos bordos d'un acort, la .j. entier, e l'autre biocat; oz en dos entiers d'un acort e'l ters byocat d'aquel meteys acort. Et enayssi son trey rim al mays acordan am lo byoc, jaciayssó que'l principals compas procezisca de .ii. en dos bordos d'un acort, o per altra manera.

Novas rimadas annexas procezens en alcus locz am byocz podon termenar en dos bordos d'un acort, la .j. entier et l'autre biocat, oz en dos entiers d'un acort e'l ters bi [F^o 105 v^o] ocat d'aquel meteys acort. Et per so quar son annexas, le seguens bordos pot esser d'aquel meteys acort. Et enayssi son quatre bordonet d'un acort, cant que le compas principals procezisca per altra manera. En aytals novas rimadas pot hom pauzar .j. byoc solamen, mas que'l seguens versetz de l'annexamen li responda per acordansa.

Principals dizem, quar enayssi quo hom pot far una cobbla cruzada continuada o encadenada o per altra manera, ayssi meteys pot hom far novas rimadas qui's vol.

La quarta manera pot esser dicha desguizada, cant no sec la regla de las autras dessus ditas, coma quan laüs bordos es de .viii. sillabas e'l seguens de quatre, o laüs de .vi. e'l seguens de .v. o pel contrari, o per altra manera solamen ques haja bela cazensa.

Non es vicis pauzar en novas rimadas quatre, vi o mays bordos termenans en accen greu solamen o en accen agut ad una ma (*sic*) canque de pueys aysso n'os continue. En autres dictatz que deguesson haver so seria vicis.

En novas rimadas no deu hom retornar las acordansas finals¹ e mens ades mot tornat, si donx .xx. bordo de diversas acordansas finals no eran en lo miey, ni .i. meteys bordo, si cent bordo no eran en lo mieg.

Pauza, tornada ni mot pezan regularmen no reputam a vici en novàs rimadas ni rim fayshuc.

Qui no continua lo compas dels bordos primieramen pres cant a sillabas e a rims vicis es, coma qui comensa dictat de novas rimadas per bordos caudatz o de .viii. sillabas e pueysh procezish per bordos² crozats o encadenat[z] o de .vi. sillabas, si donx aysso no fazia scienmen per compas de .i., dos o de mays capitols d'unas meteyslas novas rimadas.


Rims tornats, bordos e mots tornats, variemens de compas, de sillabas e de rims en novas rimadas son escuzat en cas de necessitat coma [F^o 106 r^o] per entrepozicio d'alquien dictat per cauza d'isemple o per altra maniera aqui puzat.

De cobbla. R³.

Cobbla vol dir ajustamen,
Quar al mens viii bastos compren

1. *Hom retornar las acordas (sic)* exponctué.
2. Ms. *bodos*, avec *r* récente.
3. G. A., I, 198.

Et al mays xii, si'l bordo
 D'ueg o de mens sillabas so ;
 E soen am v versetz passa
 Et al plus naut xvi n'abrassa,
 Si al mens d'ueg sillabas veno,
 Coma vii o mens e reteno ;
 Liqual essem fan una cauza
 Que sen complit e perlieg pausa.
 Cobbla de qualque moyzo sia
 Soen am si d'autres ne lia,
 Liqual son coma bioc mes
 De quatre sillabas o tres
 O mens ; enpero si'l compas
 Mays principals fa son amas
 De quatre sillabas ses plus,
 Adons plus breus sia cascus
 Dels autres ajustats a lor.
 Li verset biocat menor
 No sian tan multiplicat



1. Ce schéma est fait à l'encre rouge, sauf les premiers traits correspondants à *cobbla* (6 à gauche, 4 grands et 2 petits ; 3 à droite, 2 grands et 1 petit) ; ceux-ci sont à l'encre noire.

Que puescan passar la meytat
 De lors principals bordonetz.
 Al mens dansa vol tres versetz
 En son respos e v al may
 E la tornada que l'atray
 E soen ab alguns biocz.
 En dansa per los autres locz
 Tro v bordos cobbla se merma
 Et al may sobre nou se ferma;
 E degus d'aquels no s'avansa
 Otra vin sillabas en dansa;
 Us solz biocz o quan se dobbla
 Ses plus cay miels en fi de cobbla;
 Trop atrobam plus breus pagelas
 En redondels e viandelas,
 Si be d'aquestas no curam
 Car cert compas noy atrobam.

Cobbla deu segre son compas, o sia menors, coma de vii sillabas o de mens, o majors, coma de viii sillabas o de mays¹. E si rete paritat o quaysh de cascu, deu segre lo mejancier. Et aysso entendetz dels bordos principals, quar otra aquestz pot hom en aytal cobbla pauzar bordos byocatz per la manera dessus dicha. Compas mejanciers dona segurtat de trop long e trop breu.

Motas cobblas² havem que preno lor voz dels rims coma de rim crozat cobbla cruzada, de encadenat encadenada, et enayssi dels autres. Una meteysha cobbla, segon diverses respieytz, ha diverses³ noms, quar una me [F^o 106 v^o] teysha cobbla pot e-ser cruzada, retro-

1. La ligne suivante est expunctuée : *lors coma de x sillabas o de mays*

2. G. A., l. 204.

3. *Respieytz* expunctué.

gradada, esparsa, methaforada et enayssi de las autras propietatz.

Per i o dos versetz derriers dessemblanz als autres precedens cobbla no perd so nom ; et aysso sostenem majormen per far bona concluzio, quar si tota una cobblà es retrogradada per dictios o es utrissonans' accentuals, serpentina, replicativa, crozada, continuada oz encadenada, et en la fi havia un bordo o dos que no seguisso lo forma de la cobbla comensada, ges per so aytals cobbla no perd so nom, ni la reputam per vicioza, jaciayssó que plus bela sia can per una meteysa manera e forma es continuada, en cas que de sa natura continuar se pueca.

Garde se cascus que la manera e'l compas del dictat ques haura commensat vuelha continuar ; quar estiers seria vicis. Enpero en tot dictat pot hom la derriera cobbla o la meylat d'aquela o quays variar, retengut lo principal compas.

En dictat no principal pot hom variar la cobbla primera per cauza de respondre e la derriera per cauza de lauzor a manera de hymne ses variar lo compas.

De las diversas maneras de cobblas¹.

Totas la coblas de lasquals havem conoyshensa o son estrampas, acordans, ordinals, dictionals, parsonieras o sentencials. Et aquestas algunas vetz am los yshemples pauzatz lassus en rims et algunas vez amb autres vos declaram.

1. *Cobbla* est presque toujours écrit dans les rubriques avec un seul *b* ; mais un autre *b* a été ajouté d'une main qui paraît plus récente.

De cobblas estrampas. R'.

Estrampa es dicha quar las dictios finals non han lunha acordansa. Doas manieras de cobblas estrampas havem, cara e comuna, ayssi quo havem dos rims estramps car e comu; e d'aquels preno lor nom. E so qu'es dig aqui de rims pot hom ayssi entendre.

Cobbla estrampa cara¹.

Pres et enclaus estau dedins i celcle
 On me destrenh osses, nervis e cambas
 Amors e pueys, fa m'aysi batre'ls polses
 Cum li martel can fero sus l'enclurge (*sic*)
 Si qu'ieu² languisc quo si'm tenia febres;
 Esbaytz soy, vejaire m'es que somi.

[F° 107 deest.]

[F° 108 r°.]

Cobla crotzencadenada. R'.

Fraus vol barat, engans l'acaba,
 Eveja cor et ha dol gran
 Dels autrus faytz e gaug del dan;
 Cobeytatz pren, tol e mescaba;
 Fraus, engans, cobeytatz, enveja

1. G. A., I, 206.

2. *Ibid.*, 208.

3. Ms *qu*, avec signe d'abréviation au-dessus de *q* : lire *q'eu*?

4. G. A., I, 240.

Tant s'espan huey per tot lo mon
 Ques hom no fay re que far deja
 Quar lors erros (*sic*) tot o cofon.

O enayssi :

Fraus, engans, cobeytatz, enveja
 Tant s'espan huey per tot lo mon
 Ques hom no fa re que far deja
 Quar lors errors tot' o cofon.
 Fraus vol barat, engans l'acaba,
 Eveja corr et ha dol gran
 Dels autrus bes e gaug del dan ;
 Cobeytatz pren tol e mescaba.

Cobla crotzcaudada. R'.

Tant s'espan huey per tot lo mon
 Fraus, engans, cobeytatz, eveja,
 Ques hom no fa re que far deja,
 Car lors errors tot ho³ cofon ;
 Fraus vol barat, engans l'acaba,
 Cobeytatz pren, tol e mescaba ;
 Eveja corr et ha dol gran
 Dels autrus bes e gaug del dan.

O enayssi :

Cobeytatz pren, tol e mescaba,
 Fraus vol barat, engans l'acaba,
 Eveja corr et ha dol gran
 Dels autrus bes e gaug del dan.

1. S ajoutée après coup, et d'une écriture plus récente.

2. G. A., I, 242.

3. H ajoutée d'une main postérieure.

Tant s'espan huey per tot lo mōn
 Fraus, engans, cobeytatz, eveja
 Ques hom no fa re que far deja
 Quar lors errors¹ tot o cofon.

O enayssi :

Eveja corr et ha dol gran
 Dels autrus bes e gaug del dan ;
 Tant s'espan huey per tot lo mon
 Fraus, engans, cobeytatz, eveja,
 Ques hom no fa re que far deja
 Quar lors errors tot ho² cofon ;
 Cobeytatz pren, tol e mescaba,
 Fraus vol barat, engans l'acaba.

O enayssi :

Qui so que ditz als autres et essenha
 No vol mostrar pes veray yshenplari
 Ans mays que may tot jorn fa lo contrari
 Al potz d'ifern s'arma³ crezi qu'enpenha ;
 Quar el meteys se dampna per sa votz ;
 Sembla senhal de cami fayt en crotz
 Quez als doptos dona leyal ensenha
 E no va lay on mostra ques hom tenha,
 O quo'l cedas, que mentre qu'un pauc sona,
 Rete lo bren e la farina dona.

Cobbla cadenacaudada. R⁴.

[F^o 108 v^o] Fraus, engans, cobeytatz, eveja
 Tant s'espan huey per tot lo mon

1. Ms. *erros*.
2. *H* ajoutée d'une main postérieure.
3. Ms. *Sama*; *r* écrit au-dessus.
4. G. A., I, 244.

Ques hom no fa re fi' far deja
 Quar lors errors tot ho cofon ;
 Fraus vol barat, engans l'acaba,
 Cobeytatz pren, tol e mescaba,
 Eveja corr et ha dol gran
 Dels autrus bes e gaug del dan.

O enayssi :

Fraus vol barat, engans l'acaba,
 Cobeytat[z] pren, tol e mescaba,
 Eveja corr et ha dol gran
 Dels autrus bes e gaug del dan ;
 Fraus, engans, cobeytatz, eveja
 Tant s'espan huey per tot lo mon
 Ques hom no fa re que far deja,
 Que lors errors tot ho cofo[n].

O enayssi :

Eveja corr et ha dol gran
 Dels autrus bes e gaug del dan ;
 Fraus, engans, cobeytatz, eveja
 Tant s'espan huey per tot le mon
 Ques hom no fa re que far deja,
 Quar lors errors tot ho cofon.
 Fraus vol barat, engans l'acaba,
 Cobeytatz pren, tol e mescaba.

Cobbla multiplicativa. Rubrica².

Mon cor se mor,
 Quar per lunh for

1: Sic ms. Il faut *que* ; cf. la *cobbla* suivante.

2. G. A., I, 246.

Mudar ni star
 No puesc de far
 Forfaytz et faytz
 Contra Dieu laytz,
 Auzen, vezen
 E cossenten
 Trop mals corals
 Ayssi cum fals;
 Per que dece
 Prec Dieu que'm fe
 Qu'en do perdo
 Com' al layro
 El do.

O enayssi :

Bos sabers me part ab un dart
 D'un regart que'm fe l'autrier
 Tant que no's depart de la part
 Vas on art Amors e fier.
 Ay, cors gracios,
 Lunh' altra ses vos
 No m'es agradiva.

Cobbla biocada. R'.

Biocada es aquela cobbla que conte .I. o dos bordos biocatz o mays. Et aytals biocs deu hom pauzar de dos en dos bordos principals, o de tres en tres o mays, o en altra manera, sol que no passe la meytat dels bordos principals: quar donar continuamen a cascun bordo

principal .I. bioc no suffertam, quar non ha bela cazensa.

Biocada pren nom de rim biocat, per que abaste so qu'en havem aqui dig e mostrat per yssemble.

Cobbla replicativa. R'.

Replicativa pren nom de replicatio, de laqual devem tractar enjos; e dam vos per yssemble esta seguen cobbla que fe Nat de Mons.

Reys rix romieus mas man milhors
 [F° 109 r°] Faytz far de dous cor Dieu aman,
 So sen savi salva viran
 Per pus perprendre pretz alhors;
 Don Dieus deu dar do de dous dezirier
 Tant quar conoysh q'el cre' canque conquer,
 Gardan de dan per planhas e per portz
 Que ferm coferm lo bon cor bos cofortz¹.

Cobbla refrancha. R'.

Refrancha sec la manera e la forma d'una figura apelada *paronomazia*, so es can doas o motas dictios semblans o quaysh semblans en lo comensamen o en la fi son pazadas, ostada o ajustada una o motas letras, o una sillaba et ain diverses significatz per esta manera.

1. G. A., I, 248.

2. Ms. *qlere*, avec abréviation de *e* au-dessus de *q*.

3. Cette strophe ne se trouve pas dans les poésies conservées de N'ath de Mons; cf. l'édition Bernhardt. p. xii.

4. G. A., I, 250.

Corta yest, cortz, cor¹ de tota cortezia,
 Quar de cortes descortes fas tot dia,
 Menten, meten, prenden am desmezura
 Perden, penden, soen ses forfachura,
 Donan tal dan, dampnan et absolven,
 En tan que's fan paubres li ric manen;
 A son gran greug de si meteysh se pleja
 Qui longamen, cortz, vostre cors corteja.

Cobla serpentina. R¹.

Vos Dieus, clartat² clara,
 Los mieus³ gardatz ara
 Del mal yrisso
 Pel qual li fisso
 De mort van avan
 Que fort gran afan
 E mal e dezayre
 Nos fan tot jorn trayre.

Cobla desguizada. R⁵.

Desguizada es quar no te la maniera ni la forma de las cobblas dichas o que son a dir. E pren so nom de *desguizamen*, quar hom la pot desguizar en ayntantas

1. *Cor* devrait être exponctué. Une note marginale du xviii^e s., dit : « *Cor* n'est pas à l'autre registre, ce qui fait ici le vers faux, ayant un pied de plus que le correspondant. »

2. G. A., I, 250.

3. Au bas de la page, main du xvii^e-xviii^e s. : « *clartatz* comme à l'autre vol. »

4. Ms. *miens*.

5. G. A., I, 250.

manieras cum se vol, sol que no yesca del compas que deu haver segon sa natura. Aquest desguizamen se fay en motas e diversas manieras, quar algunas vetz la meytatz del[z] bordos d'una cobbla seran de .viii. sillabas e l'autra meytatz de .x., segon qu'om pot vezer en la dicha cobbla que comensa : *Reys rix romieus*, o que algu bordo seran de .v. sillabas, et algu de .vi., coma *Flors de Paradis*¹. Et enayssi de .iiii. sillabas entro .xii.

Per altra manera se pot desguizar que'l primiers bordos o'l ségons se acordara am lo derrier oz am lo denan derrier et enayssi dels autres. Encaras se pot enayssi desguizar que alcun bordo d'una cobbla seran [F° 109 v°] multiplicatiu o refranch, trencat o serpenti, derivatiu o replicatiu, accentual o equivoc, utrissonan brut o dissolut et algu no.

Yshamens se pot desguizar per esta manera que en una partida la cobbla sera methaforada o gradativa, tensonada, capfinida o derivativa, et en partida no; et enayssi de las autras manieras. Aquesta cobbla participa motas vetz am cobblas estrampas, acordans, ordinals, dictionals, parsonieras o sententials.

En tropas autras manieras se pot desguizar : lasquals recitar e de totas dar yshemple seria difícils cauza. E veus una manera de cobbla desguizada.

Can be'm soy cociratz,
 Vey que la voluntatz
 Sobre'l cen et aterra;
 Quar tant es naut pujatz
 Engans, fraus e baratz,

1. Bartsch, *Denkmaeler*, p. 63.

Que bontatz n'es a terra.
 Be'm par ques aquel erra
 Que'l mal conoysh e'l be
 E'l sordeg se rete;
 E qui dreg e dever
 Sosmet a son voler
 Dezampara dece
 La drecha per l'esquerra.

O enayssi :

Qui ls autrus faytz trop emquier e maneja
 E mays auzir lo mal quel ne dezira,
 Rizen, ganhan,
 Trufan del dan,
 Estribotan,
 Lo cap menan,
 Los bes relan,
 Filhs de Satan.
 Razitz de mal, cor enicz ples d'enveja
 Pot esser ditz qui tot aysso cossira
 E dira,

De cobla esparsa. R.¹.

Esparsa es dicha quar es ses par, so es que no ha pariona; e no dupla rim fayshuc, sino vas la fi, cant hom li dona tornada. E pot esser d'una bona razo notabla o de motas. Veus ysemple.

Lo sen del nom, plassa, vous ha mudat¹,
 Antifrazis, per contrarietat;

1. G. A., I, 252.

2. « A l'autre volume on lit *vos ha mudat* et non *vous ha mudat*. Les vers y sont ainsi que je les numérote ici, où ils sont coupés. »
 Note du bas de la page de la copie du xviii^e siècle.

Loqual tot jorn cujatz cubrir e fenher,
 Dizen : « dessay venretz sezer, bels senher » ;
 Pueys retrazen blasmes, trufas e dans,
 Pot hom vezer si'l vostre pretz¹ es grans ;
 Quar al partir vos faytz la boca rire
 E'l cor languir de mal saber e frire :
 E quar non etz plassa de plazer certa,
 Appar que'l noms vostre be no'us reverta.

Cobbla esparsa pot haver tornada, segon la maniera
 dels autres dictatz. E veus yshempl's :

Mant home vey am paubriera
 Mays valer, que'l² dezencuza,
 Qu'am rictat, que la maniera
 D'avol ric tostemps acua.
 Pauc val qi's manens e coutz
 E a bos faytz no's presenta ;
 Mans homs val mays am .v. soutz
 Que tals qu'en ha .xx. o trenta.

Tornada.

Sostraytz non sera ni toutz
 Le joy qu'esper de la genta,
 Quar a liey mos cors s'es voutz,
 Qu'es flors humils ben olenta.

O enayssi :

Manta gen vey a son prolieg tardiva
 E scienmen al seu damnatge presta
 Per .i. petit de plazer que l'aresta
 E per esper que mot longamen viva :

1. G. A. *platz*.

2. Ms. *ql*, avec signe d'abréviation au-dessus de *q* : *qel*?

E pneys can vol ishir de sa folia
 No pot, quar us acostumatx l'empacha
 O non poders; e quar hom mal s'engacha,
 Es dig soen : « qui no fa quan poyria
 Can far o vol s'endeve que's fadia. »

Tornada.

Vos, flors humils, quar per far bona pacha
 De vos am Dieu mayres de luy etz facha.

Cobbla retrogradada. [R'.]

Retrogradada pren so nom de rim retrogradat. Et enayssi quo havem rims retrogradatz per acordansas, per bordos, per dictios, per sillabas e per letras, ayssi meteys coblas; e quar d'aquestas retrogradacios havem lassus assatz parlat e pauzatx motz ysemples, per so abaste so que aqui es estat dig.
 del dictayre; e segon aysso hom pot far cobblas ternas,

De cobbla dobbla. Rubrica².

Dobbla es dicha aquela cobbla ques ha respieg ad un'autra sa par e del tot semblan en compas de bordos e d'acordansas. Et ayssi meteys quo las dobbblas son pauzadas de doas en doas³, ayssi meteysh las pot hom pauzar de tres en tres o de mayes, segon la voluntat

1. G. A., I, 256 : la première rédaction n'a qu'un exemple en vers, plus la *porquiera*.

2. G. A., I, 264.

3. Ms. *dos, dos*, avec *a* suscrit.

quazernas, quintas. E ges per so lor nom no perdo,
cant que la derrera cobbla sia¹ bruta, quar la tornada
en partida li respon e li fa companhia; e veus yshem-
ple de cobblas dobblas; e per aquest hom se poyra
enformar de las ternas e de las autras.

Al primier gaug. Verges del Cel².
Vos trames Dieus Sant Gabriel
E dish : « Ave, gracia plena. »
Le Sans Esperitz qu'ellumena,
— Mentre merce dessay a totz envia,
Per nos pregatz, doussa Verges Maria; —
[F° 110 v°] En te venra, pueys en vos fo
Dieus a l'humil vostra razo.

Al segon .i. dos chan noel
Li angel e li pastorel
Cantero, can de vos ses pena
Nasc Dieus e remazetz vergena;
Jhezu nostra Salvatio
Effantetz ses corrupcio.

Al ters li trey rey d'Orien
Viro l'estela resplanden
Am gaug et am joya complida;
A l'hostal on Dieus es lor guida
Aur et eces offron ades
E mirra, baizan los sieus pes.

Al quart en gran alegremen
Tornerò vostre marrimen,

1. Ms. *sçia*.

2. G. A., p. 264. Le premier couplet ne comprend pas les deux vers de dix syllabes qui paraissent un refrain et qui devraient être placés à la fin du couplet. Le second couplet est assez différent dans les deux rédactions.

Can Dieus, la Passio finida,
Ressuscitet de mort a vida;
Als sieus apparec enapres
Per que lor dol en gaug tornes.

Al sinque son li joy cregut,
Can Dieus per la sua vertut
Vas lo cel pres sa drecha via,
Prezen la sua companhia;
Dessay vos fe Dieus remaner,
Dona, per la fe sostener.

Al seyze foron perceubut
L'Apostol et an receubut
Lo Sant Esperit per qu'estia
Casqus segurs e mays ferms sia;
Adonx lor dec plenier saber
E saubro de la fe lo ver.

Al sete vostre gaug dobbletz,
Can sus en la cort vo'n pujetz
De Paradis, on fos honrada
Per vostre filh e coronada;
Adonx auzitz los noels chans
Dels angels e de totz los Sans.

Verges glorioza, valetz
A cels per losquals mayres etz
Del filh de Dieu pura sagrada
E de cel regina clamada,
Si que lor siatz ajudans
En los perills d'aquest mon grans.

Flors humils e bonazurada,
Faytz, dona, vostres reclamans
D'aquestz .vii. gaugz participans.

Coblas unissonans'.

Unissonans es dicha en respieg de las autras cobblas d'u meteys dictat, per so quar totas son d'u semblan amb aquela en compas de bordos e d'acordansas, segon que par en aquesta canso.

Ayssi cum cel qu'es de cauzir doptos,
 Soy ysharrats, Dona pros avinens,
 Quar trop saber volria si per vos
 Soy ges amatz, pus qu'ieu's am coralmens;
 Quar fis aymans en gran plazer se banha
 Cum cel que sen .i. delicios banh
 Can de sidons joy recep e gazan
 [F^o 111 r^o] E ses biays ha s'amor e gzanha.

E quar no say vostr'amor, Dona pros,
 Arguish me tot jorn mos pessamens,
 Qu'en vos amar estatz soy trop cochos,
 Si donx no'us es la mi'amors plazens
 E que del tot pus que'm paretz estranha
 Fassa mon cor de vostr'amor estranh,
 Quar de mon aur qui fay tornar estanh
 Payrar se deu qui son argen li stanha.

Mas le volers qui ponh totas sazos
 En ben amar destru mos argumens
 E bos espers qui te mot deziros
 E.m' da plazer, me dictan yshamens
 Ques yeu del tot en amar vos m'afranha,
 Si be vas mi vostr'amors no sofranh,

1. G. A., I, 270.

2. Ms. *estianha*.

Quar plazer ha fin'amors per companh
Si que tostemps la sec e l'acompanha'.

Virar no'm vuelh de vos, cors gracios,
Quar en vos es sabers e verays sens,
Don en mon cor assatz dicta razos
Que s'ieu vos am qu'en seretz conoyssens;
Qu'aytals sens vol conoyshensa l'atanha
Et enayssi cascus d'els vos atanh
Quar degun temps aquesta no sofranh
Mas ques aquel solamen noy sofranha.

Cant yeu cossir vostras plazens fayssos,
Lo gentil cors, los bels captenemens,
Vostre clar vis e'l regart amoros
E'l bo renom qu'avetz de totes gens,
Quar non es bes que de vos be no's tanha,
Qu'en totz bos faytz sabetz far so que's tanh.
Me punh Amors e'm talha'l cor e'm franh
Si que non hay partida que no'm franha.

De vos no qual, Flors humils, se complanha
Lunhs fis aymans, pero fort mi complanh
De la plazen qu'ieu am, quar lunh refranh
No'm vol donar d'amors am que'm refranha.

Cobla reforsada¹. R¹.

Reforsada es cant hom pauza algunas acordansas
dins alcus bordos afi que aquels pue sca retornar en
plus breus bordos e pueys los breus retornar en plus
loncz per esta manera.

1. Vers oublié et ajouté au bas de la page.

2. G. A., I, 272.

[F^o 111 v^o] No say quo m'es pres tant sosmes
 E conques soy per ocaizo
 D'un cors gay, cortes, gent apres,
 E merces no'm val pauc ni pro.
 Don soy cossiros e ploros,
 Dona pros, gentils, agradiva.

Aquestz .vi. bordos pot hom abreuja e retornar a .ix.
 bordos per esta guiza :

No say quo m'es pres
 Tant sosmes e conques
 Soy per ocayzo
 D'un cors gay cortes
 Gent apres e merces
 No'm val pauc ni pro.
 Don soy cociros
 E ploros, dona pros.
 Gentils agradiva.

Ayssi meteyz quo aras havem los digz bordos lonx
 tornatz en breus, pot hom pel contrari tornar aquestz
 breus en lonx.

De cobblas dictionals¹. R².

*Dictionals*¹ son dichas quar han respieg a dictio; et
 havem .vi. manieras de cobblas dictionnals, so's assa-
 ber : *derivaliva*, *equivoca*, *accentual*, *ultrissonan*, *tren-*
cada e *sillabizada*.

Diccionals preno lor nom dels rims dictionals.

1. G. A., I, 274.

2. La lettre ornée initiale a été enlevée.

Cobbla derivativa, en altra manera dicha entretracha o maridada. Rubrica.

Cobbla derivativa pren so nom de rim derivatiu e so qu'es estat dig en rim derivatiu deu hom ayssi entendre e notar. E quar aqui per coblas havem pauzat yshemples, abaste so qu'es estat dig aqui.

De cobbla equivoca¹. R².

Equivoca pren nom de equivoc; e quar de equivoc havem lassus tractat, en dos locz, per so recorretz als yshemples lassus pauzat;

De cobbla accentual³. R⁴.

Accentual pren nom de rim accentual; e so quez aqui es dig pot hom ayssi entendre. E fay se per esta manera.

Ta fort me fisso l'irisso¹
De la mort dins lo cor e'm fisso²
Ques a manera d'irisso
Li pel del cap tug m'en irisso,
Don soy tot jorn espaorit
Tant qu'en estau quays esbaitz.

1. G. A., I, 278.

2. *Ibid.*

3. « Lisez *li fissou* » (main du xviii^e s.).

4. Vers oublié et ajouté au bas de la page.

Cobbla utrissonans¹. R².

Utrissomans pren nom de rim utrisonan; e veus la manera.

Si depres savis homes vas,
 Leumen no seras fols ni vas,
 Mas que't regardes a lor pas
 Ja no't falhira vis ni pas,
 Quar sen de savi retendras
 [F^o 112 r^o] Et am fol leumen fols seras.

Cobbla trencada³.

Trencada ve de rim trencat e fa se per esta manera :

Mayres de Dieu, humils e gra —
 Cioza flors e mot beuta —
 Doza, gardatz me que dece —
 Bre m'arma no puesca ni te —
 Ner l'enemix en sa preyzo,
 Vostre filh preyan que'm perdo.

Cobbla sillabicada¹.

Sillabicada pren nom de sillaba o de rim sillabicat, quar algunas sillabas osta hom de lor propri loc e mudalas en autre; et es tan grans l'entricamens que a penas es plazens; e fa se per esta guiza.

1. G. A., I, 278.

2. *Ibid.*, 278.

3. *Ibid.*, 280.

*Zura me tengas tot en cas
 E dras no leu deven al bas,
 Quar hom que zura no me col
 Despen leu dre trop de se dol ;
 Quar dona fra vol esser chura,
 En me loc on tot franh so zura.*

De cobblas parsonieras¹.

Parsonieras son dichas de *part* o de *parso*, quar en partida se fan per manera d'orde et en partida de sentensa, so es per major expressio de sentensa. Parsoniera ha .vii manieras de cobblas, so's assaber *capfinida*, *capdenal*, *recordativa*, *retronchada*, *duplicativa*, *desfrenada*², *affectuoza*.

Cobbla capfinida³.

Capfinida per aquela meteysha dictio oz oratio final del primier bordo vol tostemps commensar l'autre seguen bordo per esta manera.

Verges, sendiers verays e pons,
 Pons de salut e clara fons,
 Fons de purtat e viva dotz,
 Dotz que'ls pecatz deneja totz,
 Vos nos guidatz, Verges Maria,
 E mostratz nos del cel la via.

Ayssi meysh (*sic*) quor's fay repeten una diccio o oracio en bordos se pot far repeten .i. o .ii. bordos en cobblas. Pero de dos no es gayres acostumat.

1. G. A., I, 280.

2. Ou *desfrenada*?

3. G. A., I, 282.

Ayssi meteys se pot far per acordansas de diversas
diccios e veus yshemple.

Mayres de Dieu, Verges cara,
Gara los tieus del Sathan,
Dan e destric procuran
Gran si merces no'ls ampara ;
Ara can li colp se dan,
Fan mestier vostre secors,
Flors humils, per que los plors
Lors vulhatz auzir de cors.

De cobbla capdenal'.

[F° 112 v°] *Capdenals* es can casqus bordos comensa
per una meteysa dictio e soen per motas, segon que
par per los yshemples seguens.

AMORS	{	Fay home gay e pros,
		L'aman red coratjos,
		Viu amb alegretat,
		Fai de l'estranh privat,
		Noyrish e dona forsa,
		En apteza s'esforsa,
		Agensa tota res.

AMORS	{	Ditz qu'om sia cortes,
		Vol home franc e larc,
		Leugier troba tot carc,
		Fay patz de manta guerra,
		Enclinet Dieu en terra.
		Los coratjes' red fis,
		E fay gazanhar Paradis.

1. G. A., I, 280.

1. Ms. *coraiges*.

Ayssí meteys se poiria far de dos en dos, o de tres en tres o de quatre en quatre bordos o mays o per altra manera, sol que tenga compas e no yesca de la natura de cobbla. Yshamens se pot far que la seguens cobbla comense per aquela meteyssha diccio, una o motas, per lasquals comensa la cobbla precedens per esta guiza :

Bos sabers me fay lo cors¹ gay,
 Quar veray pretz ha d'onor ;
 Belazor non say don morrai,
 S'ieu non hay breumen s'amor:
 Ay, cors gracios,
 Lunh'otra ses vos
 No m'es agradiva.

Bos sabers me part am .I. dart
 D'un regard que'm fe l'autrier,
 Tant que no's depart de la part
 Vas on art amors e fier ;
 Be'm faytz deziros,
 Gays cors amors,
 Mays que res que sia.

Encaras se poyria far qui's volia que la cobbla seguens comenses per aquel meteyssh bordo entier per lo qual comensa la cobbla precedens; et aquo meteys de dos bordos; pero de dos no trobam que sia acostumat.

Ayssí meteys se pot far de doas en doas o de tres en tres cobblas o de mays, sol qu'om continue² son compas e no mude la natura d'aquesta cobbla capdenal.

1. « A l'autre vol. *lo cor* le cœur et non *lo cors* le corps. » Bas de la page, main du xviii^e s.

2. Ms. *continue*.

Cobbla recordativa¹.

Recordativa es dicha quar soen torna e recorda una meteysha dictio en .I. bordo per gran affectio que mostra per esta manera.

Vengutz del cel es Dieus vengutz,
 Rezemutz nos ha rezemutz,
 Amem lo Salvador amem,
 Azorem sol Dieu azorem,
 [Fol. 113 r°] Tengam los mandamens tengam,
 Redam lauzor a Dieu redam.

Enayssi quo's fay en cascun bordo se pot far de dos en dos, o en tres en tres o mays, solamen qu'om sega dreg compas e la natura de la cobbla.

En una cobbla se fay yshamens per esta manera, so es que per aquela dictio que comensara la cobbla fenisca.

Ayssi quo's fay per una dictio se pot far per motas e per .I. bordo, so es que per aquel meteysh bordo que comensa la cobbla fenisca. De dos bordos no es acostumat. D'aquest compas pot hom continuar tot son dictat o quis vol de doas en doas o de tres en tres cobblas o mays.

Cobbla retroncada².

Retroncada es can en la fi de cascun bordo o de dos en dos, o de tres en tres o mays o en la fi de cascuna cobbla o de doas en doas o de tres en tres o mays hom

1. G. A., I, 284.

2. *Ibid.*, 286.

retorna una meteysha dictio o motas o can en cascuna cobbla o en algunas hom retorna per dreyt compas .I. bordo entier. De dos no es acostumat.

Dansa n'es exceptada, en laqual hom pot una dictio o motas o .I. o dos o tres al may bordonetz principals del respos retronchar. Pero, can le respos es de tres bordonetz ses plus, no deu hom retronchar' mas los dos o mens; e veus yshemples.

Fons de vertut, ajuda	}	nos.
Regina dels cels, defen		
Cambra de Dieu, ampara		
Verges humils, essenha		
Flors de purtat, deneja		
Estela del cel, guida		
Lums dels Sans, clarifica		
Gaugz de peccadors. salva		
Mayres de Dieu, prega per		

Lo tieu filli sant e glorios.

Veus yshemple de cobblas retronchadas per dictios :

Bos saber me fay lo cor gay,
 Quar veray pretz ha d'onor;
 Belazor non say, dou morray,
 S'ieu non hay breumen s'amor.
 Ay, cors gracios,
 Lunh' outra ses vos
 No m'es agradiva.

Midons mon cor part amb .I. dart
 D'un regart que'm fe l'autrier
 Tant que no's depart de la part

1. Ms. *reclonchar*.

Vas on art Amors e fier.
 Be'm faytz deziros,
 Gays cors valoros,
 Tant etz agradiva.

Veus yshemple de cobblas [F° 113 v°] retronchadas per bordos.

No say quo m'es pres, tant sosmes
 E conques soy per ocayzo
 D'un cors gay cortes gent apres
 E merces no'm val pauc ni pro,
 Don soy cossiros e ploros,
 Dona pros, gentils, agradiva.

Le sieus cors tant es gays e ples
 De totz bes que dins sa preyzo
 M'a liat e mes, on soy pres
 Tant que res donar guerizo
 No'm pot sino vos, cors joyos,
 Dona pros, gentils, agradiva.

De cobbla duplicativa¹.

Duplicativa es can cascus bordos comensa per una meteysha dictio o per motas e fenisho² per un' altra meteysha dictio o per motas, o can se sec per autre compas de dos en dos o de tres en tres bordos o mays, o cant la una cobbla comensa per una dictio o per motas o per .l. bordo solamen e finish per altra dictio o per motas o per autre bordo solamen, quar de motz non es acostumat.

1. G. A., I, 268.

2. L'autre ms. a *finisso*.

Aquesta cobbla se pot far yshamen de doas en doas
o de tres en tres cobblas o may, solamen que compas
[sia] tengutz et hom no yesca de la natura de 'la dicha
cobbla. E veus yshemples d'una dictio o de motas.

Cel	{	Que'ns formec per gran Que'ns dec la ley per Que'ns deliuret per Que'ns ploc manna per	}	amor
		De vertut e de gran sabor		
		Havets aucit, Juzieu trachor		

O enayssi :

Qui	{	Fe'l cel e la terra? Sab e ve tot quant es? Foc netz de tot pecat? Venc del cel en lo mon? Trays sos amix d'ifern? Jutjara finalmens?	}	Dieus
		Qui's amadors may que res,		
		Qui per amor gandic los sieus.		

Veus yshemple de cobblas :

Bos sabers tant es gays e ples
De totz bes qu'en sa preyzo
M'a liat e pres e conques
Tant que res dar guerizo
No'm pot, mas vos, pros,
Am cor valoros
Plazens, agradiva.

Bos sabers me part am .l. dart
D'un regart qu'em fe l'autrier
Tant que no's depart de la part
Vas on art Amors e fier.

Ay, cors gracios,
 Lunh' altra ses vos
 [Fº 114 rº] No m'es agradiva!

De cobbla desfrenada¹.

Desfrenada es cant hom soen torna una dictio o motas dictios ses gardar lunh orde, quar las autras promdanamen dichas gardan orde, so es lo comensamen e la fi. E per so es dicha desfrenada ses fre que's met la on se pot per esta manera :

Lauzor donem, lauzor a Dieu,
 Donem lauzor al filh de Dieu;
 Vencut ha Dieus lo mon vencut,
 Vencut ha Dieus per sa vertut;
 Dieus ha vencut am gran victoria
 E sos amix ha mes en gloria.

Cobbla affectuoza².

Affectuoza es dicha, quar sobre totas las autras des-sus pauzadas mostra tan gran affectio que ses tot meja d'autra dictio recita una meteyssa dictio enayssi :

Veramen, veramen gran tort
 Pres Dieus quan fo liuratz a mort;
 Senher, Senher, vos nos gardatz
 De mort perdurabla si us platz;
 Salva, salva nos, verays Dieus,
 Regarda vas los fizels tieus.

1. G. A., I, 292.

2. *Ibid.*, 292.

De las cobblas sentencials. R.¹.

Sentencials son dichas de sentensa, quar segon la natura de la sentensa que tracto prendo lo nom.

Cobbla sentencials ha jos si .XXVIII. maneras de cobblas, so's assaber : *dubitativa, doptoza, contrarioza, comutativa, diversa, reversa, methaforada, gradativa, ornativa, permutativa, exclamativa, divinativa, rescosla, proverbial, derrizoria, assemblativa, exemplificativa, responsiva, tensonada, en outra manera dicha enterrogativa, concluziva, compendioza, contrafacha, occupativa, designativa, partida, meytada, constructiva.*

De cobbla dubitativa. R.¹.

Le primier jorn qu'eu pogui veyre
Una gentil dona de veyre
De tot mon cor amiey dece :
E play me quar lunhar de se
No'm laysha tro m'a tengut pro ;
Ni'm pot tener pro ni'm tendra,
Per que, si puese, ja no'm perdra.

Cobbla doptoza.²

Tans perills de la part de ssay
Nos layshet Adams qu'ieu no say

1. G. A. I. 292.

2. *Ibid.*, 294.

Si'l deg apelar primier payre,
 Colobre, serpen o dezayre,
 [Fº 114 vº] Malaveg, mort, tristor o que,
 Quar Paradis perdre nos fe.

Cobbla contrarioza¹.

Tan saub Alexandres de guerra
 Que del mon conqueric la terra,
 Quar el encaussec avareza
 Am larguetat et am franqueza;
 Los pros e'ls arditz avansava
 E dels nualhos no curava;
 Als humils dava senhoria.
 E'ls orgulhos al bas metia.

Cobbla comutativa².

- Valors de lauzor no deshen,
 Mas lauzors de valor se pren;
 Ni d'onor ges no ve lauzors,
 Mas de lauzor deshen honors;
 Sabers de bo sen per dever
 No ve, mas bos sens de saber.

Cobbla diversa³.

Si be suy paubres e mendix,
 Aras soy assazatz e rix;

1. G. A., I, 294.

2. *Ibid.*, 294.

3. *Ibid.*, 294.

Can joves era fuy doptatz,
 Aras soy vielhs e mesprezatz;
 De mi solo far lor govern
 Et aras fan ne lor esquern:

O enayssi :

Temps es estat que yeu servia,
 Aras me servis hom tot dia;
 En trebalh fuy et en afan
 Et aras soy en repaus gran;
 Li mal e li gran cossirier
 Me son tornat en alegrier.

O enayssi :

Tu yest fols e malicios,
 Savis soy yeu e piatos;
 Tu yest malautes e yen sas,
 Gentils hom soy e tu vilas;
 Mos filhs es fortz, pros e leyals,
 E'l tieus es flax, pigres e fals.

Cobbla reversa¹.

Tu sentes greu freg en calor
 E caut arden en gran frejor;
 Le freyitz te fay tot jorn suzar
 E'l cautz glatir e tremolar;
 Volontiers en dol totas horas
 Rizes et en alegrier ploras;
 En los boscز pescas los peyssos²
 Et en la mar cassas leos.

1. G. A., I, 296.

2. Ms. *peyslos*; au bas de la page *peyshos* (xvii^e s.).

O enayssi :

Reumpli lo vi del tonel
 Et am lo pa talha'l cotel;
 Uebri la clau am la saralha
 E'l dalh am l'erba del prat dalha;
 Am los singlars los lebriers cassa
 Et am lo tonel fier la massa;
 Ten am la balesta lo croc
 Et ard am la lenha lo foc.

Cobbia methaforada¹.

Mayres de Dieu, flors ben olens,
 Aybres fructuos e plazens
 En quatre razitz be fermatz
 [F^o 115 r^o] E de tres brancas gent ornatz,
 De fuelhas verdejans garnitz,
 Que nombre non han, e complitz
 Amb .i. jorn glorios mot bel
 On ha tres flors en un ramel,
 Gardatz me del raujos leo
 Rugen, devoran e felo.

O enayssi :

Can vey los auzelos salvatges
 Chantar en diverses lengatges
 Et alegrar et esbaudire
 E veg los pratz e ls jardis rire.
 Los boys fulhatz e la gran mar
 Dels blatz en espic ondejar,
 Adonx mon cor per la doussor
 Del temps gay reviu en amor.

1. G. A., I, 298.

O enayssi :

En la ost vi del rey de Fransa
 Targas, escutz e tropa lansa,
 Elmes, espazas flamejans
 E mays sagetas naut volans,
 Don l'ayres rescutz¹ foc dessus
 Am' los dartz que lansec cascus.

Cobbla gradativa .

Si manjas blat de tres arestas,
 Miels sufriras vens e tempestas :
 De qualque vi mays beure vuelhas,
 Beu del noel e de tres fuelhas,
 Que'l vis noels es saboros
 E cel de tres fuelhas es bos.

O enayssi :

Cascus deu amar disciplina
 Per conquerir bona doctrina,
 Quar de doctrina deshendens
 Es sabers e de saber sens,
 De sen be far e de far be
 Naysh valors e de valor ve
 Lauzors e de lauzor honors
 E d'onor pretz a totz senhors.

O enayssi :

Le razims en la vit florish,
 Florit en gra se convertish,

1. « Tescutz à l'autre vol. » (xvii^e s.).

2. G. A., I, 300.

Convertit en gra se melhura,
 Melhurat en apres madura,
 Madurat hom per temps lo cuellh,
 Culit se desfay ins el truelh,
 Trulhat se depura colan,
 Colat hom ne heu trastot l'an.

Cobbla ornativa ¹.

L'autrier can le solelh mostret
 Sos rays pel mon et estendet,
 So fo lo primier jorn de may
 E li auzelet foro gay
 Per la suau doussor del temps,
 Si que tug canteron essemis,
 Can viro la clartat del jorn
 Am gran joy et am gran sojorn
 Diverses chans plazens e fis
 Mot doussamen per los jardis ;
 Adonx me leviey de mon liey
 E mantenen am gran deliey
 [F° 115 v°.] Vas lo CONSISTORY joyos
 Aniey retrayre mas chansos.

Cobbla permutativa ².

Abrams hac dos filhs per engal,
 .I. bord et .I. autre leyal ;
 Escruiet es, no crezatz quieus menta,
 Quar la us fo de la sirventa

1. G. A., I, 304.

2. *Ibid.*, 306.

E l'autre¹ de sa molher hac :
 Loqual apelam nos Yzac,
 Don figuran dos testamens
 Lo vielh e'l noel yssamens².

O enayssi :

Una reyls verga sera
 Que de la razits nayshera
 De Jesse gitans una flor
 Que s'en pujara sus l'aussor ;
 Aysso mostret que per Maria
 De la semen Dieus naysheria.
 Del noble rey David fizel,
 Per que los sieus montes el cel.

O enayssi :

Pus que reteno li pastor
 Uffici de lop raubador,
 A cuy poyrem d'ueymais atendre
 Per nostras ovelhas deffendre ?
 Quar cel que las devon gardar
 S'esforzo tot jorn de raubar.

Cobbla exclamativa³.

Juzieu malvays e mescrezen,
 Juzieu fals e desconoyshen,
 Juzieu ta mal cosselh haguetz
 Can Jhezu Crist penre volguetz,

1. Ms. *autre*.

2. Vers oublié, ajouté en marge, rogné en partie par le couteau du relieur; rétabli par le copiste du *xvii*^e siècle.

3. G. A., I, 310.

Juzieu greumen havetz obrat,
 Quar havetz Dieu a mort liurat ;
 Juzieu, qual escuzacio
 Hauretz de tan gran tracio,
 Can venretz estar denan Dieu
 Per auzir lo jutjamen sieu ?

O enayssi :

Ha Dieus ! en tan gran cocirier
 Es cel que de fin cor entier
 Ama si que cent vetz lo dia
 Le sieus pessamens se varia ;
 Per qu'om no's deu maravilhar
 Si no pot maniera gardar.

Cobbla divinativa¹.

Pros appar e de bela talha
 Cela que'ls pels ab lo cap talha,
 Et am lo sieu ventre soste
 Tot so ques homs e femna ve,
 E dona mantas vetz e fier
 Per guerra, patz o castier,
 O per servir am los sieus pes ;
 Pero can perd lo cap, ades
 Neta la trobaretz e pura
 O tal que's n'ajuda² natura ;
 E cant es sol' espezetada,
 En home la veyretz tornada.

1. G. A., I, 312.

2. Ms. *nauidat*; Gatien-Arnoult lit *n'ajada* (*n'ajuda*).

O enayssi :

.VII. mostro cel qu'en esta vida
 Manja son cap e'l cors n'auida
 E pel mieg es resplandens cauza
 Et am los pes tot quant es pauza;
 [F^o 116 r^o.] Mas si de .VII. .I. s'en amerma,
 En laborar los camps se ferma;
 E si la .I. de .VI. defalh
 Los pels se tol ades a talh;
 E pueys cant es vengutz a quatre
 Aquí veyretz las alas batre¹.

O enayssi :

Aycela mon cor dezira
 Que tant pot e sab valer
 Que'l dezirier e'l yoler
 De totz naturalmens tira;
 P'aubre ni ric no sofana,
 Tant es liberals e franca,
 Et am degu no's restanca
 Si de liey non a gran cura.

O enayssi :

Falhem ses *fa* mon² propri nom profier,
 Meza denan la testa d'un *guinier*;
 E sobre da *poms* revers senes cap
 Qui delicat, s'es moysh, donar *li* sap;
 A l'enderrier, si la final sillaba
 Del dig fruchier prendetz, le nom s'acaba.

1. Le mot de l'énigme est *paraître*; cf. Tobler, *Jahrbuch rom. Phil.*, VIII, 353.

2. *Guilhem Molinier* (cop. du xvii^e siècle). Au-dessous, *croiz*, se rapportant à la strophe suivante.

() enayssi :

Si'l nom de l'aybre que porta
 Gaug e dol e clau la porta
 Ad erguelh saber voletz
 La razitz d'un *castanhier*
 E la sima d'un *rozier*
 E d'un *pom* lo cor prendetz
 E la part de *totz* primiera
 Et yshamens la derriera.

() onayssi :

Qui l'intran sol de genier tuellh
 Et aquel pueys de may recuellh
 E pren segon aquest esclag
 D'octobre la primiera clau,
 L'ishen d'abril, de junh l'intrada,
 La fi del mon, lo mieg d'un riu,
 Lo cor d'un ser e'l cor d'un griu,
 Pot legir cel que m'a dictada¹

Cobbla rescosta².

Rescosta, en altra manera dicha *clauza*, se fay can per las primieras lettras o sillabas o dictios o per las derrieras dels bordos d'una o de motas cobblas o per aquelas que son en lo mieg dels bordos d'una o de motas cobblas hom pot trayre, legir et haver lo nom d'alquna persona o d'autra cauza o alguna certa sentensa o doctrina, laquals ses enterpretatio pot esser entenduda per la cobbla meteysa, una o motas,

1. En marge : G. Molinier, (XVIII^e s.).

2. G. A., I. 314.

jassaiysso que sia pauzat cluzamen; quar si mestiers havia d'enterpretatio, seria divinativa. E veus alqus yshemples; quar per aquestz hom se pot enformar dels¹ autres.

Gran² lauzor, Senher, hajatz vos,
 Verays Dieus e reys glorios,
 [F^o 116 v^o] Ihezu creayre de totz bes,
 Lums e clartatz de tot quant es,
 Honors e laus d'angels e gloria
 E del mon sostenhs e victoria
 Meravilha, quar de mort
 Moren, Senher, l'avetz estort,
 On estet longamen perduz,
 Lumniera de totas vertutz,
 Joy, vida, patz, bonazuransa,
 Nostre gaug e nostra speransa,
 Jutges verays, nostres pecatz
 Enans que'l jutjamen fassatz
 Remetetz am veray perdo.

O enayssi³:

Cela que fo liurada per uzatge
 A pendezo ses tort que non havia
 Dire nos fay mantas vetz ses folatge :
 Ajudatz nos, Dieus et Santa Maria,
 E sos noms *es qui la* vol certamen⁴
 Per dreg nomnar ses tot encombramen;

1. Ms. *del*, corrigé en *dels*, à la marge (xvii^e s.).
2. « La première lettre de chaque vers donne Guilhem Molinier ». (xvii^e s.).
3. « A l'autre vol. on lit ici : *Aquesta cobla fe en P. Arquier.* » (xvii^e s.).
4. En marge : *Esquila* (xvii^e s.).

So nom hay dig tot clar e qui l'enten
Per savi'l tenc de sen e d'azautia.

Ara'm sab bo, quar lo subtil lengatge
E la razo cug saber quals seria
Cela que'ns fay soen de bon coratge
Dieu benezir e sa mayre tot dia,
Quar *la qui es* ha nom segon mou sen¹,
E qui so nom vol saber claramen
Vuelha tornar sillabas subtilmen
Quar far se pot e ses gran maestria.

O enayssi :

Cela qu'es valens guerriera
Contra'l vici que trop renha
Natural porta l'ensenha
D'onestat cant es entiera ;
E si del cap se mescaba
Am l'asta rema tenduda ;
En est cas ta fort s'ajuda,
Quar ha vertuoza saba
Cela que'us hay mentauguda².

O enayssi :

Lo prior de Murel hay vist
Cantan cap cli et tenc per Crist
Una crotz am .XII. dobblos
Ques absolc Johan XXII ;
Aysso fo l'intran de dezembre
Veus l'an e'l mes que miels vos membre³.

1. En marge : *Esquila* (xvii^e s.).

2. En marge on lit : *iusta, la chusste* ? (sic) (xvii^e s.).

3. Faut-il entendre en décembre 34 (= 1334?), en laissant de côté les lettres à valeur numérale et en ne tenant compte que des deux groupes de chiffres romains ?

Cobbla proverbiais¹.

Segurs es qui vay simplamen
E qui naut pueja bas deshen.

En trop parlar no falh pecatz,
Qui'l sab temprar es assenatz.

Fols hom declara tot son còr,
Aycel es savis quey² met for.

De ton amic val mays la plaga
Que del³ fals qu'am bayzar t'apaga.

O enayssi :

Ses gazardo penre servezis grans,
Voler profieg don trops porto dampnatge,
Far de l'autru ufanas e bobans
[F^o 117 r^o] Malvestat es plena de gran otratge.

Tot son poder expauzar en un lans,
A tota gen revelar son coratge,
O sa rictat, sos pecz o sos enans
Es vanetats que mou de gran colatge.

Venjar del tot sas antas e sos dans,
Dir mal d'autru am ver o fals lengatge
Fan creysher mals, discordias et afans
E d'amistat rompo lo pariatge,

1. G. A., I, 318.

2. Ms. *qy*.

3. Ms. *dels*.

Cobbla derizoria¹.

Mals armatz es Pons et arditz
 Si que totz cels ques ha feritz
 De glazi son mort e vencut
 Que non pres colp en son escut.
 Vejatz si pot hom pro servir
 Cel que sab enayssi ferir.

O enayssi :

Vejatz d'aquest, als autres val
 E se gandar no pot de mal,
 Los autres fay sals a bando
 Et a se no pot tener pro.
 Si rey yest e lunha re vals,
 Fay te meteysh e pueysh nos sals.

O enayssi :

Qui sab de Santa Crotz l'ufici
 Leu pot enpetrar benefici.
 Qui's fenh a donar mut ni sort
 Atrobara corta la cort.
 Qui servir sab als cardenals
 Empetra rendas avesquals.

Cobbla assemblativa².

Si cum Sans Peyres ab sas claus
 Tenc Paradis ubert e claus

1. G. A., I, 318.

2. *Ibid.*, 320.

Per lo poder que Dieus li dec,
 Crezi qu'aytals vertutz passet¹
 Als papas que venon apres
 Am que la claus sol non erres.

Cobbla exemplificativa².

Aprendre pot qui's vol del ca
 Que venc am gran pessa de pa
 Al riu d'un' ayga qu'era clara
 E mentre lains se regara
 Autre ca vic am semblan pessa;
 Adonx sautet dedins la vessa,
 So que non es crezec que fos,
 De rapar l'autra fo cochos
 E layshec cela que tenia,
 Per haver so que non vezia.

Nc deu hom voler va per cert
 E qui tot o vol tot o pert.

Cobbla responsiva³.

Nostras LEYS vuelha studiar
 Qui saber vol art de trobar,
 E si del tot ades entendre
 Hom no las pot, a nos atendre
 Vuelha per saber la vertat,
 Quar nos lo mostrarem de grat;

1. *Passec* (p).

2. *G. A.*, I, 320.

3. *Ibid.*, 322.

E si laycz del tot apparia
 E ponch¹ de letras no sabia,
 Als bos dictatz antix atenda
 Per so que'l saber miels aprenda.
 [F° 117 v°] E pueys haura lo bon lengatge
 Dels trobadors per lonc uzatge
 Si que poyra far en romans
 Mans dictatz bels et agradans.

Cobbla tensonada o tensonans, en outra maniera dicha enterrogativa o enterrogans o razonans¹.

Am si meteys qui no s'ave
 Am autre quo s'avenra be?
 Qui'ls secretz sieus vol revelar
 Los autrus quo poyra celar?
 Qui tostemps men a sos amix
 Quo dira ver als enemix?
 Qui no pot a si pro tener
 Als autres que poyra valer?
 Qui ses poder es orgulhos
 Humils cum sera poderos?

O enayssi :

Bertrans m'a pregat que l'ajude;
 E per que yeu al vila rude
 Que tot lo mal ques ha pogut
 M'a fag aytant quant ha viscut?

1. Au bas de la page, main du XIV^e s. « Nota pro laycis remedium ad discendum istam artem »; ainsi lit le copiste du XVII^e s. Je lis plutôt : *addicendj* (pour *addiscendi*?)

2. G. A., I, 322.

Pero no m'en cal del truan,
 Quar finalmen n'a'fag son dan.

O enayssi :

En qual loc poyrem guerrejar
 E nostras lotjas cologar?
 Qual secors haurem per defendre
 E de qual terra poyrem prendre
 Homes amb armas e sirvens?
 Quar trop son destrechas las gens.

O enayssi :

Yeu no soy del tot pex ni fatz,
 Ni tu fort savis ni membratz;
 E quar yest trop leris e gays
 Sapchas qu'om no t'en preza mays;
 E quar yeu estau simplamens
 Degus homs no m'en preza mens.

O enayssi :

Halas! ques has? Greu mal. E qual?
 Fervor d'amor? O yeu. Coral?
 O be. De me? De te. Per que?¹
 Quar pros, joyos, los cors e bos
 Es bels, ysnel e gracios.

Peccat malvat has contra Dieu
 Pessat que dat t'a lo nom sieu;
 Vers es, mas ges als non puesc far,
 Quar pres ses bes me fas estar.

1. Il manque une rime en *e*, à moins de dédoubler ce vers : même chose dans l'autre rédaction.

Cobbla conclusiva¹.

Si'l Papa contra l'avversari
 De Santa Gleyza dig Bavari²
 Es negligens e nualhos,
 Vendra nostra fes al dejos;
 Don tug aycel qui fizel so
 Hauran gran tribulacio.
 Quar le Bavaris persegra
 Los fizels que trobar poyra.

O enayssi :

Tot quant es fe Nostre Senhor
 Per caritat e per amor ;
 Per amor es en terra patz,
 Per amor es le mons salvatz ;
 Ses amor hom no pot valer
 Ni be far à Dieu son plazer.
 [F° 118 r°] Pus·que tot quant es ha fag Dieus
 Per amor e salvatz los sieus,
 E ses amor hom no val gayre
 Ni pot be servir le Salvayre,
 Donx Amors es plus excellens
 Qu'autra vertutz e mays playzens.

O enayssi :

En tant que Dieus verays homs fo
 Suffertec mort e passio :

1. G. A., I, 326.

2. Même citation dans G. A., I, 326, et autre allusion au « Bava-rois », G. A., III, 336. Il s'agit de Louis de Bavière, 1314-1347.

Donx el vol suffertar la mort
 Per lo sieu o pel nostre tort;
 No per lo sieu, quar no pecquec,
 Pel nostre donc la suffertec.

O enayssi :

Per far gran ric home to filh
 T'arma no metas en perilh¹;
 Quar el es assenatz, o no :
 Si l'es assenatz, haura pro,
 Sino tot no l'abastara,
 Ans lo tieu e mays gastara.

O per esta maniera et es ysemples de dos cobblas :

Don es Albertz tan habondos,
 Tant rix e tan peccunios ?
 Es li de sos payros vengutz ?
 Mas no, que trastot fo vendut.
 Hac layshas ni lunh heretage
 D'ome que fos de son linhatge
 O d'autre que l portes amor ?
 Non ges, quar li sieu crezedor
 Han fayt sos bes òcar e vendre
 E playdejan trastotz despendre.
 Hauria tal amic que l des
 O quelque dona que l'ames ?
 No creatz, quar vilas es fals,
 Regans e cobes e rurals.

Ha pogut aysso gazarhar
 De pensios per avocar
 O per estamen d'ufficier
 O per uzar d'alqu mestier ?

1. Vers oublié et ajouté en marge : le *l* initial n'est pas lisible; mais le copiste du xviii^e s. l'a lu.

No pas, quar letras non apres
 Ni d'ayso far no s'entrames.
 Pus quel non ha pogut haver
 Segon que par tan gran aver
 Per lunha d'aquestas manieras,
 Cove donx qu'el haja menieras
 D'aur o d'argen dins sa mayzo,
 O que per sa gran tracio
 En qualque loc haja panat
 O qualque ric home raubat.

Cobbla compendioza¹.

Jhezus del cel es deshendutz
 Del Sant Esperit coceubutz
 E nats de la Verge Maria
 E per .I. de sa companhia
 Trazitz als Juzieus e liuratz
 Et en aprop a mort jutjatz ;
 Pueys lo ters jorn ressucitec,
 Vius apparec e's demostrec,
 Pueys montet s'en lassus els cels
 On recebra los sieus fizels.

Cobbla contrafacha².

La terra ditz : « Tot lo mon yeu
 Sostenc mays que res aprop Dieu ;
 Yeu soy governs e noyrimens
 [F^o 118 v^o] D'erbas, de plantas e de gens,

1. G. A., I, 33o.

2. *Ibid.*, 33o.

Per que mot deg esser amada
E terra mayres apelada¹. »

O enayssi :

Le solelhs ditz : « La nueg e'l jorn
Fau engendrar yeu al mieu torn
E tota gen multiplicar
E'ls aybres florir e granar ;
A tot² lo mon doni clartat,
Per que deg haver principat
De terra, de mar e de l'ayre
E tug de mi devon far payre. »

O enayssi :

L'aze's complanh e ditz : « Hay las
Lunh temps no poyray esser gras,
Quar deport, solas ni sojorn
No'm sove qu'ieu hagues .I. jorn,
Mas colps, mal digz e bastonadas.
Don senti mas costas macadas.
Tot jorn vey que'm rompo la pel
Amb .I. gran tros de taparel ;
Dece qu'ieu intri per l'ostal,
Meblasma cascus e'm dits mal ;
Vezer no'm volon en lor plassa
Ni re no m'es grazit qu'ieu fassa ;
Ay las que poyray far ni dir !
Mays val trop que'm layshe morir. »

1. Cf. t. I, p. 53.

2. Ms *tout*, avec *u* exponctué.

Cobbla occupativa¹.

Vay avan, per pauc no t'o dic,
 Be veg don has lo cor enic
 E conosc per que parlas tan
 Am cela que't vezes denan ;
 Empero ja non diray plus
 Qu'entendre'm pot leumen cascus.

O enayssi :

Lo furt ques has fayt del sauteri
 Diray mas non ges l'azulteri :
 Las plagas yshamens dir vuelh
 Faytas ad Huc per ton erguelh :
 Enpero ges no'm play retrayre
 Lo mutre² que fist non ha gayre.

Cobbla distributiva³.

Cil que son paubre d'esperit
 Seran lauzat e benezit,
 L'umil tostemps bonazurat
 E l'ignocen el cel montat :
 Cel qu'en est mon hauran victoria
 Veyran Dieu am complida gloria
 E li misericordios
 Hauran lo regne glorios.

1. G. A., I, 332.

2. Sic ms.

3. G. A., I, 332.

Cobbla deznativa ¹.

Aquest tot jorn porta sos gans
 Qu'om diga que Senhors es grans;
 .I. anel d'aur li veg portar
 Per vanamen aquel mostrar ²,
 E porta sabates picatz
 Per so que semble delicatz;
 Questios fay et argumens
 Per mostrar qu'el es entendens.

De cobbla partida ³.

Cobbla partida conte dos o motz diverses langatges,
 segon qu'om pot vezer en esta cobbla ⁴.

[F^o 119 r^o.] ⁵ Bels chivaliers, tant es grans
 Le vostre grans senhoratges
 Q'uno iorno me n'es mocho.
 Oy me lasso ! que faro ?
 Si cela que j'ay pus chiera
 Me tua ne say por quoy;
 Ma dauna, he que deyt a bos,
 Ni peu cap Santa Quitera,

1. G. A., I, 334.

2. Ms. *moustrar*, avec *u* exponctué.

3. G. A.; I, 334.

4. Au bas de la page, main du xviii^e siècle : « *que se en Riam-baut* (à l'autre vol.). »

5. En haut de la 1^{re} col., main du xiv^e siècle. « *Nota diuersa ydiomata.* »

Lo corasso m'avetz touto
E mot doussamen furtato¹.

Cobbla meytadada².

Cobbla *meytadada* la una part o meytat pren del lati e l'autra part o meytat del romans.

E ges hom no garda accen en lo lati per la maniera qu'om lo garda en romans, sino en las finals acordansas, coma *penitus* e *divinitus*, que fan bon'acordansa et han .I. meteysh accen; mas *penitus* e *munitus* han l'accent divers, per que no fan leyal acordansa, segon l'accent; mas *munitus* et *initus* s'acordan en accen; et aysso dizem per qu'om no's meravilhe si no gardam accen quan pauzam lo lati en la pauza, o en lo mieg d'alcun bordo; e veus yssemble.

Arbor vite fructifera

Per cuy le mons es restauratz

A ruina mortifera

Mayres de Dieu, vos me gardatz;

Natum ora lo rey de gloria

Sine mora que'm do victoria

Et perora per ma defensa

Mortis hora que'l fals no vensa³.

1. C'est la dernière strophe du *descort* de Rambaut de Vaqueiras, *Aras quan vei verdejar*.

2. G. A., I, 334.

3. Au bas de la page, main du *xvii^e* siècle. « Nota. Le sous-ligné est latin et est écrit en rouge à l'autre volume. »

De cobbla constructiva¹.

*Cobbla constructiva*¹ se fay de lati e de romans en esta manera. E so qu'es estat dig d'accen en cobbla meytadada deu esser entendut ayssi et en las autras lors semblans. E veus yssemble.

*Deus Dieus largiter dona
Per te per te, mater mayre,
Creatoris del Creayre,
Dyadema la corona
Paratum aparelhada
In excelsis en los cels
Quod loquals datur es dada
Fidelibus als fizels.*

Encaras havem cobbla *replecativa*, laquals pren so nom de replicacio, qu'es us vicis sino can se fay sciencimen e per dreg compas.

Cascunas de las cobblas seguens pot haver diverses noms : *cotinuada* (sic) o *continuans*, *multiplicativa* o *multiplicans*, estiers dicha *tombarela*, o *enpeu* [Fº 119 v] *tada*, *replicativa* o *replicans*, estiers dicha *ferida*, *retrogradada* o *retrogradans*, *derivativa* o *derivans*, estiers dicha *maridada* o *entretracha*, *recordativa* o *recordans*, *duplicativa* *duplicans*, *assemblativa* *assemblans*, *exemplificativa* *exemplificans*, *responsiva* *respondens*, *tensonada* *tensonans*, estiers dicha *enterragativa* o *enterrogans*

1. G. A., I, 336.

2. Ms. *constructiva*. avec u exponctué.

o razonans, concluziva o concluzens, occupativa o occupans, distributiva o distribuens, designativa o designans, constructiva o construens, rescosta o cluza, capcaudadas o capcoadas.

Ayshí tracta dels dictatz.

Dictat es pronunciamens
 Faytz per compas de motz plazens
 E bos per que l'auzidor brug
 Ne puescan portar alcun frug.
 Dictatz que de bos motz defalh
 Es coma squila ses batalh;
 Per qu'om d'aquels deu haver cura;
 Veus apres de vers sa natura.

Mostra qu'es vers¹.

Vers es us dictatz en romans,
 De sen quar es verays tractans,
 E quar dir se pot de virar.
 D'amors yssamens pot tractar,
 De lauzors o d'esenhamens,
 E qui's vol de reprendemen.
 E conte de .V. a .X. cobblas;
 E la tornada, si la doblas,
 Far se pot neysh en tot dictat:
 E deu haver long so pauzat
 E noel am belas montadas
 E deshendudas e passadas,

1. G. A., I, 350 et suiv. Cf. aussi la rédaction rimée.

Doussas, plazens e graciozas,
 Acordans e melodiozas,
 Procezen am vivas razos
 Et am leylals concluzios.

De tornada.

Qui vol far tornada complida
 La meytat debes la finida
 Prenga de la cobbla derriera
 E seguen aquela manera
 En nombre par tornada fassa;
 La qual meytat d'un bordo passa
 Can troba non pars los verssetz
 E merma d'autre mantas vetz.
 Soen per engaltat se dobbla
 En tot dictat qui la vol dobbla;
 E motas vetz pauzam major
 La denan e l'autra menor:
 La una lo senhal mensona,
 L'autra lo nom de la persona
 A cuy le dictayres donar
 Vol son dictat o presentar.
 [F° 120 r°] Li rim pero que son estramp
 Gardo se del dissolut camp,
 E si'l dictats se retrograda
 De jos en sus vay la tornada,
 So es vas lo mieg o d'aqui
 Procezir pot entro la fi.
 Pero qui vas la fi comensa
 De l'accent haja sovenensa.
 Li cap coat avan atras
 Hauran qui's vol semblan compas.

De Chanso.

Chansos es dictatz que d'amors
 Principalmen o de lauzors
 Tracta, recitan motz plazens
 Am alcus bels essenhamens
 Per dar a totz bona doctrina,
 Qu'estiers del tot non appar fina.
 De .V. a .VII. cobblas encara
 Et aytal so cum vers ampara;
 E si d'aquest defalh es nuda
 O coma bela dona muda
 Si que del tot appar estranha
 Quar sos noms am liey no s'afanha.

De descort.

Descortz es dictatz mot divers
 D'aytantas cobblas coma vers,
 D'acort, de so dezacordabblas
 E de lengatges variabblas,
 E singulars¹ e d'un amas
 O totes de divers compas.
 E deu mays, segon que'ns appar,
 D'amors o de lauzors tractar,
 O cant hom de sidons se clama,
 Quar enayssi cum sol no l'ama
 O de tot essens qui volia.

Si far tornada mays plazia
 Retenga cascus la manera
 Laqual lassus pauzem primiera

1. Ms. *simulas* : « *singulars* » (xvii^e s.).

On dels lengatges que dig so
 Deu hom far compilacio.
 E si de totz l'es esquerrier,
 Prenda cel ques ha mes derrier.
 Pero si trop li torna greu,
 Quar troba la tornada breu,
 Recorsa pot far cadaüs
 De totz los lengatges dessus,
 Ayssi co'ls ha pauzatz a renga,
 Mas que las acordansas tenga,
 Lasquals vezetz ques ha per si
 Cascuna cobbla sus la fi.
 Quar d'aquel loc pren acordansa,
 Recorsa, qui be la balansa
 E segon dever la compassa,
 Lo compas de cobbla no passa.

Mostra quals lengatges es estranhs.

Lengatges qu'es per estranh pres
 A nostras Leys non es sosmes;
 Sentensa, compas, rim leyal
 Requier solamen per engal;
 E si vol accen retener,
 Aytant pot l'obra mays valer;
 D'ornat qui's vol autre no cura.
 Aytal estranha parladura
 [F^o 120 v^o]¹ Coma Frances, Norman, Picart,
 Breto, Flamenc, Engles, Lombart,
 Navarr, Espanhol, Alaman,
 Et de cascu lor quays semblan

1. En haut du folio, main du xiv^e s. (?) « Quals lenguatges son
 recebutz e quals deffendutz ». En marge, rogné par le relieur :
 « apte ad [d]ictandum », avec un renvoi au vers *Coma frances*.

Qu'en lor parlar Oc non han prest.
 Los autres han en lor arrest
 Nostras LEYS ques Oc oz O dizon,
 Cum so per so que miels s'avizo
 Li Peyragorc e'lh Caerci,
 Velayc, Alvernha, Lemozi,
 Rozergue, Lotves¹, Gavalda,
 Agenes, Albeges, Tholza;
 Yssamens son de nostra mers
 Carcasses, Narbona, Bezers
 E tug cil qui son lor sosmes
 E Montpeslier et Agades;
 Pero de nostras LEYS s'aluenha
 La parladura de Gascuenha.

De dansa.

Dansa dictatz es gracios
 Amb .I. tan solamen respos
 Et am tres cobblas atressi
 Ad aquel semblans en la fi;
 E la tornada vol per fort
 Esser tostemps d'aquel ressort,
 Los commensamens de lasquals
 Deu hom per compas far engals.
 Enpero, quant a l'acordansa,
 Son divers o d'una semblansa;
 Del respos han diversitat
 D'acort e qui's vol d'engaltat.
 De mieja cobbla ses biaysh
 Pren son compas respos o quaysh,

1. Ms. *lotues* ou *botues*, *botnes*.

Quar de dos versetz mays o mens
 Al plus es sos variamens.
 Et alcu fan de *dansa dans*,
 Quar es de cobblas razonans.
Desdansa desdans volo far
 Per lo contrari descantar.
 E ges per so lor mayestria
 No's part de *dansa* ni varia.
 Degus versetz que *dansa* col
 Passar .VIII. sillabas no vol;
 Pero soen trobam que passa,
 Can rims multiplicatz l'abrassa.
 De bels motz deu esser garnida.
 E que del tot sia complida.
 D'amors deu tractar per dever
 E gay so per dansar haver.
 E ses aquel appar deserta,
 Quar lo sieus noms be no'l reverta.
 Tres bordos o mens qui's volra
 Del refranh retronchar poyra.
 E can sol es de tres versetz,
 Los dos o mens tornar poyretz;
 E de so qu'ayssi vos sofranh
 Cobbla vo'n da lassus refranh,
 Et yssamens lay on mostradas
 Vos havem cobblas retronchadas.
 Gardat pero so que dig es
 E'l plus on hom vos ha remes,
 De tota cobbla don que's port
 Dansa poyra far son report,
 Si donx no'l dava tal pressura
 [F^o 121 r^o] Que la gites de sa natura
 O non havia tal proces
 Que son compas li varies.

De sirventes.

Sirventes es dictatz que play
 E servish se leu men que may
 De vers, descort o de chanso,
 Cant a las cobblas et al so,
 Am l'acort dels meteysches motz
 O d'autres d'aytan semblan votz,
 Oz am diversa, mas que tenga
 L'autre compas e'l so retenga',
 Tractans de mal dig general
 Per castiar cels que fan mal;
 E si de fag parla de guerra,
 En son proces per so non erra;
 Am belas razos deu reprendre
 Et enductivas ad aprendre

De pastorela.

Us bels dictatz es pastorela
 Que .VI. o .VIII. cobblas capdela
 E .X. alcunas velz o may
 Am noel so plazen e gay:
 No ta lonc cum chansos requier,
 Ans lo vol. I. pauc viacier.
 Pero cant .XXX. cobblas passa,
 Cascus pot dir qu'es longa massa.
 D'esquern deu pauzar son dictat,
 Ses far e ses dire viltat.

1. Ms. *Se relenga*. Au bas de la page : « *se n'est pas à l'autre volume et fait ici le vers faux.* » (XVII^e s.).

De tenso.

Tensos es dictatz on tensona
 Cascus per sa part e razona
 Per mantener o dig o fag;
 E deu hom fenir aytal plag
 De .VI. a .X. cobblas al may.
 E pueys tornada cascus fay,
 En laqual devon elegir
 Jucge per lor plag diffinir;
 E'l juges lor compas seuguen¹
 Poyra dictar son jutjamen,
 O si's vol per novas rimadas,
 Quar en est cas son costumadas;
 Loqual deu hom dar ben adreg,
 Non pas recitar segon dreg.
 Pero ges mens non es prezatz,
 Can segon dreg es recitatz.
 Si novas rimadas presenta,
 Vint cobblas pren e mays de .XXX.
 E no vol so de sa natura,
 Quar sol de bonas razos cura,
 Si donx no fay en aicel cas
 Can d'autre loc pren son compas,
 Coma de vers o de chanso
 O d'autre qu'aver deja so;
 Quar adonc per mielz alegrar
 Se pot en autru so cantar.

1. Ms. *Senguen*?

De partimen.

Partimens es segon romans
 Questios dos membres portans
 Contraris donatz ad algu
 Per so que defenda la .I.
 Cant al remanen, sec la via
 De tenso que no s'en desvia ;
 E qui's vol partimens encara
 [F° 121 v°] Diverses lengatges ampara,
 E tensos e las' pastorelas
 E celas ques han lors pagelas,
 Coma son monjas e vaquieras
 Et ortolanas e vergieras.
 Dictatz qu'es d'autru lenga totz,
 Si be plazens appar a motz,
 En nostre jutjamen no's met,
 Cant que'l trobem subtil e net ;
 Quar d'erguelh mou e fay obratge
 Qui vol jutjar l'autru lengatge,
 Si no's mesclatz am nostra lenga
 E quez adonx cert compas tenga.

De planch.

Planx es dictatz qu'om fay per dol,
 Que de .V. a .X. cobblas col,
 Am so noel e quaysh planhen
 E lonc e pauzat e plazen ;

E soen per abuzio
 Se pren de vers o de chanso;
 E deu hom dire lauzors grans
 Am plazens motz e mays los dans
 Qu'om pren e son aparegut
 De so qu'om planh et ha pergut.

D'escondig.

Escondigz es trop bos dictatz
 Per loqual cel qu'es acuzatz
 Se dezencuza tota via;
 Estiers de chanso no's desvia.

De retroncha.

Retroncha dictatz es d'acort
 Am vers quar es del sieu ressort,
 Exceptat que tolas vegadas
 Se fay de cobblas retronchadas.

Lassus en los mandamens de trobar havem tractat
 de escondig e de retroncha, per que abaste so qu'en es
 dig ayssi.

**Tractat es estat dels dictatz principals. E veus
 dels no principals. R.**

Autres dictatz pot hom far ed ad aquels enpauzar nom
 segon la voluntat del dictayre e segon que'l dictatz de
 sa natura requier en tal manera que'l noms sia be
 consonans et acordans a la cauza.

De redondels ni viandelas no curam, quar cert actor ni cert compas noy trobam, jaciayssó que alcu comen-so far redondels en nostra lenga, losquals hom solia far en lengatge frances.

Dictatz no principals no estrenhen a cert nombre de cobblas. D'aytals haven gran re coma *somis*, *vezios*, *cossirs*, *reversaris*, *enuetz*, *plazers*, *desplazers*, *conortz*, *desconorts*, *rebecz*, *relays*, *gilozescas*, et enayssi de trops autres [F^o 122 r^o].

Dictatz no principals pot esser am tornada o ses tornada. E pot hom repetir la una cobbla del comensamen o de la fi am tornada o ses tornada, majormen cant ha so, per so que am so hom hy puesea respondre en la manera et al compas que'l dictayres voldra e compassara.

Alcu fan gilozescas al compas de dansa o de chanso. Item alcu fan bals amb .I. respos et am motas cobblas. Pero bals es divers de dansa, quar dansa no ha mays tres cobblas estiers lo respos e la tornada e bals ha de .V. a .X. cobblas o mays. Encaras bals ha so mays minimat e viacier e mays apte per cantar amb estrumens que dansa. L'autra diversitatx es quar hom cominalmen fa e ordena lo dictat de dansa e pueysh li empausa so, e'l contrari fa hom leumen en bal. Quar hom primieramen troba'l so amb esturmens e pueysh, aquel trobat, hom fa lo dictat del bal, jaciayssó que aysso meteysh pot hom far en dansa. Bals deu tractar d'amors o de lauzors o d'autra materia honesta, segon la voluntat del dictayre.

Ostampida ha respieg algunas vetz quant al so d'esturmens; et adonx d'aquesta no curam. Et algunas vetz ha respieg no tant solamen al so, ans ho ha al

dictat qu'om fa d'amors o de lauzors, a la maniera de vers o de chanso. Et adonx, segon aquesta sciensa, pot haver loc.

De garips no nos entrametem, quar solamen han respieg a cert et especial so d'esturmens ses verba.

FIN DU LIVRE II.

BIBLIOTHÈQUE MÉRIDIONALE

PUBLIÉE SOUS LES AUSPICES DE L'UNIVERSITÉ DE TOULOUSE

La *Bibliothèque méridionale* publie des travaux & des documents de tout genre relatifs à l'histoire, à la langue & à la littérature du Midi de la France & des pays voisins : Italie, Espagne, Portugal. Elle forme deux séries distinctes au point de vue du format : la première série, petit in-8°, est plus spécialement consacrée à l'histoire littéraire ; la seconde, grand in-8°, à l'histoire.

DEUXIÈME SÉRIE, FORMAT IN-8° RAISIN.

- Tome I. *Documents pour l'Histoire de la Domination française dans le Milanais (1499-1513)*, publiés par L.-G. PÉLISSIER, professeur à la Faculté des Lettres de Montpellier. — Prix : 10 francs.
- Tome II. *Inscriptions antiques des Pyrénées*, par Julien SAGAZE, 468 inscriptions dont 350 gravées d'après les monuments originaux. — Un fort volume de 600 pages, imprimé sur beau papier. — Prix : 25 francs.
- Tome III. *Gaston IV, comte de Foix, vicomte souverain de Béarn, prince de Navarre 1423-1472*, par Henri COURTEAULT, archiviste aux Arch. nat. — Prix : 10 francs.
- Tome IV. *Les institutions politiques et administratives du pays de Languedoc du treizième siècle aux guerres de Religion*, par Paul DOGNON (*Epuisé*).
- Tome V. *Quelques préliminaires de la révocation de l'Edit de Nantes en Languedoc*, par P. GACHON, prof. à la Faculté des Lettres de Montpellier. — Prix : 10 francs.
- Tome VI. *La Réforme en Béarn*, par M. l'Abbé V. DUBARAT, aumônier du Lycée de Pau. — Prix : 10 francs.
- Tome VII. *L'impôt sur le revenu au dix-huitième siècle, principalement en Guyenne*, par Marcel MARION, professeur à la Faculté des Lettres de l'Université de Bordeaux. — Prix : 9 francs.
- Tome VIII. *Louis XI, Jean II et la Révolution catalane (1461-1473)*, par J. CALMETTE, archiviste paléographe, docteur ès lettres. — Prix : 20 francs.
- Tome IX. *Coutumes et privilèges du Rouergue, t. I. Rodez*, par E. BAILLAUD et P. A. VERLAGUET. — Prix : 10 francs.
- Tome X. *Coutumes et privilèges du Rouergue, t. II*, par E. BAILLAUD et P.-A. VERLAGUET. — Prix : 10 francs.
- Tome XI. *Le Jansénisme au dix-huitième siècle et Joachim Colbert*, par M. l'abbé Valentin DURAND. — Prix : 10 francs.
- Tome XII. *Blaise de Monluc historien : Etude critique sur le texte et la valeur historique de ses Commentaires*, par Paul COURTEAULT. — Prix : 15 francs.
- Tome XIII. *Les documents sur l'histoire de l'Université de Toulouse et spécialement de la Faculté de Droit civil et canonique (1229-1789)*, par René GADAVE. — Prix : 10 francs.
- Tome XIV. *Lettres inédites de la comtesse d'Albany (suite de)*, par L.-G. PÉLISSIER, doyen de la Faculté des lettres de Montpellier. — Prix : 9 francs.
- Tome XV. *Histoire critique des Jeux Floraux depuis leur origine jusqu'à leur transformation en Académie (1623-1694)*, par M. de GÉLIS, mainteneur. — Prix : 10 francs.
- Tome XVI. *L'Art dramatique à Valencia*, par Henri MÉRIMÉE, docteur ès lettres. — Prix : 20 francs.
- Tome XVII. *Nicolas Bachelier, imagier et maçon de Toulouse au seizième siècle*, par Henri GRAVILLON, ancien membre de l'Ecole de Rome, maître de Conférences à la Faculté des Lettres de l'Université de Toulouse, docteur ès lettres. — Prix : 15 francs.
- Tome XVIII. *Lettres inédites de la comtesse d'Albany (suite de). 2^e volume*, par L.-G. PÉLISSIER, doyen de la Faculté des lettres de Montpellier. — Prix : 9 francs.

THE UNIVERSITY LIBRARY
UNIVERSITY OF CALIFORNIA, SANTA CRUZ

459-278
This book is due on the last **HOUR** stamped below.

JUL 1 1997

5085651

JUL 29 1997 REC'D
AUG 29 1997 REC'D

JUL 08 '99

*every 3
days
renew - July 11*

JUL 08 1999 REC'D

MAY 29 2002

5060357 nq

JAN 25 2003

50m-8,'65(F628288)2374

UNIVERSITY OF CALIFORNIA, SANTA CRUZ



3 2106 01209 3909

